

SUWÁL-I-RÚH

WA

Jawáb i Iláhi,

AZ

KALAM-ULLAH.

~~~~~  
SÁL KE HAR ROZ KE LIYE.  
~~~~~


“Mashwarat aisí hotí thí, jaise koí
Kalám-ulláh se púchhtá hai.”

2 Sam. 17: 23.

~~~~~  
Allahabad:

PANJÁB KE “RELIGIOUS BOOK SOCIETY”  
KE WÁSTE ALLAHABAD MISSION  
PRESS MEN CHHÁPI GAI.

.....  
1874.



300-1-100

300-1-100

300-1-100

300-1-100

WE

“TERE bare ihsán ká bahut sá zikr  
karengē.”—Zabúr 145: 7.

D I B A J A .



Kyá MERÍ báten us ke liye, jo sídhá  
chaltá, muḡid nahín haiṇ ?

Míkah 2: 7.

TERÁ kalám mere pánw ke liye chirág,  
aur merí ráh kí roshní hai.

Zabúr 119: 105.

Tum achchhá karte ho, jo yih samajh-  
kar is par nigáh rakhte ho; ki wuh ek  
chirág hai, jo andherí jagah men jab tak  
pau na phate aur subh ká tárá tumháre  
dilon men záhir na howe, roshní bakhsh-  
tá hai.

2 Patras 1: 19.



Aj ke din KHUDÁWAND kí marzî ilhám  
se daryáft kîjiye. 1 Salátín 22 : 5.

Aur Us ke kalám ko apne dil men  
jagah díjiye. Aiyúb 22 : 22.

# SUWÁL - I - RÚH

WA

Jawáb i Maíní,

AZ

KALÁM - ULLÁH.

JANUARY 1.

Ai KHUDÁWAND, Tú kaun hai ?

Aamál 22 : 8.

MAIN KHUDÁ I QÁDIR hún ; tú MERE  
huzúr men chal, aur kámil ho.

Paidáish 17 : 1.

Ai KHUDÁWAND, main jántá hún, ki  
apní ráh nikální insán se nahín hai ; in-  
sán jo chaltá hai, us ke qábú men nahín,  
ki wuh apne qadam jahán cháhe barhá-  
we, ..... Pas, Tú APNE nám ke liye merí  
rahbarí aur merí rahnumái kar.

Yaramiyáh 10 : 23. Zabúr 31 : 3.

MAIN tujhe talím dúngá, aur us ráh  
men, jis men tú chalegá tujhe sikhláúngá,  
terí rahnumái ke liye MAIN apní áñkh  
tujh par lagáúngá.

Zabúr 32 : 8.

Tú kahān rahtā hai ?

Yúhanná 1 : 38.

KHUDÁWAND yún farmatā hai, ki ásmán MERÁ takht hai, aur zamín MERE páñw rakhne kí chaukí : . . . lekin MAIN us shakhs par nigáh karúngá, usí par jo garíb aur shikasta dil hai.

Yasaiyáh 66 : 1, 2.

TERÍ báten kyá hí mīthí lagtí hain.

Zabúr 119 : 103.

JANUARY 3.

Lekin kyá haqíqat men KHUDÁ ádmí-on ke sáth zamín par sakúnat karegá ?

2 Tawáríkh 6 : 18.

Kyúnki WUH jo álí aur buland hai, aur abad-ul-ábád sukúnat kartá hai, jis ká nám Quddús hai, yún farmatā hai, MAIN buland aur muqaddas makán men rahtā hūn, aur us ke sáth bhí jo shikasta dil aur farotan hai ; ki ájizon kí rúh ko jilá-ūn, aur kháksáron ke dil ko zinda karūn.

Yasaiyáh 57 : 15.

Mere sáth rah, aur merá báp o káhin ho.

Qázíon 17 : 10.

MAIN kyá leke KHUDÁWAND ke huzúr men áūn, aur KHUDÁ TAÁLÁ ke áge kyúnkar sijda karūn ?

Míkah 6 : 6.

KHUDÁ ke zabíhe shikasta ján hain ; dil shikasta aur kháksár ko, ai KHUDÁ, Tú haqír na jánegá.

Zabúr 51 : 17.

KHUDÁWAND un ke nazdík hai, jo shikasta dil hain, aur un ko jo khasta ján hain, bachátá hai.

Zabúr 34 : 18.

JANUARY 5.

MAIN kyá karūn, ki naját páūn ?

Aamál 16 : 30.

KHUDÁWAND YISÚ MASÍH par ímán lá, kí tú naját páwegá, . . . Us ke wasíle qahr se bach rahenge.

Aamál 16 : 31. Rúm. 5 : 9.

KHUDÁWAND men hoke abadí naját ke sáth rihái páwegá.

Yasaiyáh 45 : 17.



JANUARY 6.

Kyá aisá nahín, ki koí madad mujh men mere liye na rahí ?

Aiyúb 6 : 13.

Tú ne apne taín barbád kiyá hai ; tis par bhí MUJH hí se terí kumak ho saktí hai.

Husíā 13 : 9.

Main ne Ek zabardast ko kumak ke liye barpá kiyá, . . . aur naját dene par qádir, . . . MASÍH, KHUDÁ kí qudrat aur KHUDÁ kí hikmat [hai.]

Zab. 89 : 19. Yas. 63 : 1. 1 Qur. 1 : 24.

JANUARY 7.

MASÍH ke haqq men tumhárá kyá gumán hai ?

Matí 22 : 42.

WUH unhen jo Us ke wasíle KHUDÁ ke huzúr játe hain, ákhir tak bachá saktá hai.

Ibráníon 7 : 25.

RÚH aur dulhin kahtí hain, A, . . . WUHí bachá legá, WUH tere sabab se shádmán hoke khushí karegá.

Mukásh. 22 : 17. Safaniyáh 3 : 17.

JANUARY 8.

Yih shakhs ham ko kis tarah bacháega ?

1 Samúel 10 : 26.

APNE taín qurbání karne se. . . Us ne APNE taín sab ke kafáre men diyá.

Ibráníon 9 : 26. 1 Tim. 2 : 6.

Pas, ai bháío, yih tumhen malúm ho jáwe, ki Usí ke wasíle tum ko gunáhon kí muáfi kí khabar dí játi hai. . . Tumháre gunáh Ús ke nám se muáf húa.

Aamál 13 : 38. 1 Yúh. 2 : 12.

JANUARY 9.

Ab terá bádsháh kabán, táki wuh tujhe bacháwe ?

Husíā 13 : 10.

Ásmán ke tale ádmíon ko koí dúsrá nám nahín baqshá gayá, jis se ham naját pá saken.

Aamál 4 : 12.

Siwá us neo ke, jo parí hai, koí dúsrí neo dál nahín saktá ; wuh YISÚ MASÍH hai. . . Ek mazbút neowálá patthar.

1 Qurin. 3 : 11. Yasaiyáh 28 : 16.

## JANUARY 10.

Nawishta kyá kahtá hai ?

Rúmíon 4 : 3.

Kitáb men yih kahtá hai, ki Jo koí Us par imán látá hai, sharminnda na hogá.

Rúmíon 10 : 11.

Aur mumkin nahín, ki kitáb bátíl ho, .....Hamáre KHUDÁ ká kalám abad tak qáim hai.

Yúhanná 10 : 35. Yas. 40 : 8.

## JANUARY 11.

Agar insán KHUDÁWAND ká gunáh kare, to us kí shafáat kaun kar sakegá ?

1 Samúel 2 : 25.

Agar koí gunáh kare, to YISÚ MASÍH jo sádiq hai, BÁP ke pás hamará shafáa hai ; aur WUH hamáre gunáhon ká kafára hai ; par faqat hamáre gunáhon ká nahín, balki tamám dunyá ke gunáhon ká bhí.

1 Yúhanná 2 : 1, 2.

Ai KHUDÁWAND, merá muqaddama APNE zimme le.

Yasáiyáh 38 : 14.

## JANUARY 12.

To ham kyúnkar bachenge, agar itní barí naját se gáfil rahe hon.

İbráníon 2 : 3.

Sáre log apní dārhí ko dhámpenge ; kyúnki KHUDÁ kí taraf se kuchh jawáb nahín hai.

Míkah 3 : 7.

Kyúnki agar we bhág na nikle, jo us se jo zamín par farmatá thá gáfil rahe, to ham bhí agar Us se, jo hamen ásmán par se farmatá hai, munh moren, kyúnkar bhág niklenge ? İbráníon 12 : 25.

## JANUARY 13.

Ai bháío, ham kyá karen ?

Aamál 2 : 37.

Áo, ham KHUDÁWAND kí taraf phiren ; kyúnki Us ne phará hai, aur WUHí hamen changá karegá ; Us ne mára hai, aur WUHí hamará zaḡhm bāndhegá.

Husíá 6 : 1.

WUH shikasta-dilon ká iláj kartá hai ; WUH un ke zaḡhmon ko bāndhtá hai.

Zabúr 147 : 3.



KHUDÁ merá BANÁNEWÁLÁ kahán hai,  
jis se rát ko bhí gít gáne kí naubat hotí?

Aiyúb 35 : 10.

Jab tú KHUDÁWAND apne KHUDÁ ko  
apne púre dil se, aur apní sárí ján se  
dhúndhegá, to tú Use páegá. . . . Tab tum  
gít gáoge, jaisá us rát gáte ho, jab mu-  
qaddas íd mánte ho, aur dil kí khushí  
hogí. Istisná 4 : 29. Yas. 30 : 29.

Ab main uthúngí, aur Us ko dhúndh-  
úngí, jise merá jí cháh tá hai.

Gazal-ul-Gazlát 3 : 2.

JANUARY 15.

Tujhe kyá húa ? 2 Samúel 14 : 5.

Mere andar kí khushí gamgíní hai; me-  
rá dil mujh men sust ho gayá.—Yar. 8 : 18.

KHUDÁWAND kí intizárí kar, aur maz-  
bút rah; WUH tere dil ko taqwíyat degá ;  
main phir kahtá hún, kí KHUDÁWAND ká  
muntazir rah. . . . KHUDÁWAND ke aur  
Us kí qudrat ke tálib ho ; sadá Us ke  
chihre ke khwáhán raho. . . . Us ke karam  
men zindágání hai ; roná shám ko howe,  
par subh ko gáne kí naubat hogí.

Zabúr 27 : 14;—105 : 4;—30 : 5.

Kaun kah saktá hai, kí KHUDÁWAND  
mujh par rahm karegá ?

2 Samúel 12 : 22.

WUH terí duháí kí áwáz sunke yaqí-  
nan tujh par rahm farmáegá, WUH use  
sunte hí tujhe jawáb degá.

Yasáiyáh 30 : 19.

Aur aisá hogá, kí peshtar us se, kí we  
pukáren, MAIN jawáb dúngá; aur we  
hanoz kah na chukenge, kí MAIN sun  
lúngá.

Yasáiyáh 65 : 24.

JANUARY 17.

Agar ham us se minnat karen, to ham-  
en kyá nafá hogá ?

Aiyúb 21 : 15.

KHUDÁWAND yún kahtá hai, kí Ráhon  
par khare ho, aur dekho, aur puráne  
raston kí bábat púchho, kí bhalí ráh  
kahán hai ? usí men chalo, kí tum apne  
jion men áram páoge.

Yaramíyáh 6 : 16.

We, jo KHUDÁWAND ke tálib hain, Us  
kí sitáish karenge.

Zabúr 22 : 26.

Agar koí ádmí sárí dunyá ko hásil kare, aur apní ján ká nuqsán utháwe, to use kyá fáida hogá ? Marqus 8 : 36.

Agarchi us ká qadd ásmán tak pahunchhe, aur us ká sir bádál se já lage ; Taubhí wuh abad tak faná ho jáegá.

Aiyúb 20 : 6, 7.

Khabardár raho, aur lálach se kanára karo....lálach jo butparastí hai.

Lúqá 12 : 15. Qul. 3 : 5.

JANUARY 19.

Ai KHUDÁWAND, Tú kyá cháhtá hai, ki main karún ? Aamál 9 : 6.

MERÍ taraf rujú láo, táki tum naját páo, ai zamín ke kanáron ke sáre rahnewálo ; ki MAIN KHUDÁ hún, aur MERE siwá koí nahín....sádiq-ul-qaul, aur NAJÁTDENEWÁLÁ KHUDÁ....Sab ádmí-on ká, khásskar ímándáron ká BACHÁNE-WÁLÁ hai.

Yasaíyáh 45 : 22, 21. 1 Tim. 4 : 10.

Ai mere KHUDÁ, mujhe bachá.

Zabúr 3 : 7.

Un ká, jo KHUDÁ kí Injíl ke tábí nahín, kyá anjám hogá ?

1 Patras 4 : 17.

Us ádmí ke liye bihtar thá, ki wuh paidá na hotá.

Marqus 14 : 21.

Ai KHUDÁWAND merí ján ko ehhurá ; APNÍ rahmat ke sabab mujhe bachá le.

Zabúr 6 : 4.

JANUARY 21.

Main kyá karún, ki hamesha kí zindagí ká wáris hoún ?

Lúqá 18 : 18.

Agar tú zindagí men dákhil húa cháhe, to hukmon par amal kar.

Matí 19 : 17.

Khwáhish to mujh men maujúd hai, par jo kuchh acchhá hai, karne nahín pátá....Khair ke liye APNE bande ká zámín ho.

Rúmíon 7 : 18. Zabúr 119 : 122.



Sab hukmon men auwal kaun hai ?

Marqus 12 : 28.

Sab hukmon men auwal yih hai, ki Ai Isráel sun ; Wuh KHUDÁWAND, jo hamará KHUDÁ hai, ek bí KHUDÁWAND hai ; aur tú KHUDÁWAND ko, jo terá KHUDÁ hai, apne sáre dil se, aur apní sárí ján se, aur apní sárí aql se, aur apne sáre zor se, piyár kar. Marqus 12 : 29, 30.

Aur ham ne us se yih hukm páyá hai, ki jo koi KHUDÁ se muhabbat rakhtá hai, so apne bhái se bhí muhabbat rakhe.

1 Yúhanná 4 : 21.

JANUARY 23.

Tú apne haqq men kyá kahtá hai ?

Yúhanná 1 : 22.

Ai BÁP, main ne ásmán ká aur TERE huzúr gunáh kiyá hai, aur ab is láiq nahín ki phir TERÁ betá kahláun.

Lúqá 15 : 18, 19.

KHUDÁWAND farmátá hai, ki Ai bar-gashta Isráel, phir áo ; MAIN áge ko tum par na ghurkúngá, kyúnci MAIN rahím hún. Sirf apní badkárí ká iqrár kar.

Yaramiyáh 3 : 12, 13.

Kyá terí sharárat barí nahín ?

Aiyúb 22 : 5.

Ai mere KHUDÁ, main sharmátá hún, aur TERÍ taraf, ai mere KHUDÁ, apne munh ke ustháne se lajjátá hún ; kyúnci hamáre gunáh hamáre sir ke úpar se bhí ziyáda barh gae, aur hamárí khatáen ásmán tak pahunch gáí hain.

Azrá 9 : 6.

Terí rahmat azím hai, balki ásmánon se barhkar.

Zabúr 108 : 4.

JANUARY 25.

Yih terá kám MAIN kyúncar muáf karún ?

Yaramiyáh 5 : 7.

Abadí áhd ke lahú ke sabab se.... kyúnci wuh, jis se kisi ján ká kafára hotá hai, so lahú hai.

Ibráníon 13 : 20. Ahbár 17 : 11.

MAIN wuh lahú dekhke tum se dar guzrúngá.

Khurúj 12 : 13.

Tum jahannam ke azáb se kyúnkar bhágo? Matí 23 : 33.

KHUDÁ kahtá hai, ki Use gor men girne se bachá le; ki mujhe kafára milá hai; ... MASÍH ke beshqímat lahú.

Aiyúb 33 : 24.—I Patrus 1 : 19.

Jab ham gunahgár thahre the, MASÍH hamáre wáste muá. So ab, ki Us ke lahú ke sabab ham rástbáz thahre, to kitná ziyáda Us ke wasíle qahr se bach rahenge. Rúmíon 5 : 8, 9.

## JANUARY 27.

Tumhen ánewále gazab se bhágná kis ne sikhláyá? Matí 3 : 7.

KHUDÁ sab ádmíon ko har jagah hukm detá hai, ki tauba karen : kyúnki Us ne ek din thahráyá hai, jis men WUH rástí se dunyá kí ádálát karegá, us ádmí kí marífat, jise Us ne muqarrar kiyá; aur USE murdon men se utháke, yih bát sab par sábit kí. Aamál 17 : 30, 31.

Jaise MASÍH murdon men se BÁP ke jalál ke wasíle se utháyá gayá, waise hí ham bhí nayí zindagí men qadam máren. Rúmíon. 6 : 4.

Kyá mujh sá shakhs bháge?

Nahamíyáh 6 : 11.

Apní ján lekar bhág. Paidáish 19 : 17.

Ai KHUDÁWAND, Tú ne mere dil kí hujjaten sábit kiyán, aur merí ján ko riháí bakhsí....Main TERE pás panáh letá hún.

Yar. ká Nauha 3 : 58. Zab. 143 : 9.

## JANUARY 29.

Ah ! main to kharáb khasta ádmí hún ! is maut ke badan se mujhe kaun chhuráwegá? Rúmíon 7 : 24.

Ham apne úpar qatl ká hukm yaqínkar chuke the, táki ham na apne, balki KHUDÁ ká, jo murdon ko jilátá hai, bharosá rakhen : Us ne ham ko aisí barí halákat se chhuráyá, aur chhurátá bhí hai, aur ham ko Us se yih ummed hai, ki WUH áge ko bhí chhuráwegá.

2 Qurintíon 1 : 9, 10.

Us ne un ke liye ek RIHÁÍ-DENEWÁLÁ aur ek hámí bhejá, aur unhen riháí dí.

Yasáiyáh 19 : 20.



JANUARY 30.

Kyá, main apne pahlaũthe ko apne gunáh ke iwaz, apne peṭ ke phal ko apní ján kí khatá ke badle men de dálúngá?

Mikah 6 : 7.

Masíh ek bár sabhon ke gunáhon ká bojh utháne ke liye ap ko guzránke, dúre bár bagair gunáh ke zahir hogá, táki un ko, jo Us kí ráh dekhte hain, naját dewe.

Ibráníon 9 : 28.

Ái KHUDÁWAND, jab Tú apní bádsháhat men áwe, mujhe yád kíjiyo.

Lúqá 23 : 42.

JANUARY 31.

Par Us ke áne ke din men kaun thahar sakegá, aur jab WUH namúd hogá, kaun hai jo khará rahegá? Malákí 3 : 2.

Wuh jis ká gunáh bakhshá gayá, aur khatá dhámpí gai.

Zabúr 32 : 1.

Ye we hí hain, jo barí musíbat men se nikal áe, aur unhon ne apne jámon ko BARRE ke lahú se dhoyá, aur unhen sufed kiyá. Isí wáste we KHUDÁ ke takht ke áge hain, aur Us ke haikal men rát din Us kí bandagí karte.

Mukáshafát 7 : 14, 15.

February.

FEBRUARY 1.

Masíh ke haqq men tumhárá kyá gumán hai?

Matí 22 : 42.

WUH hamáre gunáhon ká kafára hai; par faqat hamáre gunáhon ká nahín, balki tamám dunyá ke gunáhon ká bhí.

1 Yúhanná 2 : 2.

Ham Us men hoke Us ke khún ke wasíle se chhutkára, yane, gunáhon kí muáfi, Us ke fazl kí daulat ke mutábíq páte hain.

Afsíon 1 : 7.

Kyá tú apní talásh se KHUDÁ ká bhed pá saktá hai ?

Aiyúb 11 : 7.

KHUDÁWAND yún kahtá hai, Tum MUJHE dhúndhoge, aur páoge, jab apne sáre dil se MERÁ surág loge. Yar. 29 : 13.

Tú apne báp ke KHUDÁ ko pahchán, aur kámil dil se aur jí kí ragbat se Us kí bandagí kar ; kí KHUDÁWAND sáre dilon ko jánchtá hai, aur khiyálon ko aur sáre tasauwaron ko pahchántá hai : agar tú USE dhúndhegá, to WUH tujh se páyá jáegá, aur agar tú USE chhoregá, to WUH hamesha ko tujhe radd karegá.—1 Taw. 28 : 9.

FEBRUARY 3.

Ai KHUDÁWAND Tú kaun hai ?

Aamál 9 : 5.

KHUDÁWAND terá NAJÁT-DENEWÁLÁ, Isráel ká QUDDÚS, yún farmátá hai ; MAIN hí KHUDÁWAND terá KHUDÁ hún, jo tujhe fáida kí báten sikhlatá hún, aur tujhe us ráh men, jis men tujhe jáná lázim hai, le chaltá hún.

Tú APNE maslahat se mujhe hidáyat karegá : aur ákhir i kár mujhe jalál men shámil kar legá. Yasaiyáh 48 : 17. Zabúr 73 : 24.

Ham kis ráh se charben ?—2 Sal. 3 : 8.

Sharíron kí ráh men dákhil mat ho, aur khabíson ke ráste men mat já. Us se báz rah ; us ke nazdík guzar na kar ; udhar se phir já, aur guzar já.

Amsál 4 : 14, 15.

MERÍ pairawí kar....Jahán ká núr MAIN hún ; jo MERÍ pairawí kartá andhere men na chalegá, balki zindagí ká núr páwegá.

Luqá 18 : 22. Yúh. 8 : 12.

FEBRUARY 5.

Main kahán jáún ? Paidáish 37 : 30.

Tú apne KHUDÁ kí taraf phir ; neki aur rástí ko hízf kar, aur hamesha apne KHUDÁ ká ummedwár rah.

Husíá 12 : 6.

Dekh, ham TERE pás áte hain, kí Tú ai KHUDÁWAND, hamará KHUDÁ hai....Tú mujh ko zindagání kí ráh dikhláwegá ; TERE huzúr men khushíon se serí hai ; TERE dahine háth men abad tak ishraten hain. Yar. 3 : 22. Zabúr 16 : 11.



Kyá logon ko munásib nahín, ki apne  
KHUDÁ ko dhúndhen?

Yasaiyáh 8 : 19.

Mubáarak we hain, jo Us kí shahádat-  
on ko yád rakhte hain, aur apne sáre dil  
se Use dhúndhte hain.

Zabúr 119 : 2.

Main ne apne sáre dil se TERÍ talásh  
kí hai : Tú mujh ko APNE hukmon se  
bhatakne mat de.

Zabúr 119 : 10.

FEBRUARY 7.

Tú mujh ko kyá degá ?

Paidáish 15 : 2.

MERÍ buzúrí sáth jáegí, aur MAIN  
tujhe áram dúngá .... apne jion men  
áram.

Khurúj 33 : 14. Yaramiyáh 6 : 16.

Ai merí ján, apní áramgáh men phir,  
ki KHUDÁWAND ne tujh par ihsán kiyá  
hai.

Zabúr 116 : 7.

Jab WUH chain detá hai, kaun be-chai-  
ní karáwe ? Aiyúb 34 : 29.

Salám tum logon ke liye chhorke játá  
hún ; APNÍ salámatí MAIN tumhen detá  
hún. Tumhárá dil na ghabráe, aur na  
dare. Yúhanná 14 : 27.

Dekho, KHUDÁ merí naját hai : MAIN  
us par tawakkul karúngá, aur na dar-  
úngá. Yasaiyáh 12 : 2.

FEBRUARY 9.

Us ke áram men dákhil hone ká wada  
báqí hai ; ... kyúnkar jánúñ, ki main us  
ká wáris húngá ?

Ibráníon 4 : 1. Paid. 15 : 8.

Apní ráh KHUDÁWAND par chhor de :  
Us par tawakkul kar ; WUH khud baná  
legá. Zabúr 37 : 5.

Birádarána muhabbat rakho ; rahm-  
dil aur khush-kho hoo : badí ke iwaz  
badí na karo ; gálí ke iwaz gálí na do ;  
balki us ke barkhiláf barakat cháho ; ki  
tum jánte ho, ki tum barakat ke wáris  
hone ko buláe gaye ho.

1 Patrus 3 : 8, 9.



Ham kyá karen ? Aamál 2 : 37.

Ek दूसरे से muhabbat rakho, kyunki muhabbat KHUDÁ se hai .... Pák dil se ek दूसरे को बहुत pyár karo.

Yúh. 4 : 7. 1 Patrus 1 : 22.

Tum azíz farzandon kí tarah KHUDÁ ke pairau ho ; aur muhabbat se chalo,... kyunki KHUDÁ muhabbat hai.

Afsón 5 : 1, 2. 1 Yúh. 4 : 8.

### FEBRUARY 11.

Ai mere jí, tú kyún girá játá hai, aur tú mujh में kyún be-árám hai ?

Zabúr 42 : 11.

Ai Isráel, tujh को MUJHE farámosh na karná hai. MAIN ne terí khatáon को bádál ke mánind, aur tere gunáhon को ghatá ke mánind mitá dálá : MERÍ taraf phir á, ki MAIN ne terá fidiya diyá hai.

Yasaíyáh 44 : 21, 22.

Phir áne में, aur chupke baithne में, tumhári salámatí hai ; khamoshí aur tawakkul में tumhári qúwat hai.

Yasaíyáh 30 : 15.

Dekho, KHUDÁWAND YAHOWÁH merí himáyat kartá hai : kaun mujhe mujrim thahráwe ? Yasaíyáh 50 : 9.

Pas ab un par jo MASÍH YISÚ में hai, aur jism ke taur par nahín, balki RÚH ke taur par chalte, sazá ká hukm nahín. Rúmion 8 : 1.

RÚH se chál chalo .... RÚH kí hidáyat se chalo .... Suno, ki RÚH kyá kahtí hai ?

Gal. 5 : 16, 18. Mukásh. 2 : 7.

### FEBRUARY 13.

Kaun tere liye gam-khwár ho ?

Yasaíyáh 51 : 19.

Ai KHUDÁ, TERÍ misl kaun hai ? TÚ hai, jis ne hamen barí sakht musibaton se ágáhi dí ; aur TÚ phir tawajjuh karke mujhe tasallí bakhshégá.

Zabúr 71 : 19, 20, 21.

Jis tarah má apne bete को dilásá detí hai, usí tarah MAIN tumhen dilásá dúngá. Yasaíyáh 66 : 13.



Main tere liye tasallí denewále kahán  
se dhúndh láún?

Nahúm 3 : 7.

Mujhe kuchh khauf o khatar na hogá,  
kyúnki Tú mere sáth hai, TERÍ chharí  
aur TERÍ láthí, we hí merí tasallí ke  
báis hain.

Zabúr 23 : 4.

Ai KHUDÁWAND, main TERÍ sitáish  
karúngá ; ki agarch Tú mujh se nákhush  
thá, par TERÁ gussa utar gayá, aur Tú  
ne mujhe tasallí dí.

Yasáiyáh 12 : 1.

## FEBRUARY 15.

Tú mujhe kab tasallí degá?

Zabúr 119 : 82.

Jab ki WUH TASALLÍ-DENEWÁLÁ, jise  
MAIN tumháre liye BÁP kí taraf se bhe-  
júngá, áwe.

Yúhanná 15 : 26.

Hamáre KHUDÁWAND YISÚ MASÍH ká  
BÁP, aur rahmaton ká BÁNÍ, aur sárí  
tasallí ká KHUDÁ hai.

2 Qurintíon 1 : 3.

Ab áge main KHUDÁWAND kí kyá ráh  
tákún?

2 Salátín 6 : 33.

KHUDÁWAND kí taraf chupke rujú ho,  
aur Us ke intizár men thahrá rah.

Zabúr 37 : 7.

KHUDÁWAND KHUDÁ sabhon ke chih-  
ron se ánsú ponchh dálegá. . . Mubáarak  
we sab jo Us kí ráh takte hain.

Yasáiyáh 25 : 8. 30 : 18.

## FEBRUARY 17.

Main musíbat ke dinon men kis liye  
darún, jab mere arangá-márnewálon kí  
burái mujhe ghere?

Zabúr 49 : 5.

Kyúnki aisí báton ke sabab KHUDÁ ká  
gazab ná-farmání ke farzandon par par-  
tá hai.

Afsíon 5 : 6.

Ai KHUDÁWAND, qahr ke darmiyán  
rahm ko yád kar.

Habaqqúq 3 : 2.

Kyá terá dil sáf hai ?

2 Salátín 10 : 15.

Mere gunáh mere sir ke bálon se shumár men ziyáda hai; so main ne dil chhor diyá.

Zabúr 40 : 12.

Merá dil ghaṭá játa hai: par KHUDÁ mere dil kí chaṭán, aur merá abadí hissa hai.

Zabúr 73 : 26.

## FEBRUARY 19.

Main ne gunáh kiyá hai; ai baní Adam ke NIGAHBÁN, main TERE liye kyá karún ?

Aiyúb 7 : 20.

Ab áo, ki ham báham hujjat karen, KHUDÁWAND kahtá hai: agarchi tum-háre gunáh qirmizí howen, par barf ke mánind sufed ho jáwenge; aur har-chand we argawání howen, par ún kí tarah ujle hongé.

Yasáiyáh 1 : 18.

Main ne kahá, main KHUDÁWAND ke áge apne gunáh ká iqrár karúngá: so Tú ne merí badzátí ke gunáh ko bakhsh diyá.

Zabúr 32 : 5.

MAIN tere liye kyá karún ?

2 Salátín 4 : 2.

Jis tarah Tú un par tawajjuh kiyá kartá hai, jo TERE nám se muhabbat rakhte, mujh par bhí kar, aur mujh par rahm farmá. . . . Tú khud jántá hai, ki main Tujhe pyár kartá hún.

Zabúr 119 : 132. Yúhanná 21 : 15.

KHUDÁWAND kí ánkhen sárí zamín men daurtí phirtí hai, táki un kí madad men, jin ká dil Usí par takiya kartá hai, APNE taín qawí dikhláwe.

2 Tawaríkh 16 : 9.

## FEBRUARY 21.

Kyá KHUDÁ APNÍ rahímí bhúl gayá ?

Zabúr 77 : 9.

Kyá ho saktá hai, ki koí aurat apne dúdh píte bachehe ko bhúl jáwe, aur apne ríhm ke farzand par tars na kháwe ? Hán, we sháyad bhúl jáwen, par main tujhe na bhúlúngá, KHUDÁWAND kahtá hai.

Yasáiyáh 49 : 15.

Mujhe TERÍ muhabbat ajíb thí, balki auraton kí muhabbat se bhí ziyáda.

2 Samúel 1 : 26.



Ai Yaqúb, tú kyún kahtá hai, aur ai Isráel, tú kis liye farmátá hai, ki merí ráh KHUDÁWAND se poshída hai, aur merí adálat mere KHUDÁ se guzar gayí?

Yasaiyáh 40 : 27.

Ham áine se dhundhlá sá dekhte hain ....roshní ko jo falak men hai nahín dekh sakte.

1 Qur. 13 : 12. Aiyúb 37 : 21.

Badlián aur kálí ghaṭáen Us ke áspás hain ; sadáqat aur adálat Us ke takht kí bunyád hain.

Zabúr 97 : 2.

## FEBRUARY 23.

Tú ne mujh se yih kyá kiyá?

Paidáish 12 : 18.

MAIN ne barí abadí íshq se tujhe pyár kiyá, is liye MAIN ne apní shafaqat tujh par barháí.

Yaramiyáh 31 : 3.

Mujhe ánkhi kí putlí ke mánind mah-fúz rakh, mujhe APNE paron ke sáya tale chhipá le.

Zabúr 17 : 8.

Main kab uṭhúngá, aur rát kab bítegí?

Aiyúb 7 : 4.

Rát bahut guzar gayí, aur subh nazdík húi.

Rúmíon 13 : 12.

Terá súraj phir kabhí na dhalegá, aur tere chánd ká zawál na hogá, kyúnki KHUDÁWAND terá abadí núr, aur terá KHUDÁ terá jalál hogá.

Yas. 60 : 20.

## FEBRUARY 25.

Tú Us ke haqq men kyá kahtá hai?

Yúhanná 9 : 17.

Mazlúmon ká nála Us ke sunne men áyá.

Aiyúb 34 : 28.

KHUDÁWANDYÚN kahtá hai, Yún hogá, kí jab MERE áge faryád karegá, MAIN us kí sunúngá: kyúnki MAIN mihrbán hún, ....rahím aur mihrbán, qahr men dhímá, RABB-UL-FAIZ O WAFÁ.

Khurúj 22 : 27 ; 34 : 6.

Kaun terí dawá kar saktá hai?

Yaramiyáh ká Nauha 2 : 13.

WUH zakhm mártá hai, aur use bándh-tá hai; WUH gháyal kartá hai, aur Usí ke háth changá karte hai.

Aiyúb 5 : 18.

Áo, ham KHUDÁWAND kí taraf phireñ, kyúñki Us ne phára hai, aur WUHí hamen changá karegá; Us ne mára hai, aur WUHí hamará zakhm bándhegá.

Húsia 6 : 1.

## FEBRUARY 27.

Kyá wuh terí dánist ke mutábiq howe?

Aiyúb 34 : 33.

Ai mere BÁP, merí khwáhish nahín, balki TERÍ khwáhish ke mutábiq ho.

Matí 26 : 39.

Jo KHUDÁ kí marzí ho.

Aamál 21 : 14.

Sau qintáron ke liye ham kyá karen?  
2 Taw. 52 : 9.

Kisí bát ká andesha na karo; balki har ek bát men tumbhári arz, duá aur minnat se, shukrguzári ke sáth, KHUDÁ se kí jáe; aur KHUDÁ kí itminán, jo sári samajh se báhar hai, tumháre dilon, aur khiyálon kí MASÍH YISÚ men nigabhání karegi. Filippíon 4 : 6, 7.

Jis ká dil qáim hai, Tú khúb salámatí se us kí nigabhání karegá; kyúñki us ká tawakkul TUM par hai. Yasaiyáh 26 : 3.

## FEBRUARY 29.

Dekh, tén baras se MAIN áke is anjír ká phal dhúndhtá hún, par nahín pátá; use kát dál; káhe ko zamín roke hai?  
Lúqá 13 : 7.

Ai KHUDÁWAND, is sál aur use rahne de.  
Lúqá 13 : 8.

Kamál koshish karke tum apne imán par nekí, aur nekí par írfán; aur írfán par parhez-gári; aur parhezgári par sabr, aur sabr par dindári; aur dindári par birádarána ulfat, aur birádarána ulfat par muhabbat barháo. Kí ye chízen agar tum men hon, aur barhtí bhí jáwen, to tum ko hamáre KHUDÁWAND YISÚ MASÍH kí kámil pahchán hásil karne ke liye gáfil aur be-phal na hone dengí. 2 Pat. 1 : 5-8.



## March.

### MARCH 1.

MASÍH ke haqq men tumhárá kyá gumán hai?

Matí 22 : 42.

Usí ko KHUDÁ ne MÁLIK aur NAJÁT DENEWÁLÁ thahráke APNE dahine háth par buland kiyá, táki Isráel ko tauba aur gunáhon kí muáfí bakhshe.

Aamál 5 : 31.

Agar ham apne gunáhon ká iqrár karen, to WUH hamáre gunáhon ke muáf karne, aur hamen sári narástí se pák karne men wafádár aur rást hai.

1 Yúhanná 1 : 9.

### MARCH 2.

Kaun gunáh muáf kar saktá hai?

Marqus 2 : 7.

KHUDÁWANE hamáre KHUDÁ kí rahmaten aur ámurzgáráen haien.

Dániel 9 : 9.

WUH rahm karne se bahut khush hai.

Míkah 7 : 18.

### MARCH 3.

Tum kyún aise khaufnák húe?

Marqus 4 : 40.

Mere gunáhon ne mujhe pakrá ....  
Ah! main to kharáb-khasta ádmí hún!  
is maut ke badan se mujhe kaun chhure-  
wegá?

Zabúr 40 : 12. Róm. 7 : 24.

MASÍH YISÚ gunahgáron ke bacháne ko dunyá men áyá .... KHUDÁWAND ká intizár kar, kí WUH tujhe bacháwegá.

1 Timtáus 1 : 15. Amsál 20 : 22.

### MARCH 4.

Tú kyá cháhtá hai, ki MAIN tere wáste karún ?

Lúqá 18 : 41.

Kisí tarah kí badí ko mujh par gálib hone na de.

Zabúr 119 : 133.

Gunáh tum par gálib na hogá ; kyún-ki tum shariát ke ikhtiyár men nahín, balki fazl ke ikhtiyár men ho.

Rúmion 6 : 14.

### MARCH 5.

Ai KHUDÁWAND KHUDÁ Tú mujh ko kyá degá ?

Paidáish 15 : 2.

Ek nayá dil bakhshúngá aur ek nayí rúh tumháre andar men dálúngá.... Aur MAIN tumhárá BÁP húngá, aur tum MERE beté betián hoge ; yih KHUDÁWAND QÁDIR I MUTLAQ farmátá hai.

Hizqiel 36 : 26. 2 Qur. 6 : 18.

Tú merá BÁP, merá KHUDÁ hai.

Zabúr 89 : 26.

### MARCH 6.

Pahlauṭhá honá mere kis kám áwegá ?

Paidáish 25 : 32.

Jab farzand húe to wáris bhí, yane, KHUDÁ ke wáris, aur mírás men MASÍH ke sharík.

Rúmion 8 : 17.

Sárí chízen tumhári hain ; aur tum MASÍH ke ho ; aur MASÍH KHUDÁ ká hai.

1 Qurintion 3 : 21—23.

### MARCH 7.

Tú kis ká hai ?

Paidáish 32 : 17.

Main TERÁ hún, mujhe bachá le.

Zabúr 119 : 94.

Phir MAIN ne terí taraf guzar kiyá, aur tujh par nazar kí, aur kyá dekhtá hún, kí terá wuh waqt thá, kí jis men ishq paidá howe ; aur MAIN ne tujh se qasam kháke áhd bándhá KHUDÁWAND YAHOWÁH farmátá hai, aur tú MERÍ ho gayí.

Hizqiel 16 : 8.

Merá MAHBÚB merá hai, aur main Us kí hún.

Gazal-ul-Gazalát 2 : 16.



Kaun ham ko koí chíz jo khúb hai  
dikhláwegá ? Zabúr 4 : 6.

Us se ásbnaí kíjiye, aur salámat rah ;  
tab terí khair hogí. Aiyúb 22 : 21.

Aur bamesha kí zindagí yih hai, ki  
we TUJH ko akelá sachchá KHUDÁ, aur  
YISÚ MASÍH ko jise TÚ ne bhejá hai  
jáneñ. Yúhanná 17 : 3.

MARCH 9.

Phir terí kyá darkhwást hai ?

Nahamiyáh 2 : 4.

Ki main Us ko (YISÚ MASÍH ko) aur  
Us ke jí uthne kí qudrat ko daryáft kar-  
ún .... aur Masíh kí muhabbat ko, jo  
jáne se bhí báhar hai, ján sakún.

Filip. 3 : 10. Afs. 3 : 19.

Agar tú aqlmandí ke liye pukáregá,  
aur fahmíd ke liye apní áwáz utháwegá ;  
aur agar tú us ko yún dhúndhegá, jis  
tarah rúpe ko dhúndhte haiñ ; aur yún  
us kí talásh karegá, jis tarah ganj niháni  
kí talásh karte haiñ : tab tú KHUDÁWAND  
ke khauf ko samjhegá, aur KHUDÁ kí  
shinásáí ko páwegá. Amsál 2 : 3—5.

Merá MÁLIK APNE bande ko kyá  
irshád farmatá hai ? Yashú 5 : 14.

Agar gunahgár log tujhe phusláweñ,  
tú mat mán. Amsál 1 : 10.

Merí ján kí muháfazat kar, aur mujhe  
bachá le ; kyúñki mujhe TERÁ hí bháro-  
ksá hai. Zabúr 25 : 20.

h: KHUDÁ wafádár hai, ki WUH tum ko  
tumbhári táqat se ziyáda imtihán meñ  
parne na degá ; balki WUH imtihán ke  
sáth nikal jáne kí ráh bhí thahrá degá.  
1 Qurintion 10 : 13.

MARCH 11.

Ab tú kis par iátimád rakhtá hai ?

2 Salátín 18 : 20.

n Mujh par rahm kar, ai KHUDÁ, mujh  
par rahm kar ; kyúñki merí ján ko TERÁ  
bharosá hai. Zabúr 57 : 1.

ai WUH jis ká bharosá KHUDÁWAND par  
aaí, rahmat se gherá jatá hai.  
Zabúr 32 : 10.



Kyá terā rāstbāz hone se QÁDIR I MUT-LAQ ko koi khushí hai? Aiyúb 22: 3.

KHUDÁWAND ko un se, jo Us se ɗarte hai, aur un se, jo Us kí rahmat ke um-medwār hai, razá hai. Zabúr 147: 11.

KHUDÁWAND yún kahtá hai, HÁN, MAIN un se khush hoke un se nekí kar-úngá. ... MAIN un ke gam ko khushí se badlúngá, aur un ko tasallí dúngá, aur un kí gangíní ke píchhe phir unhe shádmán karúngá. ... Is wáste ki KHUDÁWAND, jo SÁDIQ hai, sadáqat ko cháhtá hai, aur Us ká munh sídhe logon kí taraf mutawajjih hai.

Yar. 32: 41. 31: 13. Zab. 11: 7<sup>r</sup>

MARCH 13.

Pas KHUDÁ ke huzúr insán kyúnkaí sádiq samjhá jáwe? Aiyúb 25: 4.

Admí ímán hí se rāstbāz thahartá hai.

Rúmion 3: 28.

Jab ki ham ímán ke sabab rāstbāz thahre, to ham meṇ aur KHUDÁ meṇ hamāre KHUDÁWAND YISÚ MASÍH ke wasíle meṇ húa. ... ítmínán, jo sárí samajh se báhar hai. Rúm. 5: 1. Fil. 4: 7.

Khair hai? 2 Salátín 9: 17.

MAIN APNE andeshon ko jo tumhári bábat kartá hún, jántá hún, KHUDÁWAND kahtá hai, ki we bhalái ke andeshe hai, burái ke nahín, táki MAIN ummed-bakhsh anjám tumheṇ dúṅ. ... KHUDÁWAND kahtá hai, Salámatí, Salámatí us ko jo dúr hai, aur us ko bhí jo nazdík hai, aur MAIN hí use sihat dúngá.

Yar. 29: 11. Yas. 57: 19.

Sadáqat ká anjám sulh hogá, aur sadáqat ká phal abadí sukh aur áram hogá.

Yasáiyáh 32: 17.

MARCH 15.

Kyá WUH merí ráhon ko nahín dekh-tá, aur mere sab qadam shumár nahín kartá hai? Aiyúb 31: 4.

Us kí ánkheṇ insán kí ráhon par lagí hai, aur WUH un kí sárí rawishon par nazar kartá hai. Aiyúb 34: 21.

WUH us ráb ko jis par main chaltá hún jántá hai; jab WUH mujh ko táo chukegá, main sone ke mánind nikal áúngá, ... izzat ká bartan, pák kiyá húa aur MÁLIK ke wáste mufid.

Aiyúb 23: 10. 2 Tim. 2: 21.



## MARCH 16.

Terá kyá matlab hai? Astar 7: 2.

Táki main musibat ke din áram páún.

Habaqqúq 3: 16.

KHUDÁWAND tujhe terí mihnát o ma-shaqqat se ráhat bakhshégá. .... Kyún-ki KHUDÁWAND yún kahtá hai. Is liye ki us ne MUJH se dil lagáyá, us ke dukh útháne ke waqt MAIN us ke sáth húngá; MAIN use chhuráúngá, aur use izzat dúngá.

Yas. 14: 3. Zabúr 91: 14, 15.

## MARCH 17.

Tum kumak ke liye kis ke pás dauroge?

Yasáiyáh 10: 3.

Main TERE paron ke sáye tale panáh liye rahúngá jab tak ki yih áfaten tal jáwen.

Zabúr 57: 1.

WUH tujhe APNE paron tale chhipá-wegá, aur Us ke pankhon ke niche tujhe panáh milegi; Us kí wafádári terí sipar aur pharí hogí.

Zabúr 91: 4.

## MARCH 18.

Tú kahán játa hai? Paidáish 32: 17.

Ham us maqám ko, ki KHUDÁWAND ne farmáyá hai, ki MAIN wuh tumhen bakhshúngá, játe hain. .... MERí áram-gáh.

Gin. 10: 29. Yas. 66: 1.

Wahán ZUL-JALÁL KHUDÁWAND, barí, barí nadíon aur nahron ke badle, hamári gunjáish ke liye ap maujúd hogá; wahán ke báshindon men bhí koí na kahegá, ki, main bímár hún; un logon ke gunáh, jo us men baste hain, bakhshé gaye.

Yasáiyáh 33: 21, 24.

## MARCH 19.

Ham kyúnkar is ráh ko ján saken?

Yúhanná 14: 5.

Ráh MAIN, (Yisú) hún. .... koí bagair MERE wasíle BÁP ke pás á nahín saktá hai. .... aur use jo MUJH pás átá hai MAIN hargiz nikál na dúngá.

Yúhanná 14: 6. 6: 37.

Áo, MERE BÁP ke mubáarak logo.

Matí 25: 34.

Kyá TERE BÁP ke ghar men hamáre utarne kí jagah hai?

Paidáish 24 : 23.

Jagah hai. . . . MERE BÁP ke ghar men bahut makán hai; nahín to, MAIN tumhen kahtá. MAIN játá hún, táki tumháre liye jagah taiyár karún. . . . Dekh, yih jagah MERE pás hai.

Luqá 14 : 22. Yúh. 14 : 2. Khur. 33 : 21.

MARCH 21.

Kyá hanoz hamáre BÁP ke ghar men kuchh hamará bakhra yá mirás hai?

Paidáish 31 : 14.

KHUDÁWAND tumhárá KHUDÁ gafúr aur rahím hai : aur agar tum Us kí taraf phiroge, to WUH tum se APNÁ munh na moregá. . . . Phirke áo.

2 Tawárikh 30 : 9. Yas. 21 : 12.

Dekh, ham TERE pás áte hain, ki Tú, ai KHUDÁWAND, hamará KHUDÁ hai.

Yaramiyáh 3 : 22.

Kyá tú chaltá hai, ki BÁDSháh se terí sífárish kí jáwe? 2 Salátín 4 : 13.

Jab Tú khushhál ho, to mujhe yád kíjiyo. aur mujh par mihrbání kíjiyo, aur merá zikr kíjiyo. Paidáish 40 : 14.

Tujh ko MUJHE farámosh na karná hai. . . . hamará ek buzurg sardár káhin hai, jo aflák se guzar gayá.

Yas. 44 : 21. Ibráníon 4 : 14.

MASÍH ásmán hí men dákhil húa, táki ab se KHUDÁ ke huzúr hamáre liye házir rahe. Ibráníon 9 : 24.

MARCH 23.

Kyá terá dil sambhalegá, aur tere háthon men zor rahegá, un dinon jab main terá muámila faisal karúngá. Hizqiel 22 : 14.

KHUDÁWAND hí men mere liye rást-bázi aur tawánái hai. Yasaiyáh 45 : 24.

Abad tak KHUDÁWAND par iatimád rakho, ki YAHÓWÁH yaqínan YÁh, ek abadí chatán hai. Yasaiyáh 26 : 4.



Tú kis par iatimád kartá hai?

Yasaiyáh 36 : 5.

Ai KHUDÁWAND YAHOWÁH, merá bharosá TUJHí par hai.

Zabúr 71 : 5.

Ai logo, har waqt Us par tawakkul karo, aur apne dil Us ke huzúr unḍel do : ki KHUDÁ hamárá panáh hai.

Zabúr 62 : 8.

Wuh merí panáh aur merá garh hai; merá KHUDÁ, Jis par merá tawakkul hai.

Zabúr 91 : 2.

MARCH 25.

Wuh kaun sá takya hai, ki jis par tujhe itimád hai?

2 Salátín 18 : 19.

KHUDÁWAND ke khauf men qawí ummed hai, aur Us ke farzandon ko panáh miltí hai.

Amsál 14 : 26.

KHUDÁWAND mazlúmon ke liye mukáam makán hai, aur musibat ke waqt men panáhgáh. We jo TERÁ nám jánte hain, TERÁ bharosá rakhenge, ki Tú ne, ai KHUDÁWAND, un ko jo TERÍ talásh men hain, tark nahín kiyá hai.

Zabúr 9 : 9, 10.

Kyá tú riháí pá saktá hai? 2 Sal. 19 : 11.  
KHUDÁWAND mujhe har ek zabún kám se bacháwegá, aur APNÍ ásmání bádsháhí tak mahfúz rakhegá. 2 Timtáús 4 : 18.

KHUDÁWAND har ek buráí se tujhe mahfúz rakhegá; WUH terí ján ko mahfúz rakhegá. KHUDÁWAND tere jáne áne men, is waqt se leke abad tak, terá háfiz rahegá.

Zabúr 121 : 7, 8.

MARCH 27.

KHUDÁWAND merí roshní hai, aur merí naját : mujh ko kis kí dahshat?

Zabúr 27 : 1.

Tum faqat itná karo, ki KHUDÁWAND se daro, aur apne sáre dil se Us kí sachchí ibádat karo; aur socho kí Us ne tumháre liye kaisá bará kám kiyá hai.

1 Samúel 12 : 24.

Ai KHUDÁWAND KHUDÁ, QÁDIR MUTLAQ, TERE kám bare aur achambhe ke haiñ : ai muqaddason ke BÁDSHÁH, TERÍ ráhen rást aur durust haiñ. Ai KHUDÁWAND, kaun TUJH se na dāregá? aur TERE nám ká jalál záhir na karegá?

Mukáshafát 15 : 3, 4.

TUJH sá KHUDÁ kaun hai ?

Mikah 7 : 18.

Main KHUDÁ hún, aur koí दूसरा nahín;  
Main KHUDÁ hún aur MUJH sá koí nahín.

Yasaiyáh 46 : 9.

Ai KHUDÁWAND, Isráel ke KHUDÁ,  
TUJH sá koí KHUDÁ na úpar ásmán men  
hai, na níche zamín men : jo ki APNE  
un bandon ke liye, jo TERE áge apne  
sáre dilon se chalte phirte hain, APNE  
áhd ko, aur APNÍ rahmat ko, nigáh  
rakhtá hai.

1 Salátín 8 : 23.

MARCH 29.

Kyá main nazdik hí ká KHUDÁ hún,  
KHUDÁWAND kahtá hai, aur dúr ká  
KHUDÁ nahín ?

Yaramiyáh 23 : 23.

Salámatí, salámatí us ko jo dúr hai,  
aur us ko bhí jo nazdik hai; aur MAIN  
hí use sibhat dúngá.

Yasaiyáh 57 : 19.

MAIN buland aur muqaddas makán  
men rabtá hún, aur us ke sáth bhí jo  
shikasta-dil aur farotan hai; ki ájizon  
kí rúh ko jiláún, aur kháksáron ke dil  
ko zinda karún.

Yasaiyáh 57 : 15.

Insán KHUDÁ ke áge kýunkar sádiq  
thahregá ?

Aiyúb 9 : 2.

Sabhon ne gunáh kiya, aur KHUDÁ  
ke jalál se mahrúm hain; so we Us ke fazl  
se us maḡhlási ke sabab, jo MASÍH YISÚ  
se hai, muft rástbáz gine játe hain.

Rúmíon 3 : 23, 24.

Ai KHUDÁ, ai hamáří sipar, nazar kar,  
aur APNE masíh ke munh par nigáh  
rakh.

Zabúr 84 : 9.

MARCH 31.

KHUDÁ ne kyá kiya ? Gintí 23 : 23.

Us ne merí ján ko us jang men, jo un-  
hon ne mujh se kí hai, salámat chhuráya.

Zabúr 55 : 18.

Tú ne merí ján maut se bacháí; aur  
mere pánw ko phisalne na diya, táki  
main KHUDÁ ke áge zindon ke núr men  
chalún.

Zabúr 56 : 13.

Terá KHUDÁ, jis kí tú sadá bandagi  
kartá hai, so tujhe chhuráwe.

Dániel 6 : 16.



## April.

### APRIL 1.

MASÍH ke haqq men tumhárá kyá gumán hai?  
Matí 22: 42.

KHUDÁWAND ne ham sabhon kí badkárí Us par ládí. . . WUH AP hamáre gunáhon ko APNE badan par utháke salíb par charh gayá, táki ham gunáhon ke haqq men marke rástbázi men jien.  
Yasáiyáh 53: 6. 1 Patras 2: 24.

Tum gunáh se chhútkar KHUDÁ ke bande hoke pákízagí ká phal láte ho, aur ákhir hamesha kí zindagí hai.  
Rúmíon 6: 22.

### APRIL 2.

Ai YISÚ, KHUDÁ ke BETE, hamen TUIH se kyá kám?  
Matí 8: 29.

Tum KHUDÁ par ímán láte ho, MUJH par bhí ímán láo. . . Koí bagair MERE wasíle BÁP ke pás á nahín saktá hai.  
Yúhanná 14: 1, 6.

Ki KHUDÁ ek hai, aur KHUDÁ aur ádmíon ke bích ek ádmí bhí darmiyání hai; wuh MASÍH YISÚ hai.  
1 Timtáús 2: 5.

### APRIL 3.

TÚ ne hamen kyúnkar piyár kyá?  
Malákí 1: 2.

Tum Nawishton men dhúndhte ho: kyúnki tum gumán karte ho, kí un men tumháre liye hamesha kí zindagí hai; aur yih we hí hain, jo MUJH par gawahí dete hain.  
Yúhanná 5: 39.

Us ne APNE taín sab ke kafáre men diyá. . . Us ne APNÍ ulfat aur APNÍ muhabbat se unhen naját dí.

1 Timtáús 2: 6. Yasáiyáh 63: 9.

Pas jis dam KHUDÁ uth khará howe, main kyá karún? aur jab WUH tajwíz kare, to main Us ko kyá jawáb dúngá?

Aiyúb 31 : 14.

Merí ján mere KHUDÁ men masrúr hogí; kyúunki Us ne naját ke kapre mujhe pahínáe. Us ne rástbází kí khilat se mujhe mulabbas kiyá. .shádí ká libás. .us rástbází ke sáth jo KHUDÁ kí taraf se ímán kí shart par miltí hai. Yasaiyáh 61 : 10.

Matí 22 : 11. Filippíon 3 : 9.

Yih KHUDÁWAND ke bandon kí mirás hai;— un kí rástbází MUJH se hai.....Un kí khúbsúratí MERÍ raunaq se, jo MAIN ne un ko bakhshí, kámil ho gaíthí. Yas. 54 : 19. Hiz. 16 : 14.

APRIL 5.

Ai KHUDÁWAND, Tú kyá cháhtá hai, kí main karún?

Aamál 9 : 6.

Apne sáre dil se KHUDÁWAND par tawakkul kar, aur apní samajh par takiya mat kar. Apní sári ráhon men Us ká iqrár kar, aur WUH terí rahnumái karegá.

Amsál 3 : 5, 6.

KHUDÁWAND sadá terí rahnumái karegá, aur terá jí bharegá. Yas. 58 : 11.

KHUDÁWAND kaun hai? Amsál 30 : 9.

KHUDÁWAND KHUDÁ, rahím aur mihrbán, qahr men dhímá, Rabb-ul-faiz o wafá, hazár pushton ke liye fazl rakhnewálá, gunáh aur taqsír aur khatá ká bakhshnewálá.

Khurúj 34 : 6, 7.

Yih KHUDÁ abad-ul-ábád hamará KHUDÁ hai, tá dam i marg WUHÍ hamará hádí rahegá.

Zabúr 48 : 14.

APRIL 7.

KHUDÁ ne kyá farmáyá? Gintí 23 : 17.

KHUDÁ ne ek bár farmáyá, do martaba main ne yih suná, kí qudrat KHUDÁ kí hai. Aur rahmat bhí TUJHÍ se hai, ai KHUDÁWAND.

Zabúr 62 : 11, 12.

Par ab, ai KHUDÁ, Tú mere háthon ko zor bakhsh.

Nahamiyáh 6 : 9.



APRIL 8.

Tú kyá cháhtá hai ?

Qázion 1 : 14.

Ai KHUDÁWAND, mujh par galba húa,  
merá muqaddama APNE zimme le....  
tamám sir bímár hai, aur dil bilkull  
sust hai. Yasaiyáh 38 : 14 ; 1 : 5.

Apná bojh KHUDÁ par dál, ki WUH  
tujhe thám legá....WUH thake hún  
ko zor bakhshá hai.

Zabúr 55 : 22. Yasaiyáh 40 : 29.

APRIL 9.

Tú kyá kartá ?

Aiyúb 9 : 12.

Jo nekí main cháhtá hún, nahín kartá,  
balki wuh badí, jise main nahín cháhtá,  
so hí kartá hún....Mere andar ek pák  
dil paidá kar.

Rúmion 7 : 19. Zabúr 51 : 10.

KHUDÁWAND YAHOWÁH farmátá hai,  
MAIN APNÍ Rúh tum men dálúngá, aur  
main aisá karúngá ki tum MERÍ sunnat-  
on par amal karoge, aur tum MERE  
hukmon ko hifz karoge, aur unhen bajá  
láoge.

Hizqiel 36 : 27.

APRIL 10.

Tú kyún rotá hai ? Kis ko dhúndhtá  
hai ? Yúhanná 20 : 15.

Merá man aur merá tan ZINDA KHUDÁ  
ke liye pukártá hai. Zabúr 84 : 2.

Agar tú Use dhúndhegá, to WUH  
tujh se páyá jáegá....jab tú apne púre  
dil se, aur apní sárí ján se Use dhún-  
dhegá.

1 Tawárikh 28 : 9. Istisná 4 : 29.

APRIL 11.

Kyá tú cháhtá hai, ki changá ho jáe ?

Yúhanná 5 : 6.

Ai KHUDÁWAND, mujh par rahm kar ;  
merí ján koshifá de, ki main TERÁ gunah-  
gár hún.

Zabúr 41 : 4.

MAIN ne terí duá suní, aur MAIN ne  
tere ánsúon ko dekhá ; dekh, MAIN tujhe  
shifá dúngá.

2 Salátín 20 : 5.

Zindagí un ko jo shikasta-dil hon,  
kyún bakhshí játí? Aiyúb 3 : 20.

Hamárí pal bhar kí halkí musíbat kyá  
hí be-niháyat aur abadí bhárí jalál  
hamáre liye paidá kartí rahtí hai.

2 Qurintíon 4 : 17.

Aur koí tambíh bilfíal khushí ká báis  
nahín nazar átí, balki afsos ká : magar  
píche unhen, jinhon ne us se tarbiyat  
páí hai, rástbází ká phal chain ke sáth  
bakhshítí hai. Is wáste dhíle háth ko  
sídhá karo.

Ibráníon 12 : 11, 12.

APRIL 13.

Main KHUDÁWAND ko, Us kí sárí nia-  
maton ke iwaz, jo mujhe milín, kyá dún?

Zabúr 116 : 12.

Ai MERE beté, apná dil MUJH ko de.

Amsál 23 : 26.

Merí áhen bahut hain, aur merá dil  
sust hai. Ai KHUDÁWAND, Tú to sab  
kuchh jántá hai, balki, TUJHE malúm  
hai, ki main TUJHE piyár kartá hún.

Yar. ká Nauha 1 : 22. Yúh. 21 : 17.

Terá dil tujhe kyún liye játá hai?

Aiyúb 15 : 12.

APNE bande ko adálat men na lá....  
Dil sab chizon se ziyáda hílabáz hai,  
hán, wuh niháyat fásid hai.....Ai KHUDÁ  
mere andar ek pák dil paidá kar.

Zabúr 143 : 2. Yar. 17 : 9. Zabúr 51 : 10.

MAIN tumhen ek nayá dil bakhshúngá.  
Hizqiel 36 : 26.

APRIL 15.

Yardan kí bárh men tú kyá karegá?

Yaramiyáh 12 : 5.

KHUDÁWAND yún kahtá hai, Mat dar,  
ki MAIN ne tujhe riháí dí; MAIN ne  
terá nám leke tujhe buláyá : tú MERÁ  
hai. Jab tú páníon men guzar karegá, to  
MAIN teresáth houngá; aur jab tú nadíon  
men hoke, jáegá, to we tujhe na du-  
baéngí.

Yasaiyáh 43 : 2.

Mujh ko thámb, to main salámat ra-  
húngá.

Zabúr 119 : 117.



Tumhāre darmiyān kaun hai, jo KHU-  
DĀWAND se ɖartá, aur us ke k̄hādīm kī  
bāteṅ sunṭá, aur andhere meṅ chaltá, aur  
roshnī nahīn pātá? Yaṣaiyáh 50: 10.

Mujhe maut ke sāya kī wādī meṅ se  
chalnā ho.

Zabúr 23: 4.

Us kī talásh karo, jo maut kī parchhāin  
ko subh kar detá: Us ká nám KHUḌÁ-  
WAND hai.

Amús 5: 8.

APRIL 17.

Roshnī ká maskan kahān hai?

Aiyúb 38: 19.

Yisú ne kahá, Jahán ká nūr, MAIN  
hún; jo MERÍ pairawī kartá andhere meṅ  
na chalegá, balki zindagī ká nūr páwegá.

Yúhanná 8: 12.

APNE nūr aur APNÍ sachcháí ko zāhir  
kar; we merí rahbarī karen; we mujh ko  
TERE koh ī muqaddas par pahunchāwen.

Zabúr 43: 3.

Merí kyá táqat hai, ki main ummed  
rakhún? Aiyúb 6: 11.

MERÁ KHUḌÁ merí tawánái hogá....  
Us ne yih mujh se kahá, ki MERÁ fazl  
tujhe kifáyat hai: kyúnki MERÁ zor  
kamzorī meṅ púrā hotá hai.

Yas. 49: 5. 2 Qur. 12: 9.

Tum MAZBÚT QILĀ meṅ phir áo, ai  
ummedwār asíro. Zakar. 9: 12.

APRIL 19.

Kyá WUH APNÍ azím qudrat se mere  
sáth muqábala karegá?

Aiyúb 23: 6.

Kabhí nahīn; WUH to mujhe táqat  
bakhshégá....Jis din main ne pukará,  
Tú ne merí suní; Tú ne merí rúh ko  
himmat deke qawí kiyá.

Aiyúb 23: 6. Zab. 138: 3.

Main terá KHUḌÁ hún: MAIN tujhe  
zor bakhshúngá, MAIN terí kumak kar-  
úngá, MAIN APNE sadáqat ke dahine  
háth se tujhe sambhálúngá.

Yaṣaiyáh 41: 10.

Ai KHUDÁWAND, kab tak TÚ dekhá karegá?  
Zabúr 35 : 17.

Jab ki din dhale, aur sáya barhe.  
Gazal-ul-Gazalát 2 : 17.

Terí bádsháhat áwe....Wahán rát na hogí: phir maut na hogí; aur na gam aur na nála, aur na phir dukh hogá; kyúnki aglí chízen guzar gayín.  
Matí 6 : 10. Muk. 22 : 5; 24 : 4.

APRIL 21.

Kyá MAIN Isráel ke liye bayábán yá táríki kí zamín húa?  
Yar. 2 : 31.

KHUDÁWAND wuhí KHUDÁ hai; aur Us ne ham ko núr dikhlayá; qurbání ko mazbah ke sington tak rassion se bándho.  
Zabúr 118 : 27.

Main Us ke khaime men khushí ke zabíhe zabh karúngá; main gáúngá, hán, KHUDÁWAND kí madh-sarái karúngá.  
Zabúr 27 : 6.

Kyá MERÁ háth aisá kotáh ho gayá hai ki chhurá na saktá?  
Yas. 50 : 2.

KHUDÁWAND ká háth chhotá nahín, ki bachá na sake, aur Us ká kán bhárá nahín, ki sun na sake. Yasaiyáh 59 : 1.

Táki TERE mahbúb rihái páwen, TÚ APNE dahine háth se bachá le, aur hamárá sun.  
Zabúr 60 : 5.

APRIL 23.

MAIN tumháre liye kyá karún?  
2 Samúel 21 : 3.

TÚ ne APNE qáide farmáe, ki ham koshish se unhen hifz karen. Kásh ki merí ráhen TERE hukmon ko hifz karne ke liye mustaqím hon. Zabúr 119 : 4, 5.

MAIN APNÍ RÚH tum men dálúngá, aur MAIN aisá karúngá, ki tum MERÍ sunnaton par amal karoge.  
Hizqiel 36 : 27.



Wuh kyá bát hai, jo Us ne (KHUDÁ ne) tujh se kahí? 1 Samúel 3 : 17.

Musíbat ke din MUJH se faryád kar; MAIN tujhe makhlasí dúngá, aur tú MERÁ jalál zâhir karegá. Zabúr 50 : 15.

KHUDÁ insán nahín, jo jhúth bole, na adamízád hai, ki pashemán howe : kyá Us ne jo kuchh ki kahá hai, so bajá na láwegá; aur jo kuchh ki farmáyá hai, kyá use púrâ na karegá. . . . WUH APNE sukhun ko talne na degá.

Gintí 23 : 19. Yasaiyáh 31 : 2.

APRIL 25.

Tú kyún MERE áge nála kartá hai? Kḥurúj 14 : 15.

Tú, ai KHUDÁWAND, bhalá hai, aur gafúr, TERÍ rahmat un sab par, jo tujhe pukárte haiñ, wáfir hai. Zabúr 86 : 5.

Aur aisá hogá, ki peshtar us se, ki we pakáren, MAIN jawáb dúngá; aur we hanoz kah na chukenge, ki MAIN sun lúngá. Yasaiyáh 65 : 24.

TERÁ kyá nám hai? Paid. 32 : 27.

YAHOWÁH MAIN hún, yih MERÁ nám hai. . . . KHUDÁWAND, KHUDÁWAND KHUDÁ, rahím aur mihrbán, qahr men dhímá, Rabb-ul-faiz o wafá.

Yasaiyáh 42 : 8. Kḥurúj 34 : 6.

We, jo TERÁ nám jánte haiñ, terá bharosá rakheñge; ki Tú ne, ai KHUDÁWAND, APNE mutláshion ko tark nahín kiyá hai.

Zabúr 9 : 10.

APRIL 27.

Tú MERÁ nám kyún púchhtá hai? Paidáish 32 : 29.

Hamárí ján ká ishtiyáq TERE nám, aur TERÍ yád kí taraf hai; . . . kyúnki har ek, jo KHUDÁWAND ká nám legá, naját páwegá.

Yas. 26 : 8. Róm. 10 : 13.

TERE nám kí taqdís ho. Lúqá 11 : 2.

Kyá tú pák sáf na kí jáegí? kitní aur der tak yih mauqúf rahe?

Yaramiyáh 13 : 27.

Ai KHUDÁWAND, ham arz karte haiñ, ab naját bakhshiye;..... ab qubúliyat ká waqt hai; dekho, ab naját ká din hai.

Zab. 118 : 25. 2 Qur. 6 : 2.

Mujh ko dho, ki main barf se ziyáda sufed hoñ.

Zabúr 51 : 7.

APRIL 29.

Dekh, MAIN KHUDÁWAND hún, aur sáre bashar ká KHUDÁ : kyá mere áge koí kám dushwár hai?

Yaramiyáh 32 : 27.

Ai KHUDÁWAND YAHOWÁH, dekh, Tú ne APNÍ barí qudrat se, aur APNE barháe húe bázú se ásmánon aur zamín ko paidá kiyá, aur TERE áge koí kám mushkil nahín hai.

Yar. 32 : 17.

Merí rúh KHUDÁWAND par fakhr karegí; halím log sunenge aur khush hongé.

Zabúr 34 : 2.

Kyá tú ne nahín jáná? kyá tú ne nahín suná? KHUDÁWAND, so abadí KHUDÁ hai, zamín ke kináron ká PAIDÁ-KARNE-WÁLÁ; WUH thak nahín játá, aur máñ-da nahín hotá?

Yasaiyáh 40 : 28.

Shukrguzárí karte húe Us ke darwázon mein, aur hamd karte húe Us kí bārgāhon mein dákhil ho; Us ke shukrguzār ho, Us ke nám ko mubárák kaho. Kí KHUDÁWAND bhalá hai; Us kí rahmat ábadí, aur Us kí wafáí pusht dar pusht hai.

Zab. 100 : 4, 5.

Us ká jalíl nám abad tak mubárák hai: aur sára jabán Us ke jalál se māmúr howe; Amín, phir Amín.

Zabúr 72 : 19.



May.

MAY 1.

MASÍH ke haqq men tumhárá kyá gumán hai?

Matí 22 : 42.

Us ne hamáre gunáhon ke badle men APNE taín diyá, táki WUH ham ko is kharáb dunyá se khalási bakhshé.

Galatíon 1 : 4.

Usí ko jis ne ham ko piyár kiyá, aur APNE lahú se ham ko hamáre gunáhon se dho dálá, aur ham ko bádsháh aur káhin KHUDÁ aur APNE BÁP ke banáyá; jalál aur qudrat abad tak Usí ko hai.—Amin.

Muk. 1 : 5, 6.

MAY 2.

Ham kyá hain ?

Khurúj 16 : 8.

Ham Us ke gawáh hain .... MASÍH ke Khatt, siyáhi se nahín, balki zinda KHUDÁ kí RÚH se, aur pattthar kí takhtíon par nahín, balki dil kí takhtíon par, jo gosht kí hain, likhá gayá hai.....sáre admí jánte aur parhte hain.

Aqamál 5 : 32. 2 Qur. 3 : 2, 3.

Koí ham men se apne wáste nahín jítá.

Rúm. 14 : 7.

MAY 3.

Ai KHUDÁWAND, Tú kyá cháhtá hai, ki main karún ?

Aqamál 9 : 6.

Merí áwáz ke shanawá ho, aur Main tumhárá KHUDÁ hoúngá, aur tum MERE log hoge ; aur us sári ráh men chalo, jo MAIN tumhen farmáún, táki tumhárá bhalá howe.

Yaramiyáh 7 : 23.

Unhín ká bhalá hogá, jo KHUDÁ se darté hain.

Wáiz 8 : 12.

Ham kyúnkar us ráh ko ján sakeñ ?  
Yúhan. 14 : 5.

MAIN tujhe talím dúngá, aur us ráh men, jis men tú chalegá, tujhe sikhlaúngá : terí rahnumái ke liye MAIN APNÍ ápkh tujh par lagaúngá. Zabúr 32 : 8.

Lekin, ai YAHOWÁH KHUDÁWAND, merí ápkhen TERÍ taraf haiñ : merá tawakkul TUJH par hai : merí ján ko halák hone na de. Zabúr 141 : 8.

MAIN tujhe hargiz na chhorúngá, aur tujhe mutlaq tark na karúngá.  
Ibráníon 13 : 5.

## MAY 5.

Kyá tú apne liye umda chízen dhúndh-tá hai ?  
Yar. 45 : 5.

Tú merá bakhrá, ai KHUDÁWAND, .... merá bakhrá zindagí kí sarzamín men... merá hissa abad tak hai.

Zab. 119 : 57; 142 : 5; 73 : 26.

Main ne apne sáre dil se TERÍ talásh kí hai; Tú mujh ko APNE hukmon se bhaṭakne mat de.

Zabúr 119 : 10.

KHUDÁ kí taraf kaun hai ?  
Kḥurúj 32 : 26.

Lekin, main aur merá gharáná jo hai, so ham KHUDÁWAND kí bandagí karenge.  
Yashú 24 : 15.

Tujh par salám, aur tere ghar par salám, aur un sab par salám, jo tere pás haiñ.....Tú ne áj ke din iqrár kiyá hai, ki KHUDÁWAND, merá KHUDÁ hai; aur KHUDÁWAND ne bhí áj ke din tujh se iqrár farmáyá, ki tú Us kí kháss guroh howe. ...is liye KHUDÁWAND apne KHUDÁ ko dost rakhe, aur Us se líptá rahe.  
1 Sam. 25 : 6. Istis. 26 : 17, 18; 30 : 20.

## MAY 7.

Tú apne haqq men kyá kahtá hai ?  
Yúhan. 1 : 22.

Merí ján TERE píchhe lagí hai; TERÁ dahiná háth mujh ko thámtá hai.  
Zabúr 63 : 8.

MAIN KHUDÁWAND, terá KHUDÁ, terá dahiná háth pakartá, aur tujhe kahtá, mat ḍar, ki MAIN terí pushtí karúngá.  
Yasayáh 41 : 13.



Tumháre bápdáde jo the, so kahán? aur  
ambiyá, kyá we sadá jíte hain?

Zakariyáh 1 : 5.

We apní mihnaton se áráam páwen: aur  
un ke aamál un ke sáth píchhe chale áte  
hain.

Mukásh. 14 : 13.

Tum sust na ho jáo, balki un ke pai-  
rau bano, jo ímán aur sabr kí ráh se  
waḍon ke wáris húe.

Ibráníon 6 : 12.

## MAY 9.

Kaun terá hamdard hogá? yá kaun  
terí taraf áwegá, ki terí kḥair o áfiyat  
púchhe?

Yar. 15 : 5.

Kyúunki merá báp aur merí má mujh  
ko chhoḡ gaye, par KḤUDÁWAND merí  
parwarish karegá .... Yatímon ká báp  
APNE maqám i muqaddas men KḤUDÁ  
hai.

Zabúr 27 : 10; 68 : 5.

MAIN tum ko qabúl karúngá; aur  
MAIN tumhárá BÁP húngá; aur tum  
MERE bete beṭián hoge; yih KḤUDÁWAND  
QÁDIR I MUTLAQ farmátá hai.

2 Qurintíon 6 : 17, 18.

Terá jí aisá kyún udás hai?

1 Salátín 21 : 5.

Dushman ke zulm se. Mere dush-  
man us talwár kí mánind, jo merí haḍdí-  
on se guzar jáwe, mujhe malámat karke,  
dukh dete hain, aur roz roz mujh ko  
kahte hain, Terá KḤUDÁ kahán hai?

Zabúr 42 : 9, 10.

Main tere sáth hún. kí terí hifázat  
karún, aur tujhe rihái dún. KḤUDÁWAND  
kabhá hai.

Yaramiyáh 15 : 20.

## MAY 11.

Ham kis tarah rihái pá saken?

Yasaíyáh 20 : 6.

KḤUDÁ wafádár hai, ki WUH tum ko  
tumbhári táqat se ziyáda imtihán men  
parne na degá; balki WUH imtihán ke  
sáth nikal jáne kí ráh bhí ṭhahrá degá,  
táki tum bardásht kar sako.

1 Qurintíon 10 : 13.

APNÍ sadáqat se mujhe bachá le, aur  
mujhe makḥlasí bakḥsh.

Zabúr 71 : 2.

Kaun ham ko bhalái dikháwe ?

Zabúr 4: 6.

MAIN wuh ráh, jo achchhi, aur sídhi hai, tumhen batláungá; so tum faqat itná karo, ki KHUDÁWAND se daro, aur apne sáre dil se Us kí sachchí íbádat karo; aur socho ki Us ne tumbáre liye kaisá bará kám kiyá hai.

1 Samúel 12: 23, 24.

Ai insán, Us ne tujhe wuh dikháya hai, jo kuebh ki bhalá hai: aur KHUDÁWAND tujh se aur kyá cháhtá hai, magar yih, ki tú insáf kare, aur rahm-dilí ko piyár kare, aur apne KHUDÁ ke sáth farotání se chale.

Míkah 6: 8.

## MAY 13.

Agar Us se minnat karen, to hamen kyá nafa hogá?

Aiyúb 21: 15.

Aur yún hogá, ki har ek jo KHUDÁWAND ká nám legá, naját páwegá.

Aamál 2: 21.

Main KHUDÁ ko pukárúngá; aur KHUDÁWAND mujhe bachá legá. Shám ko, aur subh ko, aur do pahar ko, main sochúngá.

Zabúr 55: 16, 17.

Kyá wuh lahlaháwegá? Hiz. 17: 9.

Fajr ko apná bij bo, aur shám ko bhí apná háth dhilá hone na de; kyúunki tú nahín jántá hai, ki un men se kaun kám ká hogá, yih yá wuh, yá donon ke donon barábar bhale hongé.

Wáiz 11: 6.

Ai piyáre, main yih duá mángtá hún, ki jis tarah terí ján khairiyat ke sáth hai, so tú sab báton men khairiyat ke sáth aur tandurust rahe.

3 Yúh. 2.

## MAY 15.

Ai KHUDÁWAND KHUDÁ, kyúnkar ján-ún, ki main us ká wáris húngá?.....aur hashmat ke takht ká málik húngá?

Paid. 15: 8. 1 Samúel 2: 8.

Jo gálib hotá hai, so sab chízon ká wáris hogá; aur MAIN us ká KHUDÁ húngá, aur wuh MERÁ betá hogá.

Mukásh. 21: 7.

Pas, ai azízo, cháhiye ki ham aise wade páke, ap ko har tarah kí jismání aur rúhání najásat se pák karen. aur KHUDÁ ke dar se pákízagí ko kámil karen.

2 Qurintion 7: 1.



MAY 16.

Ham kyá karenge? 2 Salátín 6 : 15.

Tumhen laráí karná darkár nahín.  
Sábit qadamí se kharé raho, aur KHUDÁ-  
WAND kí naját ko, jo tum ko hogí, dekho.

2 Tawárikh 20 : 17.

KHUDÁWAND tumháre liye jang kare-  
gá... tum apne dílon kí bábat niháyat  
khabardár raho, ki tum KHUDÁWAND  
apne KHUDÁ ko dost rakho.

Khur. 14 : 14. Yashú 23 : 11.

MAY 17.

Tú ne us bázú ko jis men zor na thá,  
kaisá sambhálá? Aiyúb 26 : 2.

MERÁ bázú use zor bakhshegá. ....  
MERÁ zor kamzorí men purá hotá hai.

Zab. 89 : 21. 2 Qur. 12 : 9.

KHUDÁWAND ke tábi chup cháp baná  
rah, aur Us ke liye thahar já..... Phir  
áne men, aur chupke baithne men, tum-  
hári salámatí hai; khámoshí aur tawak-  
kul men tumhári qúwat hai.

Zab. 37 : 7. Yas. 30 : 15.

MAY 18.

Pas ham in báton kí bábat kyá kahen?  
Rúmíon 8 : 31.

Ai KHUDÁWAND, inhín chízon se insán  
kí zindagí hai, aur in sab se merí rúh kí  
hayát hai. Yasáiyáh 38 : 16.

Bhalá húa, ki main ne dukh páyá ....  
TERÍ nigahbání se merí rúh kí salámatí  
húí. Zab. 119 : 21. Aiyúb 10 : 12.

MAY 19.

Káhe ko ádmí jo zinda hai kurkuráwe?  
aisá ádmí apne gunáhon kí sazá ke báis?  
Yaramiyáh ká Nauha 3 : 39.

Ai KHUDÁWAND, main ján gayá, ki  
TERÍ adálaten rást hain; aur yih kí Tú  
ne wafái se mujh ko dukh diyá.  
Zabúr 119 : 75.

MAIN tumhen chharí ke niche se cha-  
láungá, aur tumhen áhd ke band men  
láungá.....MAIN ne (tum se) APNE sulh  
ká áhd bándhá.

Hiz. 20 : 37. Gintí 25 : 12.

MAY 20.

Khair hai?

2 Salátín 9 : 18.

Rúhání mizáj zindagání aur salámatí hai..... Salám, hán salám tujh par, aur salám tere madadgaron par; kyunki tera KHUDÁ teri madad kartá hai.

Rúm. 8 : 6. 1 Tawá. 12 : 18.

Jis ka dil qáim hai, Tú khúb salámatí se us ki nigahbání karegá; kyunki us ka tawakkul TUJH par hai. Abad tak KHUDÁWAND par iatimád rakho, ki YAHOWÁH yaqinan YÁH, ek abadí chatán hai.

Yasaiyáh 26 : 3, 4.

MAY 21.

Ai mere ji, tú kyún girá jata hai, aur tú mujh mein kyún bearám hai? Zab. 42 : 5.

Mere dil ke gam bahut barh gae; Tú mujh ko meri musibaton se chhurá.

Zabúr 25 : 17.

Kisi bat ka andesha na karo; balki har ek bat mein tumhari arz, dua aur minnat se, shukrguzari ke saath, KHUDÁ se ki jae; aur KHUDÁ ki itminan, jo sari samajh se bahar hai, tumhare dilon aur khiyalon ki MASÍH YISÚ mein nigahbani karegi.

Filippion 4 : 6, 7.

MAY 22.

Ab, KHUDÁWAND tera KHUDÁ, tujh se kyá चाहता hai? Istisná 10 : 12.

Ki tú KHUDÁWAND apne KHUDÁ se dará kare, aur Us ki sab rāhon par chale, aur Us se muhabbat rakhe, aur apne sare dil aur apni sari jan se KHUDÁWAND apne KHUDÁ ki bandagi kare.

Istis. 10 : 12.

Salámatí ka KHUDÁ tum ko har ek nek kām mein kāmil kare, taki tum Us ki marzi par chalo, aur jo kuchh Us ke huzur mein maqbúl hai, YISÚ MASÍH ke wasile tum mein kare. Ibr. 13 : 20, 21.

MAY 23.

Kaun in baton ke laiq hai?

2 Qurintion 2 : 16.

Is liye nahin, ki ham laiq hain, ki ap se kuchh khiyal bhi kar sakein; balki hamari liyaqat KHUDÁ se hai.

2 Qurintion 3 : 5.

KHUDÁ apni daulat ke muwafiq jalal hi se MASÍH YISÚ mein tumhari bar ek ihtiyaj rafa karega. Filippion 4 : 19.



Tú kyún rotá hai ?

Yúhanná 20 : 13.

Dost aur rafiq Tú ne mujh se dúr kar diye ; mere jánpahchán táríkí haiñ.

Zabúr 88 : 18.

Apní zári kí áwáz ko rok.....we dushmanon kí zamín se phir áwenge.

Yaramiyáh 31 : 16.

Terá chihra kyún udás hai ?

Nahamiyáh 2 : 2.

Merá jí mujh men udás ho gayá hai ; merá dil mere bích men ujar gayá hai.

Zabúr 143 : 4.

Agar tú apná dil durust kare, aur apne háth Us kí taraf barháwe : tú apní pare-shání bhúl jáegá, aur use aisá jánegá jaise páníon ko jo bah játe haiñ.

Aiyúb 11 : 13, 16.

Asmán par merá kaun hai, magar Tú ?

Zabúr 73 : 25.

MERE siwá koí BACHÁNEWÁLÁ nahín.  
..... MERE siwá koí KHUDÁ nahín  
hai ; sádiq-ul-qaul, aur NAJÁT-DENEWÁLÁ  
KHUDÁ.

Yas. 43 : 11; 45 : 21.

Ai merí ján, chupke faqat KHUDÁ hí ke intizár men rah ; ki merí ummed Usí se hai.

Zabúr 62 : 5.

KHUDÁWAND ká din bahut bará hai, aur niháyat khaufnák hai : kaun us kí bardásht kar saktá hai ?

Yúel 2 : 11.

Jo KHUDÁWAND par tawakkul kartá hai, máhfúz rahegá.

Amsál 29 : 25.

Ai Tú jo merá KHUDÁ hai, apne bande ko, jis ká bharosá TUJH par hai, naját de.

Zabúr 86 : 2.

Ai KHUDÁWAND, TUJH sá kaun hai, jo garíb ko us ke háth se, jo us se zabardast hai, chhurátá hai; hán, garíb aur muhtáj ko us se, jo unhen gárat kartá hai. Zabúr 35: 10.

Ai KHUDÁWAND, ISRÁEL KE KHUDÁ, TUJH sá koí KHUDÁ na úpar ásmán men hai, aur na niche zamín men; ki Tú apne un bandon ke liye, jo TERE áge apne sáre dílon se chalte phirte hain, áhd ko hifz kartá, aur un par rahmat dikhátá hai.

2 Tawárikh 6: 14.

Main TUIHE piyár kartá hún, ai KHUDÁWAND, merí qúwat. Zab. 18: 1.

## MAY 29.

Ab, ai MERE beté, tere liye Main kyá karún? Paidáish 27: 37.

Main ne TUJH se do suwál kiye hain; so mere marne ke áge mujhe dene se inkár na kar; batálat aur darog-goí mujh pás se dúr rakh; aur mujh ko na kangál kará, na daulatmand kará.

Amsál 30: 7, 8.

Un logon se, jo sídhí chál chalte hain, koí achchhí chíz dareg na karegá.

Zabúr 84: 11.

Merí taraf kaun hai?

2 Salátín 9: 32.

KHUDÁWAND sadá mubáarak hai, ham par niámaton ká bár rakhtá hai. WUHí hamará naját-denewálá KHUDÁ hai.

Zabúr 68: 19.

KHUDÁWAND merí taraf hai, main nahín darne ká; insán merá kyá kar saktá hai.

Zabúr 118: 6.

## MAY 31.

Tum us ke ákhir men kyá karoge?

Yaramiyáh 5: 31.

Harchand ki anjír ká darakht na phúle, aur tákon men mewe na lagen, aur zaitúnon ke phal játe rahen, aur kheton men kuchh anáj paidá na ho, aur galla bhersále men kát dálá jáwe, aur gáe bail thánon men na rahen; tis par bhí main KHUDÁWAND kí yád men khushí karúngá; main apní naját ke KHUDÁ ke sabab khushwaqt hoúngá. Habaq. 3: 17, 18.

Jo WUH mujh ko már dálta hai, tau bhí mujhe Us ká bharosá hai.

Aiyúb 13: 15.



## June.

---

### JUNE 1.

MASÍH ke haqq men tumhárá kyá gu-  
mán hai?

Matí 22 : 42.

MASÍH ne ham se muhabbat kí, aur  
hamáre íwaz men APNE taín KHUDÁ ke  
áge nazr aur qurbán kiya.

Afsión 5 : 2.

Us ne mujh se muhabbat rakhí, aur  
AP ko mere badle de diya.

Galatión 2 : 20.

---

## JUNE 2.

MAIN kyá karún ?

Aamál 22 : 10.

Khátir jamá rakh, ut; WUH tujhe  
bulátá hai.

Marqus 10 : 49.

Jab TÚ ne farmáyá, ki MERE chihre  
ko dhúndho, to merá dil TUJH se bol  
utá, Ai KHUDÁWAND, main Tere chihre  
ko dhúndhúngá.

Zabúr 27 : 8.

---

### JUNE 3.

Ai KHUDÁWAND TÚ kyá cháhtá hai,  
ki main karún ?

Aamál 9 : 6.

Ai tum logo, jo thake aur bare bojh se  
dabe ho, sab MERE pás áo ; ki MAIN  
tumhen áram dúngá,.....apne jón men  
áram.

Matí 9 : 28, 29.

Ai KHUDÁWAND, main TERE pás pa-  
náh letá hún ;.....mujhe APNE paron ke  
sáya tale chhipá le.

Zabúr 143 : 9 ; 17 : 8.

---

Tú kyá cháhtá hai ?

Yúhanná 4 : 27.

Main Tujh ko dhúndhúngá ; merí ján Terí piyásí hai.

Zabúr 63 : 1.

Main us ko, jo piyásá hai, AB HAYÁT ke chashme se muft píne dúngá, . . . be rúpá, aur be qímat. Are, ai sab piyáso, pání pás áo.

Mukáshafát 21 : 6. Yas. 55 : 1.

## JUNE 5.

Kis se MAIN tujhe tasallí dúngá ?

Yasáiyáh 51 : 19.

PÁK RÚH se.

2 Qurintíon 6 : 6.

Tauba karo, aur tum men se har ek, gunáhon kí muáfí ke liye, YISÚ MASÍH ke nám par baptismá le, to RÚH I QUDS ká inám páoge.

Aamál 2 : 38.

Tú kyá cháhtá hai, ki MAIN tere liye karún ?

Marqus 10 : 51.

Ki Tú mujhe barakat bakhshá.

1 Tawáríkh 4 : 10.

KHUDÁWAND terá KHUDÁ tujhe sab kuchh men jo tú kare, tujhe barakat degá. . . . Tumháre pás KHUDÁ ne APNE BETE YISÚ ko utháke pahle bhejá, ki tum men se har ek ko us kí badíon se pherke barakat de.

Istis. 15 : 18. Aamál 3 : 26.

## JUNE 7.

Kyá Ap ke pás ek hí barakat hai, ai mere BÁP ?

Paidáish 27 : 38.

Barakat ke menh barsá karenge. . . . Sab tumhári hai.

Hiz. 34 : 26. 1 Qur. 3 : 22.

Mubáarak hai KHUDÁ aur hamáre KHUDÁWAND YISÚ MASÍH ká BÁP, jis ne ham ko MASÍH men har tarah kí rúhání barakat bakhshí.

Afsíon 1 : 3.



JUNE 8.

Kab tak main apne jí men mansúba aur roz dil men gam karún ?

Zabúr 13 : 2.

Jab tak ki tú na jáne ki KHUDÁ TAÁLÁ insán kí mamlukat men hukm-rání kartá hai, aur jise cháhe, usí ko detá hai.

Dániel 4 : 25.

KHUDÁWAND miskín kartá hai, aur daulatmand kartá hai : past kartá hai, aur buland kartá hai..... Qúwat hí se koi fath nahín pátá. 1 Samúel 2 : 7, 9.

JUNE 9.

Tú APNÁ munh kyún chhipátá hai ?

Aiyúb 13 : 24.

Qahr kí shiddat ke hál men MAIN ne APNÁ munh tujh se ek lahzá chhipáyá ; par ab MAIN abadí ináyat se tujh par rahm karúngá, KHUDÁWAND, terá BACHÁNEWÁLÁ, yún farmátá hai.

Yasáiyáh 54 : 8.

Aglon kí badkáríon ko hamáre haqq men yád mat kar ; APNÍ rahmaton ko jald hamáre liye ár kar. Zabúr 79 : 8.

JUNE 10.

Kyá KHUDÁWAND abad tak radd karegá ? aur phir kabhí tawajjuh na farmáegá ? Zabúr 77 : 7.

Kyúinki KHUDÁWAND abad-ul-ábád tak mardúd ná rakhegá. Agarchi, WUH dukh detá hai, tis par bhí APNÍ rahmaton kí firáwání ke mutábíq shafaqat karegá..... Us kí shafaqaten mauqúf nahín hotí hai.

Yaramiyáh ká Nauha 3 : 31, 32, 22.

KHUDÁWAND terá KHUDÁ tujh par rahm karegá. Istisná 30 : 3.

JUNE 11.

Kyá Tú ne mere liye koi barakat nahín rakh chhorí ? Paidáish 27 : 36.

Ai Isráel, tujh ko MUJHE farámosh na karná hai. MAIN ne terí khatáon ko bádal ke mánind, aur tere gunáhon ko ghatá ke mánind mitá dálá ; MERÍ taraf phir á, kí MAIN ne terá fidiya diyá hai..... aur tú MERÁ ho gayá.

Yas. 44 : 21, 22. Hiz. 16 : 8.

Main TERÁ hún, mujhe bachá le. Zabúr 119 : 94.

JUNE 12.

Tú dekhtá hai, jis tarah se insán dekhtá hai?

Aiyúb 10 : 4.

KHUDÁWAND insán kí mánind nahín dekhtá hai; kyúñki ádmí záhír ko dekhtá hai, par KHUDÁWAND dil par nazar kartá hai.

1 Samúel 16 : 7.

Mere dukh aur merí mashaqqat par nigáh kar, aur mere sab gunáh bakhsh de.

Zabúr 25 : 18.

JUNE 13.

Merá MÁLIK APNE bande ko kyá irshád farmátá hai?

Yashú 5 : 14.

We to tere sáth lareñ, lekin tujh par gálib na hongé; kyúñki KHUDÁWAND farmátá hai, MAİN tere bacháne ko tere sáth hún.

Yaramiyáh 1 : 19.

KHUDÁWAND merí zindagí ká qila hai; mujh ko kis kí haibat.

Zabúr 27 : 1.

JUNE 14.

Tú APNE kḥádimoñ se aisá sulúk kyún kartá hai ?

Kḥurúj 5 : 15.

Táki tumhárá ímán aur bharosá KḤU-  
dá par howe.

1 Patrus 1 : 21.

Mubáarak hai wuh, jis ká madadgár  
Yaqúb ká KḤUDÁ hai, jis ká bharosá  
KḤUDÁWAND apne KḤUDÁ par hai.

Zabúr 146 : 5.

JUNE 15.

Tú apne haqq meñ kyá kahtá hai?

Yúhanná 1 : 22.

YÁH YAHOWÁH merá bútá aur merá  
sarod hai.....Main abad tak KḤUDÁWAND  
kí rahmaton kí madhsarái karúngá.....  
Main jab tak maujúd hún apne KḤUDÁ-  
WAND kí madhsarái karúngá.

Yas. 12 : 2. Zab. 89 : 1 ; 146 : 2.

We jinheñ KḤUDÁWAND ne kharída  
hai phirenge, aur gáte húe Saihún meñ  
áwenge.

Yasaiyáh 51 : 11.



Kyá ab tú pukárke MUJHE nahín kahé, ki Ai mere BÁP, Tú merí jawání ká rahbar thá?

Yaramiyáh 3 : 4.

Main hamesha TERE hí sáth thá; Tú ne merá dahiná háth pakrá. Tú APNÍ maslahat se mujhe hidáyat karegá; aur ákhirash mujhe jalál men shámil kar legá.

Zabúr 73 : 23, 24.

MAIN tum ko qabúl karúngá, aur tum-hará BÁP húngá.

2 Qurintión 6 : 17, 18.

## JUNE 17.

Naját dene ká MERÁ zor nahín?

Yasaiyáh 50 : 2.

KHUDÁ men sambhálne aur giráne kí táqat hai..... WUHÍ chhurátá aur bachá-tá hai, aur ásmán aur zamín men WUHÍ nishánián dikhátá.

2 Tawár. 25 : 8. Dán. 6 : 27.

WUH dukh men miskín ko riháí detá hai.

Aiyúb 36 : 15.

Ab merí ummed kahán hai?

Aiyúb 17 : 15.

Merí ján kahtí hai, ki KHUDÁWAND merá hissa hai, is liye main Us par bha-rosá rakhtá hún.

Yaramiyáh ká Nauha 3 : 25.

Ab KHUDÁ, jo ummed ká baní hai, tumhen ímán láne ke báis sári khushí aur salámatí se bhar de, táki RÚH-UL-QUDS kí qudrat se tumhári ummed ziyá-datar hotí jáwe.

Rúmión 15 : 13.

## JUNE 19.

Kyá KHUDÁWAND kí RÚH kotáh hí gayí hai?

Míkah 2 : 7.

KHUDÁWAND ke nazdík kuchh dush-wár nahín, ki agar WUH cháhe, to bahut-on se riháí bakhshé, aur cháhe to thoron se.

1 Samúel 14 : 6.

Ai KHUDÁWAND, TERE nazdík bahut-on se, yá un se jin ká zor na ho, kisí kí madad karná dushwár nahín: so ai KHUDÁWAND, hamáre KHUDÁ, Tú hamá-rí madad kar; kyúñki ham log TUJH par bharosá rakhte haiñ.

2 Tawár. 14 : 11.

JUNE 20.

Kyá KHUDÁWAND ke nazdík koí bát mushkil hai?

Paidáish 18: 14.

KHUDÁ ke áge koí bát anhoní nahín.

Lúqá 1: 37.

WUH ek lakht maut ko nigal jáegá; aur KHUDÁWAND KHUDÁ sabhon ke chihron se ánsú ponchh dālegá..... aur gam aur áh i sard dafa kí jáengí.

Yasayáh 25: 8; 35: 10.

JUNE 21.

Kyá MAIN nazdík hí ká KHUDÁ hún, KHUDÁWAND kahtá hai, aur dúr ká KHUDÁ nahín?

Yaramiyáh 23: 23.

KHUDÁWAND kí ánkhen sári zamín men daurtí phirtí hain, táki un kí madad men, jin ká dil Usí par takya kartá hai, APNE taín qawí dikhláwe.

2 Tawárikh 16: 9.

KHUDÁWAND un sab ke jo us ko pukárte hain, nazdík hai; un sab ke jo sachcháí se Us ko pukárte hain.

Zabúr 145: 18.

JUNE 22.

Terá KHUDÁ kahán hai?

Zabúr 42: 3.

Agar ham ek dúse se muhabbat rakh-en, to KHUDÁ ham men rahtá hai.

1 Yúhanná 4: 12.

Kyá tum nahín jánte, ki tum KHUDÁ kí haikal ho, aur ki KHUDÁ kí RÚH tum men bastí hai?

1 Qurintíon 3: 16.

JUNE 23.

Lekin kyá haqíqat men KHUDÁ ádmí-on ke sáth zamín par sukúnat karegá?

2 Tawárikh 6: 18.

KHUDÁ ne kahá hai, ki MAIN un men rahúngá, aur un men chalúngá, aur MAIN un ká KHUDÁ húngá, aur we mere log honge.

2 Qurintíon 6: 16.

Wuh TASALLÍ-DENEWÁLÁ tumbáre sáth rahtá hai, aur tum men howegá.

Yúhanná 14: 16, 17.



JUNE 24.

Tú Us ke haqq men kyá kahtá hai ?

Yúhanná 9 : 17.

ḲHUDÁ sab ke liye bhalá hai, aur Us kí rahmaten Us ke sáre kámon par hain. WUH apní mutthí kholdá hai, aur har ek jándár ká peṭ bhartá hai.

Zabúr 145 : 9, 16.

ḲHUDÁWAND se khushí maná, ki WUH tere dil ke matálib púre karegá.

Zabúr 37 : 4.

JUNE 25.

Kyá ḲHUDÁ ko bailon hí kí parwá hai ?

1 Qurintion 9 : 9.

WUH paháron par ghás ugátá hai; haiwánon ko rozí pahunchátá hai.

Zabúr 147 : 8, 9.

WUH har jándár ko rozí detá hai; ki Us kí rahmat abad tak.

Zabúr 136 : 25.

JUNE 26.

Tum kumak ke liye kis ke pás dauroge ?

Yasaiyáh 10 : 3.

ḲHUDÁ hamárá panáh, aur hamára zor hai; dukhon men WUH bahut hí mustaid madadgar páyá gayá hai.

Zabúr 46 : 1.

Tú, ai ḲHUDÁWAND, mazlúmon ke liye panáh; musibat ke waqt panáh hogá, aur we jo TERÁ nám jánte hain, TERÁ bharosá rakhenge.

Zabúr 9 : 9.

JUNE 27.

ḲHUDÁWAND tujh se kyá cháhtá hai ?

Mikah 6 : 8.

Aur Us ká hukm yih hai, ki Ham Us KE BEṬE YISÚ MASÍH ke nám par ímán láwen, aur ápas men muhabbat rakhen.

1 Yúhanná 3 : 23.

Par talím haqíqí muhabbat se anjám páti hai, jo ki pák-dilí, aur nek-niyatí, aur be-makr ímán se hotí hai.

1 Tímtáús 1 : 5.

Ai KHUDÁWAND KHUDÁ, Tú mujh ko kyá degá ?

Paid. 15 : 2.

KHUDÁ kí bakhshish hamáre KHUDÁWAND YISÚ MASÍH ke wasíle, hamesha kí zindagí hai.

Rúmion 6 : 23.

Tú marne tak ímándár rah, to MAIN zindagí ká táj tujhe dúngá ..... Zindagí ká táj, jis ká KHUDÁ ne APNE muhabbat rakhnewálon se wada kiyá.

Mukásh. 2 : 10. Yaqúb 1 : 12.

## JUNE 29.

Main kyá karún ki hamesha kí zindagí ká wáris hoún ?

Lúqá 10 : 25.

KHUDÁ ne hamen hamesha kí zindagí bakhshí, aur kí yih zindagí Us ke BETE men hai.....Jo kí BETE par ímán látá hai, hamesha kí zindagí us kí hai.

1 Yúh. 5 : 11. Yúh. 3 : 36.

Merí ján jítí rahe, aur terí sitáish kare.

Zabúr 119 : 175.

Kyá tú KHUDÁ KE BETE par ímán látá hai ?

Yúhanná 9 : 35.

KHUDÁWAND merá zor, aur merí sipar hai ; mere dil ne Us par tawakkul kiyá, aur mujhe Us kí pushtí húi ; so merá dil shiddat se khush hai ; aur main gít gá gáke Us kí madh karúngá.

Zabúr 28 : 7.

Us kí maqdis men KHUDÁ kí hamd karo ; Us kí qudrat kí fazá men Us kí hamd karo. Us ke zabardast kámon ke sabab Us kí hamd karo ; Us kí bu-zurgí kí kasrat ke mutábiq Us kí hamd karo. Har ek chíz jo sáns letí hai, KHUDÁWAND kí hamd kare.

Zabúr 150 : 1, 2, 6.



July.

---

JULY 1.

MASÍH ke haqq men tumhárá kyá gumán hai ?

Matí 22 : 42.

Ham Us ke lahu ke sabab se naját, yane, gunáhon kí muáfi páte hain.

Qulussion 1 : 14.

Kasrat se khalásí. ....Hamesha kí khalásí.

Zabúr 130 : 7. Ibr. 9 : 12.

---

JULY 2.

Haqq kyá hai ?

Yúhanná 18 : 38.

Yisú ne kahá, Ráh, aur haqq, aur zindagí MAIN hún.... Aur sachái ko jánoge, aur sachái tum ko ázád karegí... Pas agar BETÁ tum ko ázád karegá to tum tahqíq ázád hoge.

Yúhanná 14 : 6 ; 8 : 32, 36.

Aur gunáh se chhútkar rástbází ke bande húe.

Rúmíon 6 : 18.

---

JULY 3.

Main kyá karún, ki naját páún ?

Aamál 16 : 30.

Tum fazl ke sabab ímán láke bach gaye ho : aur yih tum se nahín : KHUDÁ kí baḡhshish hai.

Afsíon 2 : 8.

Mángo, ki tumhen diyá jáegá..... KHUDÁ se mángo....par ímán se mángo.

Matí 7 : 7. Yaqúb 1 : 5, 6.

---

JULY 4.

Insán KHUDÁ ke áge kyúrkar sádíq  
ṭhahregá ?

Aiyúb 9 : 2.

Imán se húa, ki wuh fazl ká ṭhahrá.

Rúmíon 4 : 16.

KHUDÁ par iatiqád rakho....Wuh  
use jo Yisú par imán láwe, rástbáz ṭhah-  
ráwe.

Marqus 11 : 22. Rúm. 3 : 26.

JULY 5.

Kyá ham gunáh karte rahen, táki fazl  
ziyáda ho ?

Rúmíon 6 : 1.

Yih bát sach hai, aur main cháhtá  
hún, ki tú in báton ko tákíd se kahá  
kar, táki we jo KHUDÁ par imán láe  
hain, andesha karke nekokári men mash-  
gúl rahen.

Títus 3 : 8.

Har ek jo MASÍH ká nám letá hai, ná-  
rástí se báz rahe.

2 Timtáús 2 : 19.

JULY 6.

Kaun ham ko MASÍH kí muhabbat se  
judá karegá ? Rúmíon 8 : 35.

Mujh ko yaqín hai, ki na maut, na  
zindagí, na frishte, na hukúmaten, na  
riyásaten, aur na hál kí, na istiqbál kí  
chízen, na bulandí, na pastí, aur na koí  
dúsrá makhlúq ham ko KHUDÁ kí us  
muhabbat se, jo hamáre KHUDÁWAND  
Yisú MASÍH men hai, judá kar sakegá.

Rúmíon 8 : 38, 39.

Main ne bare abadí ishq se tujhe piyár  
kiyá. Yaramiyáh 31 : 3.

JULY 7.

Tú MUJHE piyár kartá hai ?

Yúh. 21 : 17.

Ai KHUDÁWAND, Tú to sab kuchh  
jántá hai : Tujhe malúm hai, ki main  
Tujhe piyár kartá hún....Jab Tú ne  
farmáyá, ki MERE chihre ko dhúndho,  
to merá dil Tujh se bol uthá, Ai KHUDÁ-  
WAND, main TERE chihre ko dhún-  
wángá. Yúh. 21 : 17. Zab. 27 : 8.

MAIN un par áshiq hún, jo MUJH par  
áshiq hain ; aur we jo MUJH ko sawere  
dhúndhte hain, MUJH ko páwenge.

Amsál 8 : 17.



JULY 8.

Tú kidhar játa hai?

Paid. 16 : 8.

MAIN uthke apne Báb pás jáungá.

Lúqá 15 : 18.

MAIN tum ko qabúl karúngá; aur  
MAIN tumhárá BÁP húngá, aur tum  
MERE bete betían hoge; yih KHUDÁWAND  
QÁDIR I MUTLAQ farmátá hai.

2 Qurintíon 6 : 17, 18.

JULY 9.

Tú kyá cháhtá hai?

Matí 20 : 21.

Ai KHUDÁWAND KHUDÁ, jaisá Tú ne  
farmáyá, aisá hí kar. . . . Mere sáth rah,  
merá BÁP ho.

2 Samúel 7 : 25. Qázíon 17 : 10.

Yisú ne kahá, Agar koí MUJHE piyár  
kartá hai, wuh MERE kalám par amal  
karegá, aur MERÁ BÁP use piyár karegá,  
aur HAM us pás áwenge, aur us ke sáth  
rahege.

Yúhanná 14 : 23.

JULY 10.

Tum mutálaba ke din aur us kharábí  
ke din, jo dúr se áwegí, kyá karoge?

Yasaiyáh 10 : 3.

Tú mere chhipne ká makán hai, Tú  
mujhe dukhon se bachátá hai; naját ke  
gíton se Tú mujhe gheartá hai.

Zab. 32 : 7.

Us din MAIN tujhe rihái dúngá, KHUDÁWAND kahtá hai.

Yaramiyáh 39 : 17.

JULY 11.

Tú kyá cháhtá hai, ki MAIN tere liye  
karún?

Marqus 10 : 51.

Jo tere nazdík achchhá hai. . . . Tú merá  
KHUDÁ hai; mere auqát TERE háth men  
hain.

Qázíon 10 : 15. Zabúr 31 : 14, 15.

Mat dar, ki MAIN tere sáth hún, aur  
tujhe barakat dúngá. MAIN tujh ko  
mubáarak karúngá; aur tú ek barakat  
hogá.

Paidáish 26 : 24; 12 : 2.

Terí kyá dardhwást hai ?

Nahamiyáh 2 : 4.

Ai Tú jo merá KHUDÁ hai, APNE bande ko, jis ká bhārosā TUJH par hai, najāt de.

Zabūr 86 : 2.

MAIN tere sáth hún, KHUDÁWAND kah-tá hai, ki tujhe bacháún.

Yaramiyáh 30 : 11.

## JULY 13.

Terá kyá suwál hai ? tujhe diyá jáegá, aur terá kyá matlab hai ?

Astar 5 : 6.

Ki TERÁ háth mujh par hotá, aur mujhe badí se bachá rakhtá, ki wuh mujhe na kalpáwe.

1 Tawá. 4 : 10.

MAIN KHUDÁWAND ne tujhe sadáqat ke liye buláyá ; MAIN hí terá háth pak-rúngá, aur terí hifázat karúngá.

Yasaiyáh 42 : 6.

Terá kyá suwál hai ? so tujhe diyá jáegá ; aur terá kyá aur matlab hai ? so púrā kiyá jáegá.

Astar 9 : 12.

Ai KHUDÁWAND i KARÍM, Tú har ek ko jis ne KHUDÁ ko dhúndhne ko dil lagáyá hai muáf kar.

2 Tawárikh 30 : 18, 19.

Ai KHUDÁWAND, Tú ne garíbon kí murád suní ; Tú un ke dilon ko mustaqím kartá.

Zab. 10 : 17. Ams. 16 : 1.

## JULY 15.

Tú kyún MUJH ko nek kahtá hai ?

Lúqá 18 : 19.

Tú, ai KHUDÁWAND, bhalá hai, aur gafúr, aur TERÍ rahmat un sab par, jo TUJHE pukárte hain, wáfir hai....Un sab ko, jo sachái se Ūs ko pukárte hain.

Zabūr 86 : 5 ; 145 : 18.

Merí duá par, jo beriyá labon se nikaltí hai, kán dhar.

Zabūr 17 : 1.



Main kis kī khidmat karūn ?

2 Samúel 16 : 19.

Tú apne bāp ke KHUDÁ ko pahchān, aur kāmīl dil se aur jī kī ragbat se Us kī bandagī kar. . . . kyūnki KHUDÁWAND ne tumhen chun liyā hai, ki Us kī bandagī karo. 1 Taw. 28 : 9. 2 Taw. 29 : 11.

Us ke bande Us kī bandagī karenge; aur we Us kā munh dekhenge. . . . agar we shanawā howen, aur bandagī karen, tab we apne dinon ko aish men kātenge, aur apne barason ko ishraton men. . . . KHUDÁWAND APNE bande kī salāmātī chāhtā hai. Muk. 22 : 3, 4. Aib. 36 : 11.

Zabūr 35 : 27.

## JULY 17.

QÁDIR I MUTLAQ kaun hai, ki ham Us kī bandagī karen ? Aiyúb 21 : 15.

Agar KHUDÁWAND kī bandagī karnā tumhen burā malūm ho, to khair, āj ke din tum use, jis kī bandagī karoge, ikhtiyār karo. . . . lekin main aur merā gharānā jo hai, so ham KHUDÁWAND kī bandagī karenge. Yashú 24 : 15.

Nek-niyatī se aur sadāqat se Us kī bandagī karo. Yashú 24 : 14.

Ai KHUDÁWAND, hamāre bāpdādon ke KHUDÁ, kyā ásmān men Tú KHUDÁ nahīn ? aur Tú qaumon kī sārī mamlúkaton kā hākīm nahīn ? kyā TERE háth men aísā zor aur qudrat nahīn hai, ki koi TERÁ sámhnā nahīn kar saktá ? kyā Tú hamārā KHUDÁ nahīn ? 2 Taw. 20 : 6, 7.

Main KHUDÁWAND tumharā KHUDÁ hūn. Ahbār 25 : 55.

Merā KHUDÁ, aur mere bāp kā KHUDÁ. Khurúj 15 : 2.

## JULY 19.

Kyā logon ko munásib nahīn, ki apne KHUDÁ ko dhúndhen ? Yas. 8 : 19.

Hamāre KHUDÁ kā háth un sabhon par hai, jo Us ke tálīb hain, ki un kā bhalā ho; par Us ke jabr aur qahr un sabhon par jhúm rahte hain, jo Use chhortē hain. . . . Agar tú Use dhúndhegá, to WUH tujh se páyá jáegá, aur agar tú Use chhoregá, to WUH hamesha ko tujhe radd karegá.

Azrá 8 : 22. 1 Tawárikh 28 : 9.

Main Us ko dhúndhúngá, jise merá jī chāhtā hai. . . . Us kā nám KHUDÁWAND RABB-UL-AFWÁJ hai.

Ġazal-ul-Ġazalát 3 : 2. Amús 4 : 13.

Merá MÁLIK APNE bande ko kyá ir-shád farmátá hai? Yashú 5 : 14.

Jis tarah dulhá dulhin par ríjhtá hai, usí tarah terá KHUDÁ tujh par rí-jhegá. . . . WUH tere sabab se shádmán hoke khushí karegá; APNÍ muhabbat ke báis WUH ilzám dene ke badle khámosh rahégá; WUH gáte húe tere liye shád-mání karegá. Yas. 62 : 5. Saf. 3 : 17.

KHUDÁWAND se khushí maná.

Zabúr 37 : 4.

## JULY 21.

Kyá tum par wájib na thá, ki Khudá-tarsi se chalte? Nahamiyáh 5 : 9.

KHUDÁWAND ne ham ko farmáyá, ki ham KHUDÁWAND apne KHUDÁ se, apní hamesha kí bhalái ke wáste, daren.

Istisná 6 : 24.

Ai kásh ki un ke aise dil hon, ki we MUJH se daren, aur hamesha MERE sab hukmon kí muháfazat karen, táki un ke liye aur un kí aulád ke liye abad tak bihtar howe!

Istisná 5 : 29.

Phir kaun naját pá saktá hai?

Marqus 10 : 26.

KHUDÁ ne jahán ko aisá piyár kiya hai, ki Us ne APNÁ eklautá BETÁ bakh-shá; táki jo koí Us par imán láwe, halák na howe, balki hamesha kí zindagí páwe.

Yúhanná 3 : 16.

Ham Us ke wasíle qahr se bach rahenge. . . . Kyúnki KHUDÁ ká gazab tamám ná-rástí par ásmán se záhir hai. . . . Kyúnki KHUDÁ ne ham ko gazab ke liye nahín, balki is liye muqarrar kiya, ki ham apne KHUDÁWAND YISÚ MASÍH se naját hásil karen.

Rúmíon 5 : 9;

1 : 18. 1 Tassalúníqíon 5 : 9.

## JULY 23.

Dánái kahán miltí hai?

Aiyúb 28 : 12.

MUQADDAS KITÁBEN tujhe MASÍH YISÚ par imán láne se naját kí dánái bakhsh sakti haiñ. . . . Jis men hikmat aur mari-fat ke sáre khazáne chhipe haiñ.

2 Tímtáus 3 : 15. Qulússíon 2 : 3.

APNE bande ko samajhnewálá dil ináyat kar.

1 Salátín 3 : 9.



Kitáb kyá kahtí hai? Galatíon 4: 30.  
 MAIN tujhe batá dúngá, jo kuchh ki  
 Sachái kí Kitáb men likhá hai.

Daníel 10: 21.

Kitáb ne sab ko gunáh ke taht shumár  
 kiyá, táki wuh wáda jo YISÚ MASÍH par  
 ímán láne ke wasíle se hai, ímándáron  
 ko diyá jáwe. ...KHUDÁ ne sab ko ná-  
 farmání kí qaid men chhorá, táki sab par  
 rahm farmáwe. ...Kyúñki WUH rahm  
 karne se bahut khush hai. Gal. 3: 22.

Rúmíon 11: 32. Míkah 7: 11.

## JULY 25.

Kyá tamám dunyá ká INSÁF-KARNE-  
 WÁLÁ insáf na karegá? Paid. 18: 25.

Ham jánte hain, ki KHUDÁ kí taraf se  
 sazá ká hukm haqq ke mutábíq hai. ...  
 Yaqínan KHUDÁ ná-haqq nahín kartá,  
 aur QÁDIR I MUTLAQ ádálát men khalal  
 nahín dáltá.

Rúmíon 2: 2. Aiyúb 34: 12.

WUH sadáqat se jahán ki, aur APNÍ  
 sachái se logon kí ádálát karegá.

Zabúr 96: 13.

Ham kis tarah rihái pá saken?

Yasaiyáh 20: 6.

MAIN ne ek zabardast ko kumak ke  
 liye barpá kiyá; ... naját dene par qádir  
 hún; ... unhen jo Us ke wasíle KHUDÁ  
 ke huzúr játe hain, ákhir tak bachá saktá  
 hai. Zab. 89: 19. Yas. 63: 1. Íbr. 7: 25.

Sádiqon kí naját KHUDÁWAND se hai.  
 .... WUH un ko bacháegá; is liye ki un  
 ká bharosá Us par hai. ... Apne sáre dil  
 se KHUDÁWAND par tawakkul kar.

Zabúr 37: 39, 40. Amsál 3: 5.

## JULY 27.

KHUDÁ ne kyá kiyá? Gintí 23: 23.

Jise (YISÚ MASÍH) KHUDÁ ne pesh  
 kiyá, ki ek kafára ho, jo Us ke lahú par  
 ímán láne se kám áwe, táki WUH APNÍ  
 rástí agle waqt ke gunáhon se záhir kare.

Rúmíon 3: 25.

KHUDÁ ká Us kí bakhshish par jo  
 bayán se báhar hai, shukr ho.

2 Qurintíon 9: 15.

Ham kyúnkar bachenge, agar itní barí naját se gáfil rahe hon? Ibr. 2: 3.

KHUDÁWAND yún kahtá hai, We bhág na sakenge; aur harchand we MUJHE pukáren, par MAIN un kí na sunúngá.

Yaramiyáh 11: 11.

Jis ne Músá kí shariát ko náchíz jáná, to rahmat se khárij hoke mára játa thá... Pas khiyál karo, ki wuh shakhs kitní ziyáda sazá ke láiq thahregá, jis ne KHUDÁ ke BETE ko páemál kiya, aur áhd ke lahu ko, jis se wuh pák huá, nápak jáná, aur FAZL ke RÚH ko zalíl kiya.

Ibráníon 10: 28, 29.

## JULY 29.

Kyá TERÁ gulám kuttá hai, ki aisi barí bát karegá?

2 Salátín 8: 13.

Khabardár, ai bháío, ki tum men se kisí men be-ímání ká burá dil na ho, jo zinda KHUDÁ se phir jáwe.

Ibráníon 3: 12.

Tum ap se khabardár raho, aísá na ho, ki tumbáre dil fareb khá jáwen.

Istisná 11: 16.

Dil sab chízon se ziyáda hílabáz hai: hán, wuh niháyat fásíd hai: us ko kaun daryáft kar saktá hai?

Yaramiyáh 17: 9.

KHUDÁWAND sáre dílon ko jánchtá hai, aur khiyálon ko aur sáre tasauwaron ko pahchántá hai.

1 Tawáríkh 28: 9.

Merá dil TERE hukmon par mustaqím ho; táki main sharminnda na hoún. Merí ján TERÍ naját ke shauq men murehhit húi; TERE kalám par merí ummed hai.

Zabúr 119: 80, 81.

## JULY 31.

Tere liye kyá kiya jáwe?

2 Salátín 4: 13.

TERÁ kalám sachái hai. ... APNE bande kí khátir APNE kalám ko yád farmá, ki Tú ne mujhe ummedwár kiya hai.

Yúhanná 17: 17. Zabúr 119: 49.

MAIN APNÍ achchhí bát tum par qáim karúngá.

Yaramiyáh 29: 10.



## August.

---

### AUGUST 1.

Masíh ke haqq men tumhárá kyá gumán hai ?  
Matí 22 : 42.

Usí se har ek jo ímán látá, un sab báton se, jin se tum Músá kí shariát ke rú se begunáh nahín thahar sakte the, begunáh thahartá.  
Aamál 13 : 39.

Tum Us men kámil bane ho. . . . Wuh hamáre liye KHUDÁ kí taraf se hikmat aur rástbázi, aur pákízagi, aur khalási hai.  
Qul. 2 : 10. 1 Qur. 1 : 30.

---

## AUGUST 2.

Pas shariát kis wáste hai ?

Galatíon 3 : 19.

Pas shariát MASÍH tak pahuncháne ko hamára ustád thahrí, táki ham ímán se rástbáz gine jáwen.

Galatíon 3 : 24.

Pas jab ki ham ímán ke sabab rástbáz thahre, to ham men aur KHUDÁ men hamáre KHUDÁWAND YISÚ MASÍH ke wasíle mel húa.

Rúmíon 5 : 1.

---

### AUGUST 3.

Tú iatiqád rakhtá hai ?

Rúmíon 14 : 22.

Main KHUDÁ ke BETE par ímán láne se zinda hún, jis ne mujh se muhabbat rakhí, aur AP ko mere badle de diyá.

Galatíon 2 : 20.

Jis ne hamáre gunáhon ke badle men APNE taín diyá, táki WUH ham ko hamáre BÁP KHUDÁ kí marzí ke mutábiq is kharáb dunyá se khalási bakhshe.

Galatíon 1 : 4.

---

## AUGUST 4.

Ai mere bháío, agar koí kahe, ki main ímándár hún, aur amal na kartá ho, to kyá fáida? Kyá aisá ímán use bachá saktá hai? Yaqúb 2 : 14.

Ímán, agar amal ke sáth na ho, to akelá hoke murda hai. Yaqúb 2 : 17.

Par jo ázádagí kí kámil shariát par takhtakí bándhke us ke gaur men rahtá hai, wuh sunkar bhúlnewálá nahín, balki amal karnewálá hoke, apne amal men mu-báarak hogá. Yaqúb 1 : 25.

## AUGUST 5.

Tú kyá kartá hai? Hizqiel 12 : 9.

Main bátiní insániyat se KHUDÁ kí shariát men magan hún. Magar dúsrá shara apne azún men dekhtá hún, jo merí aql ke shara se lartá, aur mujhe us gunáh ke shara ká, jo mere azún men hai, giriftár kartá. Rúmíon 7 : 22, 23.

APNE bande ko adálat men na lá, kyúnki koí insán jándár TERE huzúr rástbáz thahar nahín saktá.

Zabúr 143 : 2.

## AUGUST 6.

Kám karnewále ko us se, jis men wuh mihnát kartá hai, kyá hásil hotá hai? Wáiz 3 : 9.

Apní zári kí áwáz ko rok, aur apní ánkhon ko ánsúon se báz rakh; ki terí mihnát ke liye ajr hai, KHUDÁWAND kahtá hai. Yaramiyáh 31 : 16.

KHUDÁ be-insáf nahín hai, ki WUH tumháre kám, aur Us muhabbat kí mihnát ko, jo tum Us ke nám par dikhláte ho, bhúl jáwe. Ibráníon 6 : 10.

## AUGUST 7.

Main kyún rotá chalá játá hún?

Zabúr 43 : 2.

Agarchi tum bilfál chand roz, ba zarú-rat, tarah tarah kí ázmáishon se gam men pare ho; . . . agar tú apná dil durust kare, aur apne háth Us kí taraf barháwe, to apní pareshání bhúl jáegá, aur use aisá jánegá, jaise páníon ko jo bah játe hain. 1 Pat. 1 : 6. Aiyúb 11 : 13, 16.

Ai merí ján, apní árámgáh men phir, ki KHUDÁWAND ne tujh par ihsán kiyá hai. Zabúr 116 : 7.



Merí kyá táqat hai, ki main ummed rakhūn? Aiyúb 6 : 11.

Tú mat dar; ki MAIN tere sáth hūn; hirásán mat ho; ki MAIN terá KHUDÁ hūn : MAIN tujhe zor baḡhshúngá, MAIN terí kumak karúngá, MAIN APNÍ sadáqat ke dahine háth se tujhe sambhálúngá. Yasaiyáh 41 : 10.

KHUDÁWAND hí men mere liye rást-bázi aur tawánái hai. . . . KHUDÁWAND merí qúwat aur merá rág hai, aur WUH merí naját húa.

Yasaiyáh 45 : 24. Kḡhurúj 15 : 2.

## AUGUST 9.

Ai KHUDÁWAND, is shakhs ká kyá hogá? Yúhanná 21 : 21.

MERÍ TAWÁNÁÍ ká dáman pakre [MA-síh KHUDÁ KÍ QUDRAT.—1 Qur. 1 : 24], to MUJH se sulh kare; wuh MUJH se sulh kare. . . khúb salámatí. . . aisi salámatí jo qáim rahegi.

Yas. 27 : 5 ; 26 : 3. Yar. 14 : 13.

Us se áshnái kijiye, aur salámat rah; tab terí ḡhair hogí.. Aiyúb 22 : 21.

Yih, jis kí bábat, aisi báten suntá hūn, kaun hai? Lúqá 9 : 9.

Kḡhátir-jamā rakho; MAIN hūn; mat ḡdaro. Marqus 6 : 50.

MERE MAHBÚB kí áwáz.

ḡazal-ul-ḡazalát 2 : 8.

## AUGUST 11.

Ai KHUDÁWAND Tú kaun hai?

Aamál 26 : 15.

Main KHUDÁWAND, terá BACHÁNEWÁLÁ, Main YAQÚB KÁ QÁDIR terá CHHURÁNEWÁLÁ hūn. . . . Mere siwá koí aur NAJÁT-DENEWÁLÁ nahín hai.

Yasaiyáh 49 : 26. Húsía 13 : 4.

Ai mere KHUDÁ, mujhe bachá. . . . APNÍ rahmaton ke wáste mujhe bachá.

Zabúr 3 : 7 ; 6 : 4.

Tú ne hamen kyúnkar piyár kiya?

Maláki 1 : 2.

KHUDÁ kí muhabbat, jo ham se hai, is se zahir hui, ki KHUDÁ ne APNE iklaute BETE ko dunya men bheja, taki ham Us ke sabab se zindagi paen. Muhabbat is men hai.

1 Yuhanna 4 : 9, 10.

Ai piyaro, jab ki KHUDÁ ne ham se aisi muhabbat rakhí, to lazim hai, ki ham bhi ek dusre se muhabbat rakhen.

1 Yuhanna 4 : 11.

## AUGUST 13.

Main kabán jáun?

Paidáish 37 : 30.

Abadi KHUDÁ teri panáh hai.

Istisná 33 : 27.

Main to TERÍ qudrat ka git gaunga; aur subh ko pukarke TERÍ rahmat ki sana karunga, ki Tú mere liye ek qila hua hai, aur meri musibat ke din jae-panah.

Zabur 79 : 16.

Tú mere liye ho gayá hai, us pani ki manind jo nahin thaharta?

Yaramiyah 15 : 18.

Pahar to jate rahen, aur koh hil jae, par MERÍ mihrbani jo tujh par hai, kadhi gair na hogi, aur MERÍ sulh ka ahd jumbish na karega, KHUDAWAND jo tera rahm karnewala hai, yun farmata hai.

Yasaiyah 54 : 10.

WUH wafadar KHUDÁ hai.

Istisná 7 : 9.

## AUGUST 15.

Kya main Israil ke liye bayaban ya tariki ki zamin hui? Yaramiyah 2 : 31.

Tú miskin ke liye qila hua, aur muhtaj ke liye us ki pareshani ke waqt men ek muhkam shahr, aur andhi se ek panahgaah, aur garmi se chhanaw, jis waqt zalimon ki sans aisi ho, jaisa tufan, jo diwar par chalta hai. Yasaiyah 25 : 4.

Tú mera madadgar hua hai, mujh ko tark na kar, aur mujh ko chhor mat de, ai mere najat-denewale KHUDÁ.

Zabur 27 : 9.



Merí taraf kaun hai, kaun ?

2 Salátín 9 : 32.

Khudáwand kahtá hai, Main tere sáth hún, kí terí hifázat karún, aur tujhe riháí dún. . . . Main us se jo tere sáth jhagartá, jhagrá karúngá, aur tere farzandon ko riháí dúngá. Yar. 15 : 20.

Yasaiyáh 49 : 25.

Un kí riáyat kar, aur unhen hamesha ko sarfaráz farmá. Zabúr 28 : 9.

## AUGUST 17.

Aur tú, ai barbád kí húi, kyá karegí ?

Yaramiyáh 4 : 30.

Main KHUDÁ se, jo HAQQ TAÁLÁ hai, faryád karúngá ; usí KHUDÁ se, jo mere liye sab kuchh kartá hai. . . . Jo koi KHUDÁWAND ká nám legá, so naját páwegá.

Zabúr 57 : 2. Yúel 2 : 32.

KHUDÁWAND ká nám ek muhkam burj hai ; sádiq us men daurtá hai, aur amn men rahtá hai.

Amsál 18 : 10.

Tú riháí pá saktá hai ? Yas. 37 : 11.

Tú ne merí ján maut se bacháí ; kyá Tú mere páñwon ko phisal jáne se na bacháegá, táki main KHUDÁ ke huzúr zindon ke núr men chalún phirún.

Zabúr 56 : 13.

MAIN tujhe makhlási dúngá, aur tú MERÁ jalál záhir karegá. Zabúr 50 : 15.

## AUGUST 19.

Kyá fáida hogá, agar ham Us ke hukmon ko mánen ? Maláki 3 : 14.

Yaqínan sádiq ke liye jazá hai. . . . We jo MUJHE tazím karte hain, MAIN un ko buzurgí dúngá ; par we, jo MERÍ tahqír karte hain be-qadr hongé.

Zabúr 58 : 11. 1 Samúel 2 : 30.

Merá munh TERÍ sitáish aur TERE jamál kí taríf se sáre din labrez rahe.

Zabúr 71 : 8.

Kaun in báton ke láiq hai?

2 Qurintíon 2 : 16.

MÉRÁ fazl tujhe kifáyat hai : kyúñki  
MÉRÁ zor kamzori men púra hotá hai.

2 Qurintíon 12 : 9.

Hamen káfi hai. . . . Jab main kamzor  
hún, tabhí zoráwar hún. . . . KHUDÁWAND  
aur Us kí qudrat kí qúwat men zoráwar.  
Yúh. 14 : 8. 2 Qur. 12 : 10. Afs. 6 : 10.

AUGUST 21.

Tú ne ham se yih kyá muámala kiyá?

Khurúj 14 : 11.

Jo MAIN kartá hún, ab tú nahín jántá,  
par bad us ke jánegá. Yúhanná 13 : 7.

Is liye insán ká hál der tak tajwíz  
karná zurúr nahín, jis waqt use KHUDÁ  
ke huzúr adálat men jáná pare. . . . WUH  
púrabi hawá ke din APNÍ sakht ándhí  
se USE urá le gayá hai.

Aiyúb 34 : 23. Yasaiyáh 27 : 8.

Kaun sá insán jítá hai, jo maut ko na  
dekhegá? kyá wuh pátál ke qabze se  
apní ján bachá sakegá? Zabúr 89 : 48.

Kisí ádmí ko rúh par iqtidár nahín,  
ki use pakár rakhe, aur marne ke din  
us ká kuchh bas nahín; aur us larái men  
chhutí nahín miltí. Wáiz 8 : 8.

Jis waqt tú let rahegá, tú hirásán na  
howegá; hán, tú let rahegá, aur teri nind  
míthí hogí. Amsál 3 : 24.

AUGUST 23.

Jab ádmí mare to kyá wuh phir jíegá?  
Aiyúb 14 : 14.

Murdon kí qiyámat hogí, kyá ráston  
kyá ná-ráston kí. . . . KHUDÁ ham ko  
uthá khará karegá; . . . baze hayát i abadí  
ke liye, aur baze ruswái aur zillat i abadí  
ke liye. . . . har ek ko us ke kámon ke  
muwáfíq. Aamál 24 : 15. Húsía 6 : 2.  
Dániel 12 : 2. Rúmíon 2 : 6.

Us se áge kí taqdír Iláhí jane, KHUDÁ-  
WAND ko dhúndho. Safaniyáh 2 : 2, 3.



HAQQ TAÁLÁ ko kyá ágáhi hai?

Zabúr 73: 11.

Us kí dánish kámil hai....Us ká fahm bayán se báhar hai....KHUDÁ sab kuchh jántá hai....WUH to dilon ke bhedon se bhí ágáh hai. Aiyúb 37: 16.

Zabúr 147: 5. 1 Yúhanná 3: 10.

Zabúr 44: 21.

WUH us ráh ko, jis par main chaltá hún, jántá hai; jab WUH mujh ko tá chukegá, main sone ke mánind nikal áúngá.

Aiyúb 23: 10.

## AUGUST 25.

KHUDÁ kyá jántá hai?

Aiyúb 22: 13.

WUH jis ne kán ko paidá kiyá, kyá nahín suntá? WUH jis ne ánkhen banáin, kyá nahín dekhá? WUH jo ádmí ko ilm sikhlatá hai, kyá WUH álim nahín?

Zabúr 94: 9, 10.

Tumhárá BÁP jántá hai, ki tumhen kin kin chizon kí zarúrat hai.

Matí 6: 8.

Tumhári zindagi kyá hai?

Yaqúb 4: 14.

Wuh to ek bukhár hai, jo thorí der tak nazar átá, aur phir gaib ho játá hai.

Yaqúb 4: 14.

KHUDÁ ne jahán ko aisá piyár kiyá hai, ki Us ne APNÁ eklautá BETÁ bakhshá, táki jo koí Us par imán láwe, halák na howe, balki hamesha kí zindagi páwe.

Yúhanná 3: 16.

## AUGUST 27.

Hamáre liye patthar ko, qabr ke darwáze par se, kaun dhalkáegá?

Marqus 16: 3.

KHUDÁ jis ke hukm ke mutábíq tárikí se roshní chamkí.

2 Qurintion 4: 6.

Merí rúh ko qaid se nikál, táki TERE nám kí sitáish howe.

Zabúr 142: 7.

Mujh ko kaun pahuncháwegá?

Zabúr 60 : 9.

Main tere áge chalúngá, aur terhi jagahon ko sídhá karúngá.....hán, main bayábán men ek ráh, aur sahrá men nahren banáúngá, ..... ki Mere logon ko, Mere barguzídon ko pání dewen.

Yasaiyáh 45 : 2 ; 43 : 19, 20.

Ai mere Báp, Tú meri jawání ká rah-bar hai.

Yaramiyáh 3 : 4.

AUGUST 29.

Wuh kaun sí ummed hai, jise tú rakh-tá hai?

Yasaiyáh 36 : 4.

KHUDÁWAND par hamára yaqín hai.

2 Tassakúníqíon 3 : 4.

Tum apní himmat ko mat chhoro, is liye ki us ká bará ajr hai.

Ibráníon 10 : 35.

KHUDÁWAND merá BANÁNEWÁLÁ kahán hai, jis se rát ko bhí gít gáne ki naubat hotí? Aiyúb 35 : 10.

Tum MUJHE dhúndhoge, aur páoge, jab apne sáre dil se MERÁ surág loge.

Yaramiyáh 29 : 13.

KHUDÁWAND un sab ke, jo Us ko pukárte hain, nazdik hai; un sab ke, jo sachcháí se Us ko pukárte hain.

Zabúr 145 : 18.

AUGUST 31.

Main kyá mángún?

Marqus 6 : 24.

Us taraf mutawajjih hoke Saihún kí ráh púchho.....puráne raston kí bábat púchho, ki bhalí ráh kahán hai? Usí men chalo, ki tum apne jion men áram páoge.

Yaramiyáh 50 : 5 ; 6 : 16.

Jo kuchh duá men ímán se mángoge, so páoge. Matí 21 : 22.



## September.

### SEPTEMBER 1.

MASÍH ke haqq men tumhárá kyá gumán hai?

Matí 22 : 42.

Tumháre pás KHUDÁ ne APNE BETE YISÚ ko utháke pahle bhejá, ki tum men se har ek ko us kí badión se pherke barakat de.

Aamál 3 : 26.

Ai KHUDÁWAND, ham ko APNÍ taraf phirá.

Yaramiyáh ká Nauha 5 : 21.

## SEPTEMBER 2.

Roshní ká maskan kahán hai. ....  
Haqíqí núr jo dunyá men áke har ek ádmí ko roshan kartá hai ?

Aiyúb 38 : 19. Yúhanná 1 : 9.

KHUDÁWAND ká nám tá abad mubáarak ho, ki hikmat aur qudrat us hí kí hai, aur núr Usí ke sáth rahtá hai. ...BÁP kí god men. Dán. 2 : 20, 22. Yúh. 1 : 18.

Tum áo, ki ham KHUDÁWAND kí roshní men chalen. ...Ágar ham núr men chalen, jis tarah WUH núr men hai, to ham ek dúsre ke sáth sharákat rakhte hain, aur Us ke BETE YISÚ MASÍH ká lahú ham ko sáre gunáh se pák kartá hai. Yasaiyáh 2 : 5. 1 Yúhanná 1 : 7.

### SEPTEMBER 3.

Main us se kyá fáida pátá, jo gunáh nahín kiyá hotá ? Aiyúb 35 : 3.

Mubáarak we jo pák dil hain, kyúunki we KHUDÁ ko dekhenge. ...Terí ánkhen BÁDShÁH ká jamál dekhengí; we un sarzamínon par, jo bahut dúr hain nazar karenge. Matí 5 : 8. Yas. 33 : 17.

Merí burái se mujhe khúb dho dál, aur merí khataí se mujhe pák kar.

Zabúr 51 : 2.

Kaun jántá hai, ki insán ke liye, dun-  
yá में kyá achchhá hai? Wáiz 6 : 12.

Yih bát sach hai, aur main cháhátá  
hún, ki tú in báton ko tákid se kahá  
kar, táki we jo KHUDÁ par ímán láe  
hain, andesha karke nekokári में mash-  
gúl rahen. Ye chízen bhalí aur ádmíon  
ke wáste fáidamand hain. Titus 3 : 8.  
Un ke yád rakhne में bará hí ajr hai.  
Zabúr 19 : 11.

SEPTEMBER 5.

Mujhe kyá phal miltá hai?

1 Qurintíon 9 : 18.

Mat dar : main, KHUDÁWAND KHUDÁ  
terí sipar aur terá bahut bará ajr hún.

Paidáish 15 : 1.

Pas apne dushmanon ko piyár karo, aur  
bhalá karo, aur phir páne kí ummed na  
rakhke qarz do, to tumhárá badlá bará  
hogá, aur tum KHUDÁWAND TAÁLÁ ke  
farzand hoge : kyúñki WUH ná-shukron  
aur sharíron par bhí mihrbán hai.

Lúqá 6 : 35.

Agar tum nekí kí pairawí kiya karo,  
kaun hai, jo tum se badí kare?

1 Patras 3 : 13.

Kyúñki Tú, ai KHUDÁWAND merí pa-  
náh hai. Tú ne HAQQ TAÁLÁ ko apná  
maskan kiya : tujh par koi áfat na paregi.

Zabúr 91 : 9, 10.

Mujhe kuchh khauf o khatar nahín hai.

Zabúr 23 : 4.

SEPTEMBER 7.

KHUDÁWAND merí zindagí ká qila hai :  
mujh ko kis kí haibat? Zabúr 27 : 1.

Un se, jo badan ko qatl karte hain,  
aur bad us ke kuchh aur kar nahín sakte,  
mat daro. Lekin MAIN tumhe batátá  
hún, ki kis se daro : Us se daro, jis ko  
qatl karne ke bad ikhtiyár hai, ki jahan-  
nam में dále : hán, MAIN tumhe  
kahtá hún, ki Usí se daro. Lúqá 12 : 4, 5.

Admí ká dar admí ko phansátá hai ;  
.... KHUDÁWAND ká khauf zindagání  
ká chashma hai, táki maut ke phandon  
se chhutkára ho. .... RABB-UL-AFWÁJ jo  
hai, tum Us kí taqdís karo ; aur usí se  
darte raho : aur WUH tumháre liye ek  
maqdis hogá.

Amsál 29 : 25 ; 14 : 27. Yas. 8 : 13, 14.



Terí salámatí hai? 2 Salátín 4: 26.

Ai KHUDÁWAND, Tú ne APNE kalám ke mutábiq APNE bande se khush-sulúki kí hai. Zabúr 119: 65.

Rástbázon se kaho, ki bhalá hogá. . . .  
Un hí ká bhalá hogá, jo KHUDÁ se darte hain. Yasaiyáh 3: 10. Wáiz 8: 12.

SEPTEMBER 9.

Merá MÁLIK APNE bande ko kyá irshád farmátá hai? Yashúa 5: 14.

MAIN ne bare abadí ishq se tujhe piyár kiyá, is liye MAIN ne APNÍ shafaqat tujh par barháí; . . . aur tujhe apní abadí mangetar karúngá; hán, tujhe sadáqat, aur adálat, aur mihrbání, aur rahmat se APNÍ mangetar karúngá; . . . kyúñki Khudáwand farmátá hai, ki MAIN tumhárá kháwind hún; aur MAIN tumhen Saihún men le áúngá.

Yar. 31: 3. Húsia 2: 19. Yar. 3: 14.

WUH mujh ko mai-kháne ke andar láyá, aur Us ká jhandá jo mujh par thá, ishq hai. Gazal-ul-Gazalát 2: 4.

Tú kyún rotí hai? kis ko dhúndhtí hai?  
Yúhanná 20: 15.

Main apne háth TERÍ taraf phailátá hún; merí rúh khushk zamín kí mánind TERÍ piyásí hai. . . . Ai KHUDÁWAND jald merí sun; merí rúh bekhud ho gáí hai. Zabúr 143: 6, 7.

MAIN sunúngá; kyúñki MAIN mihrbán hún. Khurúj 22: 27.

SEPTEMBER 11.

Ai ISRÁEL kí UMMEDGÁH, bipat ke waqt men us ke BACHÁNEWÁLE, Tú kyún mulk men pardesí ke mánind baná, aur us musáfir ke mánind, jo derá dáltá hai, jis men rát káte?

Yaramiyáh 14: 8.

Agar koí MUJHE piyár kartá hai, wuh MERE kalám par amal karegá, aur MERÁ BÁP use piyár karegá, aur HAM us pás áwenge, aur us ke sáth rahenge. Yúhanná 14: 23.

Hamáre sáth rah.

Lúqá 24: 29.

Kyá KNUDÁWAND phir kabhí tawajjuh na farmáegá? Zabúr 77 : 7.

Us ká gussa ek dam ká hai. . . WUH phirke ham par shafaqat karegá : WUHí hamáre gunáhon ko dabá degá.

Zabúr 30 : 5. Míkah 7 : 19.

Aur us din tú kahegá, ki ai KHUDÁWAND, main TERÍ sitáish karúngá ; ki agarchi TÚ mujh se nákhush thá, par TERÁ gussa utar gayá, aur TÚ ne mujhe tasallí dí. Yasáiyáh 12 : 1.

SEPTEMBER 13.

KHUDÁ ne kyá kiyá?

Gintí 23 : 23.

Us kí khudái kí qudrat ne hamen sab chizen, jo zindagí aur dindári se taalluq rakhtí hain, Us kí pahchán se ináyat kí, jis ne ham ko APNE jalál aur nekí se buláyá.

2 Patras 1 : 3.

KHUDÁWAND YISÚ MASÍH kí pahchán kí khúbí ke sabab sab kuchh nuqsán samajhte ho.

Filippíon 3 : 8.

MAIN tujh se kyá karún?

Húsía 6 : 4.

Ai mere KHUDÁ, mujhe yád karke merá bhalá kar.

Nahamiyáh 5 : 19.

KHUDÁWAND terá KHUDÁ tujh se khushí hoke phir terí bhalái karegá ; agar tú apne sáre dil aur apne sáre ji se KHUDÁWAND apne KHUDÁ kí taraf phire.

Istisná 30 : 9, 10.

SEPTEMBER 15.

Kyá TÚ ham se sadá bezár rahegá ; kyá TÚ sári pushton par apne qahr ko khainchehá?

Zabúr 85 : 5.

MAIN rahím hún ; MAIN sadá tak apná gazab na rakh chhorúngá.

Yaramiyáh 3 : 12.

Wuh APNÁ gussa hamesha tak nahín rakh chhortá hai, kyúñki WUH rahm karne se bahut khush hai.

Míkah 7 : 18.



Kyá tú bin sazá páe nikal jáegá ?

Yaramiyáh 49 : 12.

Yih mujh se dūr rahe, yih mujh se dūr rahe. ....Ai KHUDÁWAND, mujhe tambíh de, par andáze se ; APNE qahr se nahín, na ho ki Tú mujhe nábúd kar de.  
2 Samúel 20 : 20. Yar. 10 : 24.

MAIN tujhe andáze se tambíh dúngá, ki tujhe bin sazá diye ra rahúngá.

Yaramiyáh 30 : 11.

SEPTEMBER 17.

Tujhe kyá milegá ?

Zabúr 120 : 3.

TERÍ barakat,...ki main yaqín jántá hún, ki jise Tú barakat detá hai, use barakat hotí.

Zabúr 3 : 8. Gintí 22 : 6.

MAIN tujh ko mubáarak karúngá ; aur tú ek mubáarak hogá. MAIN APNÍ RÚH terí nasl par, aur APNÍ barakat terí aulád par názil karúngá.

Paid. 12 : 2. Yas. 44 : 3.

Agar KHUDÁ hamárí taraf hai, to kaun hamára mukhálif hogá ?

Rúmíon 8 : 31.

WUH jaisá cháhtá hai, waisá ásmán ke lashkaron aur zamín ke báshindon ke darmiyán kám kartá hai ; aur koí nahín jo Us ke háth ko rok sake.

Dániel 4 : 35.

Hallilú-Yáh, kyúinki KHUDÁWAND KHUDÁ QÁDIR I MUTLAQ, bádsháhat kartá hai. Mukáshafát 19 : 6.

SEPTEMBER 19.

Kyá Us kí ázamat tumhen nahín daráwegí ?

Aiyúb 13 : 11.

Dekho, KHUDÁ merí naját hai ; main Us par tawakkul karúngá, aur na darúngá.....Ki KHUDÁWAND baland hai, aur paston par tawajjuh kartá hai.

Yasaiyáh 12 : 2. Zabúr 138 : 6.

Ai KHUDÁWAND mere KHUDÁ, APNE bande kí duá aur zári par kán dhar, aur duá aur zári, jo TERÁ banda áj ke din TERE áge kartá hai, so sun.

1 Salátín 8 : 28.

Tú kyá cháhtá hai, ki MAIN tere liye karūn ?  
Marqus 10 : 51.

Ai KHUDÁWAND, main TERÍ minnat kartá hūn, ki Tú áj APNE bande ko kámyáb kare.  
Nahamiyáh 1 : 11.

Is shari'at kí kitáb ká zikr tere munh se chhút na jáwe, balki tú rát din us men gaur kiyá kar, táki tú us sab par jo us men likhá hai, dhyán rakhke amal kare; tab tú apní ráh men iqbálmand hogá, aur tab hí tú kámyáb ho jáegá.

Yashúa 1 : 8.

SEPTEMBER 21.

Mujhe kis ká intizár hai ?

Zabúr 39 : 7.

Main KHUDÁWAND ke intizár men hūn; merí ján intizár men hai, aur mujhe Us ke kalám ká bharosá hai.

Zabúr 130 : 5.

Bhalá hai, ki insán KHUDÁWAND kí naját ká ummedwár rahe, aur sabr se Us kí intizári kare.

Yaramiyáh ká Nauha 3 : 26.

Kaun terí dawá kar saktá hai ?

Yaramiyáh ká Nauha 2 : 13.

WUH shikasta-dilon ká iláj kartá hai; aur un ke zakhmon ko bándhtá hai.

Zabúr 147 : 3.

Ai KHUDÁWAND, mujhe changá kar, tab main changá hoúngá; mujhe bachá; tab main bachúngá; kyúñki Tú merá fakhr hai.

Yaramiyáh 17 : 14.

SEPTEMBER 23.

Main kyá mángún ? Marqus 6 : 24.

KHUDÁ se mashwarat líjiye....Mángo, ki tum páoge, táki tumhári khushí kámil ho.

Qázion 18 : 5. Yúh. 16 : 24.

Mujh ko subh ke waqt APNÍ shafaqat kí áwáz suná; kyúñki merá tawakkul TUJH par hai; apní ráh ki jis men main chalún, mujhe batá; kyúñki main apní rúh ko TERÍ taraf uthátá hūn.

Zabúr 143 : 8.



Ai KHUDÁWAND, Tú kyá cháhtá hai,  
ki main karún ?

Aamál 9 : 6.

Apní tabíat se khabardar raho..... Par  
jis men MASÍH KÍ RÚH nahín, wuh Us  
ká nahín..... Apní samajh aur tabíat kí  
nisbat naye bano..... Pas tumhárá mizáj  
wuhí howe, jo MASÍH YISÚ ká bhí thá.

Mal. 2 : 15. Róm. 8 : 9. Afs. 4 : 23.

Filip. 2 : 5.

Ai KHUDÁ, mere andar ek pák dil  
paidá kar.

Zabúr 51 : 10.

MAIN APNÍ RÚH tum men dálúngá.

Hizqiel 36 : 27.

SEPTEMBER 25.

Agar Us se minnat karen, to hamen  
kyá nafa hogá ?

Aiyúb 21 : 15.

Tum KHUDÁ ke nazdík jáo, tab WUH  
tumbhare nazdík áwegá.

Yaqúb 4 : 8.

MAIN tujh kane áúngá, aur tujhe  
barakat dúngá.

Khurúj 20 : 24.

Wuh kyá bát hai, jo KHUDÁ ne tujh  
se kahí ?

I Samúel 3 : 17.

Us ne kahá, ki MERÍ huzúrí sáth  
jáegí, aur MAIN tujhe áram dúngá.

Khurúj 33 : 14.

APNE bande kí khátir, APNE kalám  
ko yád farmá, ki Tú ne mujhe ummed-  
wár kiyá hai.

Zabúr 119 : 49.

MAIN wuh achchhí bát, jo MAIN ne  
kahí hai, púrí karúngá.

Yaramiyáh 33 : 14.

SEPTEMBER 27.

Ab, ai MERE bete, tere liye MAIN kyá  
karún ?

Paidáish 27 : 37.

Mere qadmon ne TERÍ ráhen pakrín,  
mere pángw nahín tale.

Zabúr 17 : 5.

Tú mat dar ; ki MAIN tere sáth hún ;  
hírasán mat ho ; ki MAIN terá KHUDÁ  
hún ; MAIN tujhe zor bakhshúngá, MAIN  
terí kumak karúngá, MAIN APNÍ sadá-  
qat ke dahine háth se tujhe sambhálungá.

Yasaíyáh 41 : 10.

Ham kis tarah riháí pá saken ?

Yasaiyáh 20 : 6.

ḲHUDÁWAND tere iatimád ká báis hogá, aur tere páñw ká háfiz, táki wuh qaid na howe. . . . ḲHUDÁ tere jáne áne men, is waqt se leke abad tak, terá háfiz rahegá.

Amsál 3 : 26. Zabúr 121 : 8.

ḲHUDÁYÁ, Tú merí hifázat kar, kyún-ki mujhe TERÁ hí bharosá hai.

Zabúr 16 : 1.

SEPTEMBER 29.

Admí apní ján ke badle men kyá degá ?

Marqus 8 : 37.

Kyá ḲHUDÁWAND hazáron medhon se yá tel kí das hazár nahron se khush hogá ? Kyá main apne palauthe ko apne gunáh ke iwaz, apne pet ke phal ko apní ján kí khatá ke badle men de dálúngá ?

Mikah 6 : 7.

Us kí (MASÍH) ján gunáh ke liye guz-rání jáwe. . . . Apne taín qurbání karne se gunáh ko nest kare. . . . Us ke shukr-guzár ho. . . . Shukráne ke hadiye charháó . . . . Tum apne badnon ko guzráno, táki ek zinda qurbání, . . . . sitáish kí qurbání ḲHUDÁ ke liye. Yas. 53 : 19. Ibr. 9 : 26. Zabúr. 100 : 4. Amús 4 : 5. Róm. 12 : 1.

Ibráníon 13 : 15.

ḲHUDÁWAND yún farmátá hai, ki naját dene ká MERÁ zor nahin ?

Yasaiyáh 50 : 2.

Sádiqon kí naját ḲHUDÁ se hai ; dukh ke waqt WUH un ká garh hai. Aur ḲHUDÁWAND un kí madad karegá, aur unhen chhuráwegá ; WUH un ko sharíron se chhuráwegá aur bacháwegá ; is liye ki un ká bharosá Us par hai,

Zabúr 37 : 39, 40.

Abad tak ḲHUDÁWAND par iatimád rakho.

Yasaiyáh 26 : 4.



## October.

### OCTOBER 1.

Masíh ke haqq men tumhárá kyá gumán hai?

Matí 22: 42.

WUH sab ke wáste múá, ki jo jíte hain, so áge ko apne liye na jíwen, balki Us ke liye, jo un ke wáste múá, aur phir jí uthá.

2 Qurintíon 5: 15.

Tum apne nahín ho, kyúunki tum dámon se kharíde gae; pas tum apne tan se aur apní rúh se, jo KHUDÁ ke hain, KHUDÁ kí buzurgí karo.

1 Qurintíon 6: 19, 20.

### OCTOBER 2.

Shariát men Kyá likhá hai? tú kis tarah parhtá hai? Lúqá 10: 26.

Tú apne sáre dil, aur apne sáre jí, aur apne sáre zor se, KHUDÁWAND apne KHUDÁ ko dost rakh....aur tú apne bhái ko apní mánind piyár kar.

Istisná 6: 5. Ahbár 19: 18.

Mahabbat rakhná shariát ká púrá karná hai....Pas mahabbat se chalo....Mile raho, ki KHUDÁ jo mahabbat aur salámatí ká baní hai, tumháre sáth hogá. Rúmíon 13: 10. Afsíon 5: 2.

2 Qurintíon 13: 11.

### OCTOBER 3.

Ai mere jí, tú kyún girá játá hai, aur tú mujh men kyún be-árám hai? Zab. 43: 5.

Mere gunáh mere sir ke bálon se shumár men ziyáda hain; so main ne dil chhor diyá. Zabúr 40: 12.

Tú apne dil ko sharárat se pák kar, táki tú rihái páwe. Yaramiyáh 4: 14.

Kaun kah saktá hai, ki main ne apne dil ko sáf kiyá hai?....Ai KHUDÁ, mere andar ek pák dil paidá kar....Mujh ko dho, ki main barf se ziyáda sufed hoún.

Amsál 20: 9. Zabúr 51: 10, 7.

Main kyá karún, ki naját páún ?

Aamál 16: 30.

Imán se húa, ki wuh fazl ká ṭhahre :  
....ímán jo mahabbat kí ráh se asar  
kartá hai.

Rúmíon 4: 16. Galatíon 5: 6.

So, ai mere bháío, darte aur tharthar-  
ráte húe apní naját ke kám kiye jáo ; ....  
Yisú ko jo ímán ká shurú aur kámil  
karnewálá hai, takte rahen.

Filippíon 2: 12. Ibráníon 12: 2.

## OCTOBER 5.

Ham kyá karen, táki KHUDÁ ke kám  
bajā láwen ? Yúhanná 6: 28.

KHUDÁ ká kám yih hai, ki tum Us  
par jise Us ne bhejá, ímán láo.

Yúhanná 6: 29.

Ab salámatí ká KHUDÁ, tum ko har  
ek nek kám men kámil kare, táki tum  
Us kí marzí par chalo, aur jo kuchh Us  
ke húzúr men maqbúl hai, Yisú MASÍH  
ke wasíle tum men kare ; Us ká jalál  
hamesha hamesha howe.

Ibráníon 13: 20, 21.

Kyá WUH har shakhs ko jaise us ke  
kám hain, waisá ajr na degá ?  
Amsál 24: 12.

Us ne kahá, dekh, MAIN jald átá hún ;  
aur MERÁ ajr MERE sáth hai, táki har  
ek ko us ke kám ke muwáfíq badlá dún.  
Mukáshafát 22: 12.

Pas tum dekhte ho, ki ádmí aamál se  
rástbáz ṭhahráyá játá hai, aur sirf ímán  
se nahín. Yaqúb 2: 24.

## OCTOBER 7.

Ai mere bháío, agar koí kahé, ki  
main ímándár hún, aur amal na kartá  
ho, to kyá fáida ? Kyá aisá ímán use  
bachá saktá hai ? Yaqúb 2: 14.

Jaisá badan be rúh murda hai, waisá  
hí ímán bhí be aamál murda hai.  
Yaqúb 2: 26.

Pas tum apní taraf se kamál koshish  
karke apne ímán par neكى barháó....  
Tumhare BÁP kí, jo ásmán men hai,  
sitáish karen,....jis ne ham ko APNE  
jalál aur neكى se buláyá. 2 Patras 1: 5.  
Matí 5: 16. 2 Patras 1: 3.



## OCTOBER 8.

Phir kaun naját pá saktá hai ?

Matí 19 : 25.

Yih insán se nahín ho saktá, par  
KHUDÁ se sab kuchh ho saktá hai....  
Kisi ne apní ján ko nahín jiláyá....  
Ham KHUDÁ kí qudrat se ímán ke wasíle  
us naját tak, mahfúz kiye húe hain.

Matí 19 : 26. Zab 22 : 29. 1 Pat. 1 : 5.

Merí ján kí hifázat kar, aur mujhe  
naját de; ki mujhe TERÁ hí bharosá hai.  
Zabúr 25 : 20.

## OCTOBER 9.

Tum kyún sote ho ? Lúqá 22 : 46.

Ham roshní kí ráh takte hain.

Yasáiyáh 59 : 9.

Are á, tú jo sotá hai, jág, aur murdon  
men se uth; ki MASÍH tujhe roshan  
karegá....KHUDÁ ke jalál kí pahchán  
ká núr YISÚ MASÍH ke chibre se.

Afsión 5 : 14. 2 Qur. 4 : 6.

Ai KHUDÁWAND, mere KHUDÁ, merí  
ánkhen roshan kar, na ho, ki mujhe maut  
kí nind á jáwe.

Zabúr 13 : 3.

## OCTOBER 10.

Tum mutálaba ke din aur us kharábi  
ke din, jo dúr se áwegí, kyá karoge ?  
Yasáiyáh 10 : 3.

KHUDÁWAND mazlúmon ke liye pa-  
náh; musíbat ke waqt panáh hogá; aur  
we jo TERÁ nám jánte hain, TERÁ bha-  
rosá rakhenge.

Zabúr 9 : 9, 10.

KHUDÁWAND merá qíla hai, aur merá  
KHUDÁ merí panáh kí chatán hai,...Jab  
main dartá hún, to main TUJH par ta-  
wakkul kartá hún. Zabúr 94 : 22; 56 : 3.

## OCTOBER 11.

Dekh, main KHUDÁWAND hún, aur  
sáre bashar ká KHUDÁ; kyá mere áge  
koí kám dushwár hai? Yar. 32 : 27.

Main jántá hún, ki Tú sab kuchh kar  
saktá hai.

Ai mere KHUDÁ, main yih bhí jántá  
hún, ki Tú dil ko jánchtá hai, aur rástí  
ko cháhtá hai;...aur sab ko APNE tábí  
kar saktá hai....Hamáre gunáhon ko  
dabá degá. 1 Taw. 29 : 17. Fil. 3 : 21.

Míkah 7 : 19.

Kyá barhegá?

Hizqíel 17 : 10.

KHUDÁWAND apne KHUDÁ kí shariát ko hízf kare; tab tú iqbálmánd hogá.

1 Tawáríkh 22 : 12, 13.

Mubárák wuh ádmí jo KHUDÁWAND kí shariát men magan rahtá. . . . Apne har ek kám men phúltá phaltá rahegá.

Zabúr 1 : 1, 2, 3.

Pas tum is ahd kí báton kí muháfizát karo, aur un par amal karo; táki sab kámon men, jo tum karte ho, kámyáb ho.

Istisná 29 : 9.

## OCTOBER 13.

Ai KHUDÁWAND, Tú kyá cháhtá hai, kí main karún?

Aamál 9 : 6.

Apne dil o ján se KHUDÁWAND apne KHUDÁ kí talásh men lage raho. . . . KHUDÁWAND ko aur Ús kí qúwat ko dhúndho; Ús ká chihra hamesha cháho.

1 Tawáríkh 22 : 19; 16 : 11.

Jab tú KHUDÁWAND apne KHUDÁ ká talib hogá, aur apne púre dil se, aur apní sári ján se Úse dhúndhegá, to tú Úse páegá.

Istisná 4 : 29.

Tú Ús ke haqq men, kyá kahtá hai?

Yúhanná 9 : 17.

KHUDÁ rúh hai, aur Ús ke parastáron ko farz hai, kí rúh aur rástí se parastish karen.

Yúhanná 4 : 24.

Ham apne dil ko háthon samet ásmán kí taraf KHUDÁ ke áge utbáwen. . . . Mubárák we, jo Ús kí shahádaton ko yád rakhte hain, jo apne sáre dil se Úse dhúndhte hain. Yar. ká Nauha 3 : 41.

Zabúr 119 : 2.

## OCTOBER 15.

Main kyá karún, táki hamesha kí zindagí ká wáris hún?

Marqus 10 : 17.

KHUDÁ kí bakhshish hai. . . . KHUDÁ kí bakhshish hamáre KHUDÁWAND Yisú MASÍH ke wasíle.

Afs. 2 : 8. Róm. 6 : 23.

Apne taín KHUDÁ kí muhabbat men mahfúz rakho, aur hamesha kí zindagí ke liye hamáre KHUDÁWAND Yisú MASÍH kí rahmat ke muntazir raho. Yahúdáh 21.



## OCTOBER 16.

Tú mujh ko kyá degá? Paid. 15 : 2.

ḲHUDÁWAND ḲHUDÁ ek áftáb, aur sipar hai; ḲHUDÁWAND fazl aur jalál bakhshatá hai; un logon se jo sídhí chál chalte hain, koí achchhí chíz dareg na karegá.

Zabúr 84 : 11.

We TERE ghar kí chiknái kháne se ser howenge, aur Tú APNÍ ishraton ke daryá se unhen seráb karegá. . . ḲHUDÁ ká daryá.

Zabúr 36 : 8; 65 : 9.

## OCTOBER 17.

Kaun taiyár hai, ki apná háth bharke áj ḲHUDÁWAND ke áge áwe.

1 Tawárikh 29 : 5.

Rúh to mustáidd, par jism sust hai. . .  
Ai ḲHUDÁWAND ḲHUDÁ, main tujh se minnat kartá hún, ki mujhe zor bakhsh.

Matí 26 : 41. Qázion 16 : 28.

MERÁ fazl tujhe kifáyat hai. . . MERÍ tawánái ká dāman pakro.

2 Qurintion 12 : 9. Yasaiyáh 27 : 5.

## OCTOBER 18.

MAIN ne terá kyá kiya hai?

1 Salátin 19 : 20.

Jis din main ne pukará, Tú ne merí suní; Tú ne merí rúh ko himmat deke qawí kiya.

Zabúr 138 : 3.

ḲHUDÁWAND merá zor, aur merí sipar hai; mere dil ne Us par tawakkul kiya, aur mujhe Us kí pushtí húi.

Zabúr 28 : 7.

## OCTOBER 19.

Ab tú kis par iātimād rakhtá hai?

2 Salátin 18 : 20.

Ham ne zinda ḲHUDÁ par, jo sab ádmion ká, khásskar imándaron ká BACHÁNEWÁLÁ hai, bharosá kiya hai.

1 Timtáus 4 : 10.

ḲHUDÁWAND nek hai, aur bipat ke din ek hasín qila hai; WUH un ko jo Us ká bharosá rakhte hain, pahchántá hai.

Nahúm 1 : 7.

Main kyá karún? Aamál 22 : 10.

Jo kuchh ki KHUDÁ ne tujhe farmáyá wuhí kar. . . Ham ko KHUDÁ ká hukm ádmíon ke hukm se ziyáda mánná farz hai.

Paidáish 31 : 6. Aamál 5 : 29.

Mubáarak we hain, jo Us ke hukmon par amal karte hain, táki zindagí ke darakht par un ká ikhtiyár ho, aur we un darwázon se shahr men dákhil howen.

Mukáshafát 22 : 14.

OCTOBER 21.

Hamen kaun bacháegá?

1 Samúel 4 : 8.

KHUDÁWAND ham ko rihái degá.

2 Salátin 18 : 32.

Yaqinan Us kí naját Us ke dānewalon ke nazdik hai. . . Aur KHUDÁWAND mujhe har ek zabún kám se bacháwegá, aur APNÍ ásmání bādsháhí tak mahfúz rakhegá.

Zabúr 85 : 9. 2 Timtáus 4 : 18.

Tú APNE bande ko kyún dukh de rahá hai?

Ginti 11 : 11.

Ai MERE beté, KHUDÁWAND kí tambíh ko haqír mat ján, aur Us kí tādib se bezár mat ho. Kyúnki KHUDÁWAND jis ko piyár kartá hai, us ko tambíh detá hai, jis tarah báp us beté ko, ki jis se wuh khush hai.

Amsál 3 : 11, 12.

Ai KHUDÁWAND, mujhe tambíh de, par andáze se : APNE qahr se nahín, na ho, ki Tú mujhe nábúd kár de. Yaramiyáh 10 : 24.

Hirásán mat ho; kyúnki MAIN tujhe nest o nábúd na karúngá; par main andáze se terí tādib karúngá. Yaramiyáh 46 : 28.

OCTOBER 23.

Us kí mánind kaun tarbíyat karnewálá hai?

Aiyúb 36 : 22.

Tamám rúe zamín men MERÍ mánind koi nahín. . . . MAIN hí KHUDÁWAND terá KHUDÁ hún, jo tujhe fáida kí báten sikhlatá hún, aur tujhe us ráh men, jis men tujhe jáná lázim hai, le chaltá hún. Khur. 9 : 14. Yas. 48 : 17.

Mubáarak wuh insán, jise Tú ai KHUDÁWAND tambíh kartá, aur APNÍ shariát men se us ko sikhlatá hai; táki Tú us ko burái ke din chain bakhshé. Zabúr 94 : 12, 13.



## OCTOBER 24:

Tú kahān se áí? Paidáish 16: 8.

Kyúnki ham to kal ke ádmí hain, aur kuchh nahīn jānte hain, ki hamāre dīn zamīn par sāya ke mánind hain, . . . sāya jo zail ho jātā hai, . . . ek guzarte hūe sāya.

Aiyúb 8: 9. Zabúr 102: 11; 144: 4.

KHUDÁ kí taraf apná munh uthāwegá, . . . aur terí ráhon par roshní chamkegi. Aiyúb 22: 26, 28.

## OCTOBER 25.

Kaun jāntá hai, ki insán ke liye, dunyā mein, us kí umr i batálat ke gine hūe dinon mein, jinhen parchhāin ke mánind wuh káttá hai, kyá achchhá hai?

Wáiz 6: 12.

Jo koi chāhe ki zindagī se khush ho, aur achchhe dinon ko dekhe, so apní zabān ko badí se, aur apne honthon ko dagá kí bát bolne se báz rakhe.

1 Patras 3: 10.

Ái KHUDÁWAND, mere munh par nigahbān biṭhlá; mere honthon ke darwāze kí darbānī kar, . . . kí merí zabān se gunāh na ho. Zabúr 141: 3; 39: 1.

## OCTOBER 26.

Ham kyá bolē?

Paidáish 44: 16.

Cháhiye, ki har ek ádmí apne parosí se sach kabe; . . . muhabbat ke sáth sach bolo. Zakariyáh 8: 16. Afsión 4: 15.

Sachái ke liye sarzamín mein diler ho; . . . sab se narmí karo, aur síkhlāne par mustáidd, aur dukhon ke sahnewāle ho; aur mukhálifon kí farotaní se tādīb karo. Yaramiyáh 9: 3. 2 Timtáús 2: 24, 25.

## OCTOBER 27.

Sharā mein barā hukm kaun hai?

Matí 22: 36.

KHUDÁWAND ko, jo terá KHUDÁ hai, apne sáre dil, aur apní sárí jān, aur apní sárí samajh se piyār kar. Pahlá aur barā hukm yihí hai. Matí 22: 37, 38.

MERE hukmon ko hifz kar, aur jítá rah; aur MERÍ tákid ko apní ánkhon kí putlí kí mánind baná.

Amsál 7: 2.

Jawán ádmí apní ráh kis tarah se sáf  
kar rakhe?

Zabúr 119: 9.

TERE kalám ke mutábiq us kí khabar-  
dári karne se; . . . KHUDÁ ke umda kalám.

Zabúr 119: 9. Ibránion 6: 5.

Main ne TERE kalám ko apne dil ke  
bích chhipá liyá, táki main TERÁ gunáh  
na karún.

Zabúr 119: 11.

## OCTOBER 29.

Main kyá leke KHUDÁWAND ke huzúr  
men áún, aur KHUDÁ TAÁLA ke áge kyún-  
kar sijda karún?

Míkah 6: 6.

Ai mere bete, apná dil MUJH ko de.

Amsál 23: 26.

Merá tan zinda KHUDÁ ke liye pukártá  
hai. . . Rát ko merí ján TERÁ shauq  
rakhtí thí; main ne apne dil se har subh  
TERÍ talásh kí.

Zabúr 84: 2. Yasaiyáh 26: 9.

Kyá WUH tumben apná manzúr i nazar  
karegá?

Maláki 1: 9.

WUH sháhzádon ke záhir bál par nazar  
nahín kartá, aur daulatmand ko miskín  
se ziyáda munh nahín lagátá; kyúñki we  
sab ke sab Us ke háth kí kárigarí haiñ.

Aiyúb 34: 19.

KHUDÁ záhir par nazar nahín kartá;  
balki har qaum men, jo Us se dartá aur  
rástbází kartá, Us ko pasand átá hai.

Aamál 10: 34, 35.

## OCTOBER 31.

Main kyúnkar jáún? 1 Samúel 16: 2.

KHUDÁWAND YAHOWÁH kí qúwat se  
andar jáúngá.

Zabúr 71: 16.

KHUDÁWAND aur Us kí qudrat kí  
qúwat men zoráwar bano.

Afsion 6: 10.

Merá KHUDÁ merí tawánái hogá.

Yasaiyáh 49: 5.



## November.

### NOVEMBER 1.

MasíH ke haqq men tumhárá kyá gumán hai?

Matí 22 : 42.

Hamáre BACHÁNEWÁLE YISÚ MASÍH ne áP ko hamáre badle diyá, táki WUH hamen sab tarah kí badkárion se chhuráwe. . . . Har ek, jo MASÍH ká nám letá hai, ná-rástí se báz rahe.

Títus 2 : 14. 2 Timtáus 2 : 19.

Kisí tarah kí badí ko mujh par gálib hone na de.

Zabúr 119 : 133.

## NOVEMBER 2.

Kyá tú KHUDÁ ke BETE par ímán látá hai?

Yúhanná 9 : 35.

Ai KHUDÁWAND, main ímán látá hún,  
Tú merí be-ímání ká chára kar.

Marqus 9 : 24.

MAIN APNÍ RÚH tum men dálúngá.  
.... WUH MERÍ chizon men se páwegí,  
aur tumhen dikháwegí, . . . táki tum jáno,  
aur MUJH par ímán láo. Hizqiel 36 : 27.  
Yúhanná 16 : 14. Yasaiyáh 43 : 10.

### NOVEMBER 3.

Ai KHUDÁWAND TÚ kyá cháhtá hai,  
ki main karún?

Aamál 9 : 6.

Apne dil kí barí se barí khabardárí  
kar, kí zindagání ke anjám usí se hain.

Amsál 4 : 23.

Tú merí kumak kar.

Zabúr 119 : 86.

Hirásán mat ho; MAIN terí madad.  
karúngá. Yasaiyáh 41 : 14.

Dil sab chizon se ziyada hilaabaz hai ;  
han, wuh nihayat fasil hai : us ko kaun  
daryaft kar saktai hai ? Yar. 17 : 9.

MAIN, KHUDAWAND, dil ko janchtai  
hun, aur gardon ko azmat, taki main  
har ek admi ko us ki chal ke muwafiq,  
badla dun. Yaramiyah 17 : 10.

Ai KHUDA, mujhe janch, aur mere dil  
ko jan ; mujhe azma, aur mere andeshon  
ko jan ; aur dekh, ki mujh mein kisi tarah  
ki kharabi ki rah hai ; aur mujh ko abadi  
rah mein chala. Zabur 139 : 23, 24.

NOVEMBER 5.

Danaai kahan se ati hai ? aur fahmid  
ki jagah kidhar hai ? Aiyub 28 : 20.

Agar tu aqlmandi ke liye pukarega,  
aur fahmid ke liye apni awaz uthaega :  
agar tu us ko yun dhundhega, jis tarah  
rupe ko dhundhte hain ; aur yun us ki  
talash karega, jis tarah ganj nihani ki  
talash karte hain ; tab tu KHUDAWAND  
ke khauf ko samjhega, aur KHUDA ki  
shinasai ko pawega. Amsal 2 : 3—5.

Dekho, KHUDAWAND ka khauf danaai  
hai, aur badi se dur rahnai wahi fahmid  
hai. Aiyub 28 : 28.

Tu kyai dekhti hai ?

Zakariyah 4 : 2.

Main shariat apne azun mein dekhti  
hun, jo meri aql ki shariat se latti, aur  
mujhe us gunah ki shariat ka, jo mere  
azun mein hai, giriftar karti. Ah ! main  
to sakht musibat mein hun ! is maut ke  
badan se mujhe kaun chhuraega ?

Rumion 7 : 23, 24.

Terai KHUDA, jis ki tu sada bandagi  
kartai hai, so tujhe chhuraue.... Tum-  
hen sar i nau paidai hona zarur hai.

Daniel 6 : 16. Yuhanna 3 : 7.

NOVEMBER 7.

Admi jab burhai ho gayai, to kyunkar  
paidai ho saktai hai ? Yuhanna 3 : 4.

Meri Rukh se, RABB-UL-AFWAJ far-  
mata hai. Zakariyah 4 : 6.

Na lahu se, na jism ki khwahish se,  
na mard ki khwahish se, magar KHUDA  
se paidai hue hain : .... Rukh se paidai hui,  
.... tabiat i ilahi mein sharik ho jawen ;  
.... Us ki pakizagi mein sharik hoven.

Yuhanna 1 : 13 ; 3 : 8.

2 Patras 1 : 4. Ibranon 12 : 10.



Kyá KHUDÁWAND ke nazdík koí bát mushkil hai?

Paidáish 18 : 14.

WUH sab ko apne tábi kar saktá hai.

Filippíon 3 : 21.

WUH hamáre gunáhon ko dabá degá.  
....KHUDÁ KÁ BETÁ is liye záhír húa,  
ki Shaitán ke kámon ko nest kare.

Míkah 7 : 19. 1 Yúhanná 3 : 8.

NOVEMBER 9.

Tú kyún rotá hai? 1 Samúel 1 : 8.  
Mere gunáh mere sir se guzar gae;  
bhári bojh kí mánind mujh par bhári ho gae.

Zabúr 38 : 4.

Apná bojh KHUDÁWAND par dál, kí  
WUH tujhe thámbh legá....KHUDÁ-  
WAND kí ráh dekhtá rah, WUH tere dil  
ko taqwiya degá.

Zabúr 55 : 22 ; 27 : 14.

Kyá KHUDÁ ásmán kí bulandí par nahín? Aiyúb 22 : 12.

WUH bulandí par rahtá hai; aur AP ko past kartá, táki ásmán zamín par nigáh kare. Zabúr 113 : 5, 6.

WUH muhtáj kí duá kí taraf mutawaj-jih hotá, aur un kí duá ko haqír nahín jántá....Dekh, KHUDÁ bará hai, lekin kisí ko haqír nahín jántá.

Zabúr 102 : 17. Aiyúb 36 : 5.

NOVEMBER 11.

Kyá ásmán aur zamín MUJH se bhare nahín hai? Yaramiyáh 23 : 24.

Agar ásmán ke úpar charh jáún, to Tú wahán hai; agar pátál mein apná bistar bichháún, to dekh, Tú wahán bhí hai. Agar subh ke pankh leke main samundar kí intihá mein já baithún; to wahán bhí TERÁ háth mujhe le chalegá, aur TERÁ dahná háth mujhe sambhálegá.

Zabúr 139 : 8-10.

KHUDÁWAND kí ánkhen sárá zamín mein daurtí phirtí hai, táki un kí madad mein, jin ká dil Usí par takya kartá hai, APNE taín qawí dikhláwe.

2 Tawárikh 16 : 9.

Tere liye kyá kiya jáwe?

2 Salátín 4 : 13.

Mujhe áñkh kí putlí kí mánind mah-fúz rakh ; mujhe APNE paron ke sáya tale chhipá le.

Zabúr 17 : 8.

Jo koi tumhen chhútá hai, so Us kí áñkh kí putlí ko chhútá hai....WUH tujhe APNE paron tale chhipáwegá, aur Us ke pankhon ke'niche hoke tú panáh páegá. Zakariyáh 2 : 8. Zabúr 91 : 4.

NOVEMBER 13.

Tú kyá cháhtá hai?

Astar 5 : 3.

Tú mere sáth rahá kar.

Paidáish 29 : 19.

Dekh, MAIN tere sáth hún, aur har jagah, jahán kahín tú jáwe, terí nigah-bání karúngá. ...MERÍ huzúrí sáth jáegí, aur MAIN tujhe árám dúngá.

Paidáish 28 : 15. K̲hurúj 33 : 14.

Tú Us ke haqq men kyá kahtá hai?

Yúhanná 9 : 17.

Main K̲HUDÁWAND ko apní panáh aur apná garh, apná K̲HUDÁ kahtá hún : merá bharosá Us par hai. Zabúr 91 : 2.

Ai K̲HUDÁ, mujh par rahm kar ; kyún-ki merí ján ne TERÍ panáh lí hai ; bān, main TERE paron ke sáye tale panáh liye rahúngá, jab tak ki yih áfaten tal jáwen.

Zabúr 57 : 1.

NOVEMBER 15.

Kyá Tú ne mere liye koi barakat nahín rakh chhorí? Paidáish 27 : 36.

Mat dar, ki MAIN tere sáth hún ; aur tujhe barakat dúngá....Aj se MAIN tum ko barakat dúngá. Paid. 26 : 24.

Hajjí 2 : 19.

Kásh ki Tú mujhe barakat bakhsh-tá, aur merí hadden barhátá, aur TERÁ háth mujh par hotá, aur mujhe badí se bachá rakhtá, ki wuh mujhe na kalpáwe.

1 Tawárikh 4 : 10.



Kaun ham ko bhalái dikhláwe?

Zabúr 4 : 6.

Upar kí chízon se dil lagáo, na un chízon se jo zamín par hain.

Qulassíon 3 : 2.

Har ek achchhí bakhshish aur kámil inám úpar hí se hai, aur núron ke BÁNÍ kí taraf se utartá hai. . . . Koí insán kisi chíz ko magar jis hál ki wuh use ásmán se dí jáwe, pá nahín saktá.

Yaqúb 1 : 17. Yúhanná 3 : 27.

NOVEMBER 17.

Kisí ko pukáriye : aur qudsíon men se tú kis kí taraf mutawajjih hogá ?

Aiyúb 5 : 1.

Ai merí ján, chupke faqat KHUDÁ hí ke intizár men rah. . . . Un men se hargiz kisi ká maqdúr nahín, ki apne bhái ká fídyá, yá us ká kafára KHUDÁ ko dewe.

Zabúr 62 : 5 ; 49 : 7.

Ek KHUDÁ hai, jo BÁP hai, . . . . aur KHUDÁ aur ádmíon ke bích ek ádmí darmiyání hai, wuh MASÍH YISÚ hai.

1 Qurintíon 8 : 6. 1 Timtáús 2 : 5.

Wuh larhá kis taur ká hogá ?

Qázíon 13 : 12.

Tere sab farzand bhí KHUDÁWAND se talím páwenge. Yasaiyáh 54 : 13.

Yih báten, jo áj ke din MAIN tujhe farmátá hún, tere dil men rahen. Aur tú yih báten koshish se apne larhon ko sikhla, aur tú apne ghar men baithte, aur ráh chalte, aur lette, aur uthte waqt un ká charchá kar : . . . ánewálí pusht par KHUDÁWAND kí sitáish záhir karenge; táki KHUDÁ par apná bharosá rakhen. Istisná 6 : 6, 7. Zabúr 78 : 4, 7.

NOVEMBER 19.

Ham kyúnkar us ráh ko ján saken ?

Yúhanná 14 : 5.

Agar koí tum men se hikmat men náqis howe, to KHUDÁ se mánge, jo sab ko sakháwat ke sáth detá, aur ulahná nahín detá hai, ki us ko ináyat hogí.

Yaqúb 1 : 5.

Mujh ko APNÍ ráh batlá.

Khurúj 33 : 13.

Jis waqt sharir us admī ko jo us se rāstbāz hai, nigal jāta hai, tab Tū kis liye chupkā rahtā hai?

Habaqqūq 1 : 13.

Jo ki MAIN kartā hūn, ab tū nahīn jāntā, par bad us ke jānegā....MERE log MERī niāmton se āsūda hongē, KHUDĀWAND kahtā hai.

Yūhannā 13 : 7. Yaramiyāh 31 : 14.  
Bahut hai. Lūqā 22 : 38.

NOVEMBER 21.

Ai mere BĀP, kyā main unhen mār lūn? main unhen mār lūn?

2 Salātīn 6 : 21.

Badī kā maglūb na ho, balki badī par nekī se gālib ho.

Rūmīon 12 : 21.

Jo gussa karne men dhīmā hai, pahla-wān se bihtar hai; aur wuh jo apnī rūh par zābit hai, us se, jo shahr ko le letā hai.

Amsāl 16 : 32.

Ai Ustād, ham kyā karen?

Lūqā 3 : 12.

Tum sachchī adālat karo, aur har koi apne apne bhāī par karam aur rahm kiyā kare : .... Tab KHUDĀWAND terā KHUDĀ tujh par rahm karegā.

Zakariyāh 7 : 9. Istisnā 30 : 3.

Muāf karo, to tum bhī muāf kiye jāoge.  
Lūqā 6 : 37.

NOVEMBER 23.

Ai KHUDĀWAND, agar merā bhāī merā gunāh kare, to main use kitnī martaba muāf karūn? sāt martaba tak?

Matī 18 : 21.

Main tujhe sāt martaba tak nahīn kahtā, balki sattar ke sāt martaba tak.

Matī 18 : 22.

Tum ek dūsre par mihrbān aur dard-mand ho, aur ek dūsre ko baḥshā karo, chunānchī KHUDĀ ne bhī MASĪH ke liye tumhen baḥshā hai.

Afsion 4 : 32.



Kyá Tú nek ko bad ke sáth halák karegá? Paidáish 18: 23.

We MERÁ kháss khazána honge, us din men jise MAIN ne muqarrar kiyá hai, RABB-UL-AFWÁJ farmátá hai: aur jis tarah koí apne bete par, jo us ká khidmat-guzár hai, shafaqat kartá hai, MAIN un par shafaqat karúngá.

Malákí 3: 17.

Ai mere KHUDÁ, mujh ko is ke haqq men yád kar, aur APNÍ rahmat kí kasrat ke mutábíq mujh par shafaqat kar.

Nahamiyáh 13: 22.

NOVEMBER 25.

Kyá tú ne KHUDÁ ke bhed ko sun páyá hai? Aiyúb 15: 8.

KHUDÁ ne APNE piyár karnewálon ke liye we chízen taiyár kíen, jo na ánkhoñ ne dekhín, na kánon ne sunín, aur na ádmí ke dil men áín. 1 Qurintíon 2: 9.

Ham ímán se, aur na ki dekh dekhke chalte hain; . . . ímán ke wasíle KHUDÁ kí qudrat se us naját tak, jo ákhiri waqt men záhir hone ko taiyár hai, mahfúz rahte hain. 2 Qur. 5: 7. 1 Pat. 1: 5.

Kis par takiya karte ho?

2 Tawáríkh 32: 10.

Ai YAHOWÁH KHUDÁWAND, merí ánkhen TERÍ taraf hain; merá tawakkul TUJH par hai; merí ján ko halák hone na de.

Zabúr 141: 8.

Jo KHUDÁWAND par bharosá rakhne-wálá hai, us ko mihir ghortí hai.

Zabúr 32: 10.

NOVEMBER 27.

Tú kahán se áyá?

Paidáish 16: 8.

KHUDÁ kí RÚH ne mujh ko banáyá hai, aur QÁDIR I MUTLAQ ke dam ne mujh ko zindagí bakhshí hai.

Aiyúb 33: 4.

Main TERÁ hún, mujhe bachá le.

Zabúr 119: 94.

MAIN tere sáth hún, kí terí hifázat karún, aur tujhe ribáí dún.

Yaramiyáh 15: 20.

Tú kitná mere MÁLIK ká dharátá hai?  
Lúqá 16: 5.

Sab jo kuchh mere pás hai.

1 Salátín 20: 4.

MÉRÁ qarz jo tujh par hai, tú hí hai.  
....MAIN ne terí khatáon ko bádál ke  
mánind, aur tere gunáhon ko ghatá ke  
mánind miṭá dálá; MERÍ taraf phir á,  
ki MAIN ne terá fidiya diyá hai.

Filemún 19. Yasaiyáh 44: 22.

NOVEMBER 29.

Ham dewen yá na dewen?

Marqus 12: 15.

Tum ne muft páyá, muft do....Na  
kí gam se, na láchári se: kyúñki KHUDÁ  
usí ko, jo khushí se detá hai, piyár kartá  
hai. Aur KHUDÁ tum par har tarah kí  
niyamat barhá saktá hai, táki tum hame-  
sha sab tarah kí kifáyat rakhke, harsúrat  
kí nekokári men barhte jáo.

Matí 10: 8. 2 Qurintíon 9: 7, 8.

KHUDÁWAND aisá kare, ki tumhári  
muhabbat barhe aur ziyáda howe....  
RÚH I QUDS kí qudrat se.

1 Tassaluníqíon 3: 12. Rómíon 15: 13.

Kyún USTÁD ko ziyáda taklíf detá  
hai?  
Marqus 5: 35.

Zamín ke kináron ká PAIDÁ-KARNE-  
WÁLÁ thak nahín játá, aur mánda nahín  
hotá....We jo KHUDÁWAND kí ráh takte  
hain, sar i nau zor paidá karenge.

Yasaiyáh 40: 28, 31.

Main KHUDÁWAND ke intizár men  
hún; merí ján Us ke intizár men hai,  
aur mujhe Us ke kalám ká bharosá hai.

Zabúr 130: 5.



## December.

### DECEMBER 1.

MasíH ke haqq men tumhárá kyá gumán hai ?  
Matí 22 : 42.

Hamáre BACHÁNEWÁLE YISÚ MASÍH ne maut ko nest kiyá, aur zindagí aur baqá ko Injíl se roshan kar diya,.... Injíl i abadi,....jalálwálí Injíl,....sulh baqshshnewálí Injíl,....tumbhári naját kí khushkhabari,....KHUDÁ ke fazl kí Injíl,....MASÍH kí Injíl. 2 Timtáús 1 : 10. Muk. 14 : 6. 1 Tim. 1 : 11. Afs. 6 : 15 ; 1 : 13. Aqmál 20 : 24. Rómíon 1 : 16.

MASÍH kí Injíl ke muwáfíq guzrán karo.  
Filippíon 1 : 27.

### DECEMBER 2.

Kyá insán zamín par sipágharí ke liye nahín ?  
Aiyúb 7 : 1.

Us ke din gine gaye, aur us ke mahínon ká shumár TERE pás hai, aur Tú ne us kí baddeñ bándhí haiñ, kí wuh un se pár nahín já saktá.  
Aiyúb 14 : 5.

Hamen hamári umr ke din ginná síkhá, aisá kí ham dáná dil hásil karen.  
Zabúr 90 : 12.

### DECEMBER 3.

Mere din kyá thore nahín ?  
Aiyúb 10 : 20.

Insán, jo kí aurat se paidá hotá, thore din tak jítá rahtá, aur sarásar ranj men hai.  
Aiyúb 14 : 1.

Musíbat ke din KHUDÁWAND terí sune ; YAQÚB KE KHUDÁ ká nám tujhe bulandí baqshshe.  
Zabúr 20 : 1.

Kyá WUH sadá APNÁ gazab rakhegá?

Yaramiyáh 3: 5.

KHUDÁWAND rahím aur karím hai, gussa hone men dhímá, aur shafaqat men barhkar hai. Us ká jbhunhláná dáimí nahín: WUH APNE gusse ko abad tak nahín rakh chhortá..... Roná shám ko howe, par subh ko gáne kí nau-bat hogí..... Mujhe khushí aur khurramí kí khabar suná, ki merí haqdíán jinhen Tú ne tor dálá shádmán hon. Zabúr 103: 8, 9; 30: 5; 51: 8.

MAIN hamesha na jhagrúngá, aur MAIN sadá gazabnák na rahúngá; ki yún hí rúh MERE huzúr be-táb ho játi, aur jánen jo MAIN ne banáín. Yasaiyáh 57: 16.

DECEMBER 5.

Kyá Tú uráe húe patte ko toregá?

Aiyúb 13: 25.

WUH masle húe senthe ko na toregá..... WUH shikasta-dilon ká jláj kartá hai, WUH un ke zakhmon ko bándhtá hai. Yas. 42: 3. Zab. 147: 3.

Jis tarah báp beton par tars khátá hai, usí tarah, KHUDÁWAND un par, jo Us se darte hain, tars khátá hai. Ki WUH hamárá haqíqat ko jántá hai; WUH yád rakhtá hai, ki ham mittí hain. Zabúr 103: 13, 14.

Ai mere KHUDÁWAND KHUDÁ, kyá Tú azal se nahín hai? Habacquq 1: 12.

Azal se abad tak....MAIN ne barí abadí ishq se tujhe piyár kiya;....MAIN abadí ináyat se tujh par rahm karúngá, KHUDÁWAND, terá BACHÁNEWÁLÁ yún farmátá hai. Zabúr 90: 2.

Yaramiyáh 31: 3. Yas. 54: 8.

Pahár to játe rahen, aur koh hil jáen, par MERÍ mihrbání, jo tujh par hai, kadhí gaib na hogí. Yasaiyáh 54: 10.

DECEMBER 7.

Tum kumak ke liye kis ke pás dauroge? Yasaiyáh 10: 3.

Jab main dartá hún to main TUJH par tawakkul kartá hún....Main KHUDÁWAND kí ráh dekhúngá, aur apne naját denewále KHUDÁ ká intizár karúngá; merá KHUDÁ merí sunegá. Zabúr 56: 3. Míkah 7: 7.

MAIN sunúngá: kyunki MAIN mihr-bán hún. K̲hurúj 22: 27.



Yardan kí bárh men tú kyá karegá?

Yaramiyáh 12: 5.

ḲHUDÁ bolá, Yaqínan main tere sáth húngá.

Ḳhurúj 3: 12.

WUH tere sáth rahegá; WUH tujh se gáfil na hogá, aur tujhe na chhoregá; so tú khauf na kar, aur be-dil na ho.

Istisná 31: 8.

DECEMBER 9.

Tú APNE bande ko kyún dukh de rahá hai?

Gintí 11: 11.

Táki terá bhalá ho. Istisná 10: 13.

WUH hamáří bihtarí ke liye tambíh kartá hai, táki ham Us kí pákízagí men sharík howen; . . . jis ke bagair ḲHUDÁ-WAND ko kóí na dekhegá.

Ibráníon 12: 10, 14.

Kyá ḲHUDÁ kí tasallíán tere nazdík haqír hai?

Aiyúb 15: 11.

Hamára BÁP ḲHUDÁ jis ne hamen piyár kiya, aur hamen hamesha kí tasallí dí, . . . MASÍH men dilásá.

1 Tassalúníqíon 2: 16. Filippíon 2: 1.

Mubárák hai WUH ḲHUDÁ, jo hamáre ḲHUDÁWAND YISÚ MASÍH ká BÁP, aur rahmaton ká BÁNÍ, aur sári tasallí ká ḲHUDÁ hai; WUHÍ hamáří har ek musíbat men ham ko tasallí detá hai, táki ham Us kí tasallí ke sabab, jo hamen ḲHUDÁ se miltí hai, un ko bhí jo kisi tarah kí musíbat men hai, tasallí de saken.

2 Qurintíon 1: 3, 4.

DECEMBER 11.

MAIN tere liye kyá karún?

2 Salátín 4: 2.

Merí dilgíri men us CHATÁN tak, jo mujh se únchí hai, mujh ko le pahunchá; . . . wuh rúhání CHATÁN, . . . MASÍH.

Zabúr 61: 2. 1 Qurintíon 10: 4.

Merí panáh kí CHATÁN, . . . merí naját kí CHATÁN, . . . ek abadí CHATÁN.

Zabúr 94: 22; 89: 26. Yasaiyáh 26: 4.

Tú kyá jántá hai? Aiyúb 15: 9.

Main jántá hūn ki merá Riháí DENE-  
wálá zinda hai. . . KHUDÁWAND zinda  
hai, aur merí CHATÁN mubáarak hai; aur  
merí naját kí CHATÁN ká KHUDÁ buland  
aur bálá hai.

Aiyúb 19: 25. 2 Samúel 22: 47.

Is liye ki MAIN jítá hūn, tum bhí  
jioge. Yúhanná 14: 19.

DECEMBER 13.

Ai KHUDÁWAND, Tú kyún dúr khará  
rahtá hai? dukh ke aiyám men Tú kyún  
Ap ko chhipátá hai? Zabúr 10: 1.

Táki tumháre ímán kí ázmáish, jo faní  
sone se, harchand ki wuh ág men táyá  
bhí jáe, kitná hí beshqímat hai, Yisú,  
MASÍH ke záhir hone ke din taríf aur  
izzat aur jalál ke láiq pái jáwe.

1 Patras 1: 7.

Ai piyáro, tum us tánewáli ág se, jo  
ázmáne ke liye tum par bharkí hai,  
taajjub na karo, ki goyá tumhárá ájab  
hál húa hai. Balki is sabab se khushí  
karo, ki tum MASÍH ke dukhon men  
sharik ho; táki Us ke jalál ke záhir hote  
waqt tum be-niháyat khush o khurram  
ho. 1 Patras 4: 12, 13.

Wuh phir jiegá? Aiyúb 14: 14.

Qiyámat men piehhe din phir jí  
uthegá. . . Aur wuh subh kí roshní kí  
mánind hogá, jab kí súraaj níkalatá hai;  
aisí subh, kí jis ke sáth badlián nahín  
hotín. Yúh. 11: 24. 2 Sam. 23: 4.

Ai KHUDÁWAND, TERE muhabbat kar-  
newále súraaj kí mánind howen, jab kí  
wuh apne zor se talú hotá hai, . . . aur  
chamkenge sitáron kí mánind, abad-ul-  
ábád tak. Qázion 5: 31. Dániel 12: 3.

DECEMBER 15.

Kyá Tú murdon ke liye ajáib kám  
karegá? Kyá murde uthenge, aur TERÍ  
sitáish karenge? Zabúr 88: 10.

MAIN unhen pátal ke qábú se fitya  
men lúngá; MAIN unhen maut se chhu-  
ráungá. . . KHUDÁWAND ke chhuráe húe  
lautenge, aur Saihún men gáte húe  
áwenge, aur abadí surúr un ke siron par  
hogá; we khushí aur shádmání hásil  
karenge, aur gam aur áh i sard dafá kí  
jáengi. Húsia 13: 14. Yas. 35: 10.

KHUDÁ un kí ánkhon se har ek ánsú  
ponchhegá. Mukáshafát 7: 17.



Kyá tamám dunyá ká INSÁF-KARNE-  
WÁLÁ insáf na karegá? Paid. 18: 25.

WUH CHATÁN hai, Us ká kám kámil  
hai, ki Us kí sab ráhen rást hain;  
KHUDÁ sachchá hai, aur badí se mubarra  
hai; WUH sádiq aur barhaqq hai.

Istisná 32: 4.

WUH merí CHATÁN hai; Us men ná-  
rástí nahín hai. Zabúr 92: 15.

DECEMBER 17.

Ai nigahbán, rát kí kyá khabar hai?  
Ai nigahbán, rát kí kyá khabar hai?

Yasáiyáh 21: 11.

Rát bahut guzar gayí, aur subh nazdík  
húí.

Rúmíon 13: 12.

Pas ham andhere ke kámon ko tark  
karen, aur roshní ke hathýár bándhen;  
... aur núr ke farzandon kí tarah chal-  
en, ... taki ham Us kí khúbíán záhir  
karen, jis ne hamen taríki se APNÍ ajíb  
roshní men buláyá. Rúmíon 13: 12.

Afsíon 5: 8. 1 Patras 2: 9.

Kyá KHUDÁWAND ká din taríki na  
hogá, aur roshní nahín? balki niháyat  
andherá hogá, jis men kuchh safái na  
ho? Amús 5: 20.

Taríki hí men rástkáron ke liye núr  
chamaktá hai. ... Agar tú apne dil ko  
bhúke kí taraf máil kare, aur tú azurda-  
dil ko ser kare, to terá núr taríki men  
tulú karegá, aur terí tirági do-pahar kí  
mánind hogí. Zabúr 112: 4.

Yasáiyáh 58: 10.

Núr sádiqon ke liye boyá gayá hai,  
aur khushí un ke liye, jin ke dil sídhe  
hain. Zabúr 97: 11.

DECEMBER 19.

Terá kyá matlab hai? Astar 5: 6.

Agar main TERÍ nazar men manzúr  
hún, to mujh ko APNÍ ráh batlá, taki  
mujh ko yaqín ho, kí main TERÍ nazar  
men maqbúl hún; ... aur TUJH ko akelá  
sachchá KHUDÁ, aur YISÚ MASÍH ko jise  
Tú ne bhejá hai, jánún.

Khurúj 33: 13. Yúhanná 17: 3.

RÚH I HAQQ tum ko sári sachcháí kí  
ráh batáwegí. ... RÚH kí hidáyat se  
chalo. Yúh. 16: 13. Gal. 5: 18.

Ham kyúnkar us ráh ko ján saken ?

Yúhanná 14: 5.

MAIN APNÍ RÚH tum men dālúngá;  
....aur tere kán tere píchhe se yih  
áwáz sunenge, jo kahtí, kí Ráh yihí hai,  
us par chalo; ....ki tum apne jion men  
árám páoge.

Hizqiel 36: 27.

Yasaiyáh 30: 21. Yaramiyáh 6: 16.

Tú APNÍ maslahat se mujhe hidáyat  
karegá.

Zabúr 73: 24.

DECEMBER 21.

Tú kyá mángtá hai ?

1 Salátín 1: 16.

Hamáre sáth rah; kyúnki shám húa  
cháhtí hai, aur din dhalá.

Lúqá 24: 29.

Agar koí MUJHE piyár kartá hai, wuh  
MERE kalám par amal karegá, aur MERÁ  
BÁP use piyár karegá, aur HAM us pás  
ávenge, aur us ke sáth rahenge; ....  
shám ke waqt roshan hogá.

Yúhanná 14: 23. Zakariyáh 14: 7.

Kyá maut-gáh ke darwáze tere liye  
khul gaye? yá tú ne zill i maut ke  
pháṭakon par nazar kí hai?

Aiyúb 38: 17.

Dostdár aur áshná Tú ne mujh se  
dúr kar diye; mere ján pahchán taríki  
hí hain.

Zabúr 88: 18.

Us kí talásh karo, jo maut kí parchháin  
ko subh kar detá: Us ká nám KHUDÁ-  
WAND hai; ....aur KHUDÁWAND terá abadí  
núr hogá, aur tere mátam ke din ákhir  
ho jáenge.

Amús 5: 8. Yas 60: 20.

DECEMBER 23.

Murde kis tarah uthte hain ?

1 Qurintión 15: 35.

Na to zor se, aur na to tawánái se,  
balki MERÍ RÚH se, RABB-UL-AFWÁJ  
farmátá hai.

Zakariyáh 4: 6.

Agar Us kí RÚH, jis ne Yisú ko  
murdon men se jiláyá, tum men base, to  
MASÍH ká jilánewálá tumháre murde  
badan ko bhí APNÍ Us RÚH ke wasíle  
jo tum men bastí hai, jiláwegá. ....RÚH  
se bhar jáo.

Rúmión 8: 11. Afsión 5: 18.



Kyá KHUDÁWAND sokhtaní qurbáníon aur zabíhon se khush hotá hai, yá is se ki Us ká hukm máná jáwe? 1 Sam. 15: 22.

Dekh, ki hukm mánná qurbání char-háne se aur shinawá honá mendhon kí charbí se bihtar hai....Par bhláí aur sakháwat karní na bhúlo; is liye ki KHUDÁ aísí qurbáníon se khush hotá hai.

1 Samúel 15: 22. Ibráníon 13: 16.

Sabse nekí karo:....aur jo kuchh karo, so jí se karo. Gal. 6: 10. Qul. 3: 23.

# DECEMBER 25.—KRISMASDAY.

Kyá aísá din, ki us men ádmí apní ján ko dukh de? Yasáiyáh 58: 5.

Ab jáo, aur jo motá hai kháo, aur jo míthá hai píó, aur jin ke liye kuchh taiyár nahín húá, un ke pás hissa bhejo; kyúnki áj ká din hamáre KHUDÁWAND ke liye muqaddas hai, aur tum udásmat hoo; kyúnkishádmání jo KHUDÁWAND kí bábat hai tumhári qúwat hai. Nahamíyáh 8: 10.

Aur íd karte waqt, tu khushí karegá, tú aur terá betá, aur terí betí, aur terá gulám, aur terí laundí aur Láwí, aur musáfír, aur yatím aur bewa bhí, jo tere phátaKon ke andar hain. Istisná 16: 14.

Kyá KHUDÁ dasht men dastarkhwán bichhá saktá hai? Zabúr 78: 19.

KHUDÁWAND Saihún ko tasallí degá; WUH us ke sáre wíran makánon kí díldárá karegá; WUH us ká bayábán Adan ke mánind, aur us ká sahrá KHUDÁWAND ká sá bág banáwegá: khushí aur khuramí us men pái jáegí, shukrguzárá aur gáne kí áwáz us men hogí. Yas. 51: 3.

KHUDÁ tumhári har ek ihtiyáj rafa karegá. Filippíon 4: 19.

# DECEMBER 27.

MAIN ne terá kyá kiyá hai?

1 Salátín 19: 20.

Tú us din men, jis din main ne TUIHE pukará, nazdík áyá, aur kahá, ki mat dar....Merí ján ke pás á, aur us ko chhurá. Yar. ká Nauha 3: 57.

Zabúr 69: 18.

Mat dar, ki MAIN ne tuihe riháí dí; MAIN ne terá nám leke tuihe buláyá: tú MERÁ hai. Yasáiyáh 43: 1.



Tú kyá cháhtá hai, ki MAIN tere liye karún?

Marqus 10 : 51.

MERÍ ján par mihrbán hoke Tú ne mujhe saráhat ke garhe se riháí dí: kyúñki Tú ne mere sáre gunáhon ko APNÍ píñh ke píñhhe phenk diyá.....Tú ne merí ján maut se bacháí; kyá Tú mere pánwon ko phisal jáne se na bacháegá, táki main KHUDÁ ke huzúr zindon ke núr men chalún phirún. Yasaiyáh 38 : 17.

Zabúr 56 : 13.

KHUDÁWAND har ek buráí se tujhe mahfúz rakhegá; WUH terí ján ko mahfúz rakhegá. KHUDÁWAND tere jáne áne men, is waqt se leke ábad tak, terá háfíz rahegá. Zabúr 121 : 7, 8.

## DECEMBER 29.

Kis ne samundar ko darwáze lagáke band kiyá,.....aur kahá, ki yahán tak tú áná, áge na bahégá; aur is jagah tere maujon ká garúr thamegá?

Aiyúb 38 : 8, 11.

KHUDÁWAND, jis waqt Us ne samundar kí hadd thahráí, ki pání Us ke hukm se báhar na jáen.

Amsál 8 : 29.

Jab dushman báñh ke mánind charh áwegá, to KHUDÁWAND kí RÚH us ke muqábil ek nishán khará karegí.

Yasaiyáh 59 : 19.

Yád farmáíye, ki Tú ne mujhe mittí ká sá pind banáyá: phir kyá Tú mujhe mittí men miláyá cháhtá? Aiyúb 10 : 9.

Khák khák se já milegí, jis tarah áge milí húi thí, aur rúh KHUDÁ ke pás phir jáegí, jis ne use diyá. Wáiz 12 : 7.

Main apní rúh ko TERE háth men somptá hún; ai KHUDÁWAND, sacháí ke KHUDÁ, Tú ne mujhe makhlási dí hai.

Zabúr 31 : 5.

## DECEMBER 31.

In chízon ká anjám kyá hogá?

Dániel 12 : 8.

Ham sab hásil i kalám sunen: KHUDÁ se dar, aur Us ke hukmon ko mán; ki insán ká farz i kullí yihí hai, kyúñki KHUDÁ har ek fil ko, har ek poshida chíz ke sáth, khwáh bhalí ho, khwáh burí, ádalát men láwegá. Wáiz 12 : 13, 14.

Ab Us ke liye jo tum ko girne se bachá saktá, aur APNE jalál ke huzúr kámil khushí se tumhen beaib khará kar saktá hai; jo KHUDÁ i wáhid hakím, aur hamará BACHÁNEWÁLÁ hai, jalál aur hashmat, qudrat aur ikhtiyár, ab se ábad tak howen. Amín. Yahúdáh 24, 25.